

CLAVA, CLAVI, & CLAVIGERO

Debita.

quâ

Clavis Linguarij, Lau-
rentij Lælij, Prædicantis Onol-
dini confringitur.

à

GEBHARDO RAZENRIEDT,
è Societate I. E. S. V.

BIBLIOTECA NAZ.
ROMA
VITTORIO EMANUELE



Cum facultate Superiorum.

NONACHII,

Apud CORNELIVM LEYSSERIVM,
Electoraletn Typographum.

M. DC. XXX.

VATICINIVM

De
CLAVE LINGVARII,

Libello

LAURENTII LÆLII,

Circa Annum Christianum Nona-
gesimum,

Ex Parnassio Apollinis Tripode
editum.

Equiti Superbo , Nobili , locupleti,
Cecidit repēte magna, de sinu, CLAVIS:
Nunquam , Fabulle , NEQVIOR fuit
CLAVIS.

Reperitur inter Epigrammata Martialis
Lib. 5. Epig. 36.

Illustrissimo, S. Rom. Imp. Prin-
cipi, ac Domino, Dño.

FRIDERICO,

Marchioni Brandenburgico,
Prussiae, Sterini, Pomeraniae, Cassubij,
Silesiae, Iagerndorffij, &c: Duci, Burgrauio
Norimbergensi, & Principi
Rügenfi, &c.

Domino suo Clementissimo, Vitam
& Felicitatem precatur,

GEBHARDVS RAZENRIEDT,
Societatis IESV.



Aurentius Lælius
ILLVSTRIS-
SIME
MARCHIO, CLE-
MENTIS-
SIME PRIN-
CEPS, in palatium tuum, præli-
centem, si non & temerarium
intulit pedem; hastam in eâ, ve-
lut in foro, aut Comitio po-
suit;

EPISTOLA

fuit; sellam Prætori tibi curulem statuit, se actorem, me reū effecit. Caput accusationis libellum esse voluit, à me, contra primam *Scripturæ* suæ *Loquentis* controuersiam, luci datum; in quo sacrorum voluminum sacrosanctam auctoritatem conuulsam esse, & quid denique non? contra me quiritatur. conclamat mea, sua integra esse omnia, à capite ad vsque calcem proclamat. Hæc summa litis ILLVSTRISIME PRINCEPS. dicamne contestatam? dicam enim uero, quia apud te; quem nisi de Heroum sanguine nō fsem, forum declinarem. Nunc quia mihi certum est, generosa in ortus suos exurgere semina.

nihil

DEDICATORIA.

nihil trepido, meâ causâ, & Illust^{mâ} tuâ indole fretus ; neque enim nescius sum, Principes animos, à clarissimis Iusti, Æquîue radijs serenare.

Adsum igitur , non temerarius, quia ad te, in ius vocatus; si ingratus, non causa, sed Actor tibi charus, grauis tamen re ipsa, & tibi amicus, & Veritati inimicus facit. Actorem quia admittis, non repelles eum; non potes, causæ postulatus cognitor, eum repellere, cui alteram debes aurem : hanc mihi integram, & te reseruâsse , nullus dubito, & *Clauem Lelij*, non reiectam, mihi reserasse confido. Venio ergo iure meo , pro me, imò pro te, ILLVSTRIS

EPISTOLA

PRINCEPS, potissimum dicturus, ut videas tandem, (quod, velut multorum errorum fertile seminarium, acriter hac tempestate Prædicantes propugnant) nequaquam *totam Christi doctrinam sacris inscriptam circumferri paginis, sed bonam partem Traditionibus Ecclesiæ contineri.* quod vidit ante te, ipse qui mereum facit, Lælius, cum ad articulos Fidei aliquot, cap. 7. *Linguarum* mei, ad sacræ scripturæ examen illi submissos, nullam scripturam, sed coactas Veritate manus, cum alieno responso, in *Clave* sua, dedit. quod ipsum etiam ILL^{MA} CELS: Tuam videre nullus voluit, ut quadram scilicet tuam diutius lingere, & tam

DEDICATORIA.

tam diuite Sportulâ, in Aulâ tuâ,
 porrò mactari mereretur, suæ
 cuticulę, quã æternæ tuæ salutis
 attentior. Est fanè fundamentũ
 istud, de quo agimus, Luthera-
 nę rei : vide igitur ILL^{ME} MAR-
 CHIO, vide obsecro qualenam?
 vt videas profectò causam ha-
 bes, *Lælium tuum*, in hoc vehe-
 menter trepidantem, in proba-
 tione tam clarè deficientem,
 Scripturam ipsius non loquen-
 tem amplius, sed tacentem, mu-
 tam.

Ea propter ad CLEMEN-
 TISSIMAS ILL^{MÆ} TVÆ
 CELS: manus, libellum hunc
 supplicem, ILL^{MO} Tvo nomini
 demissâ cum reuerentiâ inscri-
 ptum, venerabundo affectu, re-

EPISTOLA

uerenter transmittō, obtestor-
 que, causam vt meam, pericu-
 lum quin potius tuum, non X-
 viris Stlitibus iudicandis, com-
 mittas, sed pensiculatē *probando*
spiritum num ex DEO sit, vt quod bo-
 num est tenere queas ipse prudenti
 æstimatione arbitreris. Cau-
 saque tū denique cognita, Da,
 dic, addic, ex animi tui senten-
 tia: litem profectō etiam ad Li-
 bonis puteal iniuratus, tuam
 non facies, si quidem ego Prin-
 cipes noui, & tu auitos, (quod
 spes in herba pollicetur) regene-
 ras Principes. Cæterum DEVS te
 sospitet, ILL^{ME} MARCHIO, & et-
 iam mihi clementissimè fauen-
 tem, diu seruet. Eichstadij Cal.
 Maij Anno Christiano M DC
 XXX.

Præ.



Præfatio ad Lectorem.



QUID si non miratorem,
 me, sed æmulum haberet
 Xenocrates, Lector; qui
 cum lascivius vnus ali-
 quis, ac prætextati oris
 ganeo, nescio quas, de Artellanis, inge-
 reret quæstiunculas, illosque diu sto-
 machante silentio, vir honestus dissi-
 mularet, impatiente tandem linguâ,
 importuno percontatori, ista te, re-
 spondit, hominem proiecti pudoris
 sciscitari quidem, me verò haudqua-
 quam, ad ista, decet respondere. Exigit
 à me, in re quidem dissimili, non dissi-
 mile tamen responsum, Lælius; *clavem*
 enim edidit, libellum inquam, quo re-
 spondisse videri vult, & refutâsse *Lingua-*
rium meum. Ego verò æstimare te ve-
 lim, Lector, æquumne sit, vt vir corda-

Ad Lectorem.

tus libello isti, vel audientiam præster, vel responsum? tametsi enim non nesciam fuisse, etiam de Romanis Imperatoribus, qui, ignobili sanè aucupio, Muscas in conclaui venaretur, ego tamen temporis iacturam vereri, materie paruitatem negligere, & stridulam hanc *clauem*, merito fastidio damnatam, nec ad manus, nec ad genua admittere me debere, multimodè animaduerto. Quodnam enim uero responsum, indignius responso, esse queat? Oppono *Scriptura Loquenti*, argumenta in *Linguario*, & numero non pauca, & pondere non leuia; quid in *clauē* fero responsi? quæ his argumentis petuntur, clara esse, ac liquida, nec ad id opus esse, vel luce aliâ, vel consequentijs. pag. 19. & 21. consequentiæ pro rectè intelligendo Ioannis 20. cap. quinque ipsis capitibus productæ, vno flatu, utique Aquilonari illo, vnde malum omne venit, dispelluntur, ait per consequentias hanc conclusionem suam, in scripturâ non quærendam

dam, constare è claris verbis ipsius
huius scripturæ; consequentias meas
ad se ideo non spectare; contra quas
etiam alijs locis passim protestatur, &
priuatim in præfatione ad Lectorem,
id ipsum præfatur, aitque, ad illas se non
responsurum, §. in der Dialectic. cum
sint *profana vaniloquia*. 2. ad Tim. 2. vers. 15.
stulta, & sine disciplinâ quæstiones, quæ generant li-
tes. vers. 24. Et ne penitus nihil egisse,
& ad obiecta nihil respondisse videatur,
totus, ac multus est in propositionibus,
ac conclusionibus, à me, reiectis, repe-
tendis declarandis, confirmandis, quasi
verò oppugnatam thesin confirmare,
sit ad contraria argumenta respondere?
Non pudet ergo tantum, tantillis me
opponere, & implicare, sed & piget;
quid enim non video laboris mihi suc-
crescere, hoc si stadium decurrere in-
cipisso? Lælio operosum non erit, ad
obiecutorum vim, & ἐνεργείων tacere; scri-
pturam, ac thesin suam veram, claram-
que proclamitare; lacinias admorde-
re tan-

Ad Lectorem.

re tantum extimas; momenta quibus
vrgebitur contentius, arctiusque, ve-
lut *stultas quaestiones, & vaniloquia profana* infa-
mare; incauto Lectori multiloquentiam
suam palpum obtrudere; mihi verò, &
tussis, & ravis, & nautea omnis in tergo
est, ac labor Sisyphi in manu, dum de-
uiantem Sophistam, in viam reuoco,
dum tacentem Sigalionem ad lineas
reduco, ad rem ipsam vocalem reddo.
Quidquid tamen sit laudo Xenocra-
tem, iam quidem non imitor, in diuer-
sum enim me casum dabo; responde-
bo, & *clauem* quam inficcta est, CLAVA
istâ, non Herculeâ (potest enim à cane
non magno iste aper teneri) minutatim
confringam, ut *clauiger* sæpius ictus, cum
piscatoribus sapere condiscat, & tute
videas, Lector, quam miserandi illi
sint, qui Lælio, cæterisque id genus
Prædicantibus, scripturam sacram suo
cerebro metientibus, salutem suam
concredunt. Posses id doceri paucis
Lector, & compendiariam ad errores Læ-

Ad Lectorem.

lij deduci viâ; nam quî fieri potest, ve
Ioannes cap. 20. Lucas Act. 1. aliique ci-
tati à Lælio Apostoli, affirment, *omnia ad
salutem, & Fidem necessaria, in Sacris Biblijs, iam
scripta exstare, ab Articuli Fidei, non scripta, esse pro-
scripta*, cum reipsâ tales existant Articuli,
necessariò credendi, in nullâ Scri-
pturâ Canonicâ reperti? Credit Læ-
lius quatuor nostra Euangelia esse Ver-
bum DEI; in nullâ hoc reperiet scri-
pturâ, credit hæc esse eorum Euangelia,
quibus inscripta sunt, vbi autem in suâ
clauē testem, prouocatus à me, stitit? cre-
dit illa esse integra, non manca, nō sup-
posititia, adulterata, vbi ex scripturâ,
à me rogatus, probauit in *clauē*? Episto-
lām S. Iacobi vbi in scripturâ, vel stra-
mineam, vel auream, ac probam legit?
multa de genere hoc sunt credenda,
creditâque Lælio, aliisque, nullâ scri-
pturâ tamen testata, & scriptura dicat,
omnia hæc esse scripta? Non potest
falsum testari scriptura, quidquid labo-
ret Lælius; qui dum in *clauē* suâ, ad ob-
iectos

Ad Lectorem.

iectos articulos, ut parte 3. huius libri ostendam, nullum scripturæ produxit testimonium, contra scientiam, ac cōscientiam suam, sciens, prudēsq̃ue, adeoque ut perdat, non ut saluet, laboravit. Fatisceret sanè, nec egeret alio responso, tam *clavis*, quàm Lælius, ita clarum hinc est, nec scripturam Lælio favere, nec Lælium Scripturæ fidum interpretem esse posse; ne tamen meus Prædicans succenseat mihi, responsionum suarum, aut obiectionum præteritionem *clavem* totam membratim exenteratam, velut murænam edorsuabo; sed videbis, Lector, manticæ Lælianæ quid à tergo sit; nec vitio vertes, Stomachanti quandòq; calamo, si asperior videatur; culpâ qui carere non potuit, non potuit iustam reprehensionem non mereri: non Lælium, sed libellum ferio; amicus Lælius, amica tamen magis veritas, cui Lælius in libellis suis tam est inimicus, ut egere ferulâ videatur: à quâ dū vapulat, specta, Lector, & vale.

PARS



P A R S. I.

DE VERBO DEI, ARTI-
culo 1. *Scripturae Loquentis.*

CAPVT I,

De titulo, *Scriptura Lo-*
quens, &c.

AB Ioue alij principium,
Laelius sumit à Mercurio, &
quasi si gallum sacrificasset,
ita promptum reperit respon-
sum: negat enim pag. 1. suc-
censendum sibi, *Clare Loquen-*
tis Scriptura titulum, quod eum scilicet, à Do-
ctoribus Catholicis sit mutuatus, qui & ipsi, ta-
li epigrammate, libellum suum inscripserunt.
Facit iniuriam Doctoribus Catholicis, neque
enim illi (quod ego in Laelio, tantopere, ac to-
ties in *Linguario* reprehendo) *Clare loquentis*
Scripturae responsa pollicentur, solus Laelius
hoc facit, vtque faciat honestius, socios poena-
rum quærit; non repertos, mirâ metamorphosi
productos sistit.

VATICINIVM

De
CLAVE LINGVARII,
Libello

LAURENTII LÆLII,
Circa Annum Christianum Nona-
gesimum,
Ex Parnassio Apollinis Tripode
editum.

Equiti Superbo , Nobili , locupleti,
Cecidit repēte magna, de sinu, CLAVIS:
Nunquam , Fabulle , NEQUIOR fuit
CLAVIS.

Reperitur inter Epigrammata Martialis
Lib. 5. Epig. 36.

Illustrissimo, S. Rom. Imp. Prin-
cipi, ac Domino, Dño.

FRIDERICO,

Marchioni Brandenburgico,
Prussiae, Sterini, Pomeraniae, Cassubij,
Silesiae, Iägerndorffij, &c: Duci, Burgrauio
Norimbergensi, & Principi
Rügenfi, &c.

Domino suo Clementissimo, Vitam
& Fælicitatem precatur,

GEBHARDVS RAZENRIEDT,
Societatis I E S V.



Aurentius Lælius
ILLVSTRIS-
SIME
MARCHIO, CLE-
MENTIS-
SIME PRIN-
CEPS, in palatium tuum, præli-
centem, si non & temerarium
intulit pedem; hastam in eâ, ve-
lut in foro, aut Comitio po-
suit;

EPISTOLA

fuit; sellam Prætori tibi curulem statuit, se actorem, me reū effecit. Caput accusationis libellum esse voluit, à me, contra primam *Scripturæ* suæ *Loquentis* controuersiam, luci datum; in quo sacrorum voluminum sacrosanctam auctoritatem conuulsam esse, & quid denique non? contra me quiritatur. conclamat mea, sua integra esse omnia, à capite ad vsque calcem proclamat. Hæc summa litis

ILLVSTRISIME PRINCEPS. dicamne contestatam? dicam enim uero, quia apud te; quem nisi de Heroum sanguine nō fsem, forum declinarem. Nunc quia mihi certum est, generosa in ortus suos exurgere semina,

nihil

DEDICATORIA.

nihil trepido, meâ causâ, & Illust^{ma} tuâ indole fretus ; neque enim nescius sum, Principes animos, à clarissimis Iusti, Æquie radijs serenare.

Adsum igitur , non temerarius, quia ad te, in ius vocatus; si ingratus, non causa, sed Actor tibi charus, grauis tamen re ipsa, & tibi amicus, & Veritati inimicus facit. Actorem quia admittis, non repelles eum; non potes, causæ postulatus cognitor, eum repellere, cui alteram debes aurem : hanc mihi integram, & te reseruâsse , nullus dubito, & *Clauem Lelij*, non reiectam, mihi reserasse confido. Venio ergo iure meo , pro me, imò pro te, ILLVSTRIS

EPISTOLA

PRINCEPS, potissimum dicturus, ut videas tandem, (quod, velut multorum errorum fertile seminarium, acriter hac tempestate Prædicantes propugnant) nequaquam *totam Christi doctrinam sacris inscriptam circumferri paginis, sed bonam partem Traditionibus Ecclesiæ contineri.* quod vidit ante te, ipse qui merum facit, Lælius, cum ad articulos Fidei aliquot, cap. 7. *Linguarum* mei, ad sacræ scripturæ examen illi submissos, nullam scripturam, sed coactas Veritate manus, cum alieno responso, in *Clauæ* sua, dedit. quod ipsum etiam ILL^{AM} CELS: Tuam videre nullus voluit, ut quadram scilicet tuam diutius lingere, & tam

DEDICATORIA.

tam diuite Sportulâ, in Aula tuâ,
porrò mactari mereretur, suæ
cuticulę, quã æternæ tuæ salutis.
attentior. Est sanè fundamentũ
istud, de quo agimus, Luthera-
næ rei : vide igitur ILL^{ME} MAR-
CHIO, vide obsecro qualenam?
vt videas profectò causam ha-
bes, *Laelium tuum*, in hoc vehe-
menter trepidantem, in proba-
tione tam clarè deficientem,
Scripturam ipsius non *loquen-*
tem amplius, sed tacentem, mu-
tam.

Ea propter ad CLEMEN-
TISSIMAS ILL^{MÆ} TVÆ
CELS: manus, libellum hunc
supplicem, ILL^{MO} Tvo nomini
demissâ cum reuerentiâ inscri-
ptum, venerabundo affectu, re-

EPISTOLA

uerenter transmittō, obtestor-
 que, causam vt meam, pericu-
 lum quin potius tuum, non X-
 viris Stilitibus iudicandis, com-
 mittas, sed pensiculatē *probando*
spiritum num ex DEO sit, vt quod bo-
 num est tenere queas ipse prudenti
 æstimatione arbitreris. Cau-
 saque tū denique cognita, Da,
 dic, addic, ex animi tui senten-
 tia: litem profectō etiam ad Li-
 bonis puteal iniuratus, tuam
 non facies, si quidem ego Prin-
 cipes noui, & tu auitos, (quod
 spes in herba pollicetur) regene-
 ras Principes. Cæterum DEVS te
 fospitet, ILL^M MARCHIO, &, et-
 iam mihi clementissimè fauen-
 tem, diu seruet. Eichstadij Cal.
 Maij Anno Christiano M DC
 XXX.

Pra.



Prefatio ad Lectorem.



VID si non miratorem
me, sed æmulum haberet
Xenocrates, Lector; qui
cum lascivius vnus ali-
quis, ac prætextati oris
ganeo, nescio quas, de Artellanis, inge-
reret quæstiunculas, illosque diu sto-
machante silentio, vir honestus dissi-
mularet, impatiente tandem linguâ,
importuno percontatori, ista te, re-
spondit, hominem proiecti pudoris
sciscitari quidem, me verò haudqua-
quam, ad ista, decet respondere. Exigit
à me, in re quidem dissimili, non dissi-
mile tamen responsum, Lælius; *clavem*
enim edidit, libellum inquam, quo re-
spondisse videri vult, & refutâsse *Lingua-*
rium meum. Ego verò æstimare te ve-
lim, Lector, æquumne sit, vt vir corda-

Ad Lectorem.

tus libello isti, vel audientiam præster, vel responsum? tametsi enim non nesciam fuisse, etiam de Romanis Imperatoribus, qui, ignobili sanè aucupio, Muscas in conclavi venaretur, ego tamen temporis iacturam vereri, materie paruitatem negligere, & stridulam hanc *clauem*, merito fastidio damnatam, nec ad manus, nec ad genua admittere me debere, multimodè animaduerto. Quodnam enim uero responsum, indignius responso, esse queat? Oppono *Scriptura Loquenti*, argumenta in *Linguario*, & numero non pauca, & pondere non leuia; quid in *clauē* fero responsi? quæ his argumentis petuntur, clara esse, ac liquida, nec ad id opus esse, vel luce aliâ, vel consequentijs. pag. 19. & 21. consequentiæ pro rectè intelligendo Ioannis 20. cap. quinque ipsis capitibus productæ, vno flatu, utique Aquilonari illo, vnde malum omne venit, dispelluntur, ait per consequentias hanc conclusionem suam, in scripturâ non quærendam

Ad Lectorem.

dam, constare è claris verbis ipsius huius scripturæ; consequentias meas ad se ideo non spectare; contra quas etiam alijs locis passim protestatur, & priuatim in præfatione ad Lectorem, id ipsum præfatur, aitque, ad illas se non responsurum, §. in der Dialectic. cum sint *profana vaniloquia*. 2. ad Tim. 2. vers. 15. *stulta, & sine disciplinâ quæstiones, quæ generant lites*. vers. 24. Et ne penitus nihil egisse, & ad obiecta nihil respondisse videatur, totus, ac multus est in propositionibus, ac conclusionibus, à me, reiectis, repetendis declarandis, confirmandis, quasi verò oppugnatam thesin confirmare, sit ad contraria argumenta respondere? Non pudet ergo tantum, tantillis me opponere, & implicare, sed & piget; quid enim non video laboris mihi succrescere, hoc si stadium decurrere incipisso? Lælio operosum non erit, ad obiectorum vim, & ἐνεργεῖαν tacere; scripturam, ac thesin suam veram, claramque proclamitare; lacinias ad morderet tan-

Ad Lectorem.

re tantum extimas; momenta quibus
urgebitur contentius, arctiusque, ve-
lut *scultas quaestiones, & vaniloquia profana* infa-
mare; incauto Lectori multiloquentiam
suam palpum obtrudere; mihi verò, &
tussis, & ravis, & nautea omnis in tergo
est, ac labor Sisyphi in manu, dum de-
uiantem Sophistam, in viam reuoco,
dum tacentem Sigalionem ad lineas
reduco, ad rem ipsam vocalem reddo.
Quidquid tamen sit laudo Xenocra-
tem, iam quidem non imitor, in diuer-
sum enim me casum dabo; responde-
bo, & *clauem* quam inficcta est, CLAVA
istâ, non Herculeâ (potest enim à cane
non magno iste aper teneri) minutatim
confringam, ut *clauiger* sæpius ictus, cum
piscatoribus sapere condiscat, & tute
videas, Lector, quam miserandi illi
sint, qui Lælio, cæterisque id genus
Prædicantibus, scripturam sacram suo
cerebro metientibus, salutem suam
concredunt. Posses id doceri paucis
Lector, & compendiariâ ad errores Læ-
lij

Ad Lectorem.

lij deduci viâ; nam quî fieri potest, ve
Ioannes cap. 20. Lucas Act. 1. aliique ci-
tati à Lælio Apostoli, affirmant, *omnia ad
salutem, & Fidem necessaria, in Sacris Biblijs, iam
scripta exstare, ab Articulis Fidei, non scripta, esse pro-
scripta, cum reipsâ tales existant Articuli,*
necessariò credendi, in nullâ Scri-
pturâ Canonicâ reperti? Credit Læ-
lius quatuor nostra Euangelia esse Ver-
bum DEI; in nullâ hoc reperiet scri-
pturâ, credit hæc esse eorum Euangelia,
quibus inscripta sunt, vbi autem in suâ
clauæ testem, prouocatus à me, stitit? cre-
dit illa esse integra, non manca, nō sup-
posititia, adulterata, vbi ex scripturâ,
à me rogatus, probauit in *clauæ*? Episto-
lam S. Iacobi vbi in scripturâ, vel stra-
mineam, vel auream, ac probam legit?
multa de genere hoc sunt credenda,
creditâque Lælio, aliisque, nullâ scri-
pturâ tamen testata, & scriptura dicat,
omnia hæc esse scripta? Non potest
falsum testari scriptura, quidquid labo-
ret Lælius; qui dum in *clauæ* suâ, ad ob-
iectos

Ad Lectorem.

iectos articulos, vt parte 3. huius libri ostendam, nullum scripturæ produxit testimonium, contra scientiam, ac cōscientiam suam, sciens, prudēsq̃ue, adeoque vt perdat, non vt saluet, laborauit. Fatisceret sanè, nec egeret alio responso, tam *clauis*, quàm Lælius, ita clarum hinc est, nec scripturam Lælio fauere, nec Lælium Scripturæ fidum interpretem esse posse; ne tamen meus Prædicans succenseat mihi, responsionum suarum, aut obiectionum præteritionem *clauem* totam membratim exenteratam, velut murænam edorsuabo; sed videbis, Lector, manticæ Lælianæ quid à tergo sit; nec vitio vertes, Stomachanti quandóq; calamo, si asperior videatur; culpâ qui carere non potuit, non potuit iustam reprehensionem non mereri: non Lælium, sed libellum ferio; amicus Lælius, amica tamen magis veritas, cui Lælius in libellis suis tam est inimicus, vt egere ferulâ videatur: à quâ dū vapulat, specta, Lector, & vale.

PARS



P A R S. I.

DE VERBO DEI, ARTI-
culo 1. *Scripturae Loquentis.*

CAPUT I,

De titulo, *Scriptura Lo-*
quens, &c.

AB Ioue alij principium,
Laelius sumit à Mercurio, &
quasi si gallum sacrificasset,
ita promptum reperit respon-
sum : negat enim pag. 1. suc-
censendum sibi, *Clare Loquen-*
tis Scriptura titulum, quod eum scilicet, à Do-
ctoribus Catholicis sit mutuatus, qui & ipsi, ta-
li epigrammate, libellum suum inscripserunt.
Facit iniuriam Doctoribus Catholicis, neque
enim illi (quod ego in Laelio, tantopere, ac to-
ties in *Linguario* reprehendo) *Clare loquentis*
Scripturae responsa pollicentur, solus Laelius
hoc facit, utque faciat honestius, socios poena-
rum quærit; non repertos, mirâ metamorphosi
productos sistit,

*Theologi Catholici, Colloquij Ratispon-
nensis defensi.*

LAUDAT Lælius Theologos Catholicos , è
Scripturâ, edito libello, sua dogmata pro-
bantes ; vituperat Ratisponenses , scripturæ
contemptores pag. 2. sed & illi laude digni, &
isti indigni vituperio ; neque enim scriptura
contemnitur, cum obscura, cum materia con-
trouersiarum, non intellecta scilicet, vocatur ;
vt in *Maculis Solis*, seu responso ad 2. cap. *Script.*
Loq. declarauit, tunc enim sensu alieno peruersa,
scriptura tam parum est, quàm parum homo,
anîmâ destitutus, est homo : Intellectam ad
mentem Spiritus sancti , nemo nostrum non
adorat. Sed Lælius Papam, scripturæ interpre-
tem, causarumque controuersiarum cognito-
rem timet : certè alium non acceptamus ; su-
pra *Petrum*, Ecclesiam Christi ædificatam sci-
mus, non supra *Lutherum*, aut Lælium, aut alium
aliquem. Solam hanc linguam, quæ in Petri
Cathedrâ loquitur, Spiritus sanctus moderatur,
non minùs, alioue exemplo, quam in Cathedrâ
olim Moyſis factitabat Synagoga. Non in-
solens hæc est auctoritas in Ecclesiâ, exemplum
habet in V. Testamento, Scripturam in Nouo,
& Historiam Ecclesiasticam tam certam Papa-
tus,

tus, quàm Euangeliorum, aliorumque voluminum sacrorum testem. Nimis mihi frigetis; qui solius cerebri vestri nugas, contra tam clara documenta, profertis.

§. II.

Sententia Catholicorum, de questione huius tituli.

QVI articulos fidei omnes ita in scripturâ quærat, ut non repertos iudicet non esse credendos, nullus reperitur inter Doctores Catholicos: hoc modo in scripturâ soli Hæretici, hostes Traditionum, Fidem quærunt. ita Ariani articulos fidei examinant, ab Augustino damnati; Eunomiani, Macedoniani à Basilio censi. Eutichianis, Pelagianis, hoc erat solenne, credere quod legerunt, quod non legerunt non credere, hos citaui pag. 20. *Linguarij*, sed non respondisti. Malè itaque pag. 2. num. 2. colligis, esse quosdam de Catholicis DD. quibus hæc quæstio non sit Hæretica, si enim eo fine sit instituta, ut in scripturâ non reperti, fidei articuli, rejiciantur, ex Hæretico fonte promanat, omnium Catholicorum censurâ damnatur; sin alio, nihil ad nos,

§. III.

Credere Laici, decreta fidei examinare non debent.

QVàm param in nascente Ecclesiâ Christi, pertinuit ad Laicos, vel quoscunque de-
 mum alios, præcepta Apostolorum, & ab ipsis
 propositos fidei articulos, ad libellam, vel amussim
 vocare, tam parum hodie pertinet ad eos-
 dem, decreta fidei, à summo Pontifice statuta,
 examinare: par enim Petro, & successoribus,
 in eadem Cathedrâ constitutis, est à Christo da-
 ta potestas, par auctoritas, certitudo, ac veritas
 non impar. Apostoli supra errorem erant, est
 & Pontifex in Cathedrâ. quid examinabitis igitur
 vos Laici, vel quicunque Censuram hinc affe-
 ctatis? doctrinam Spiritus sancti? debuistis
 Apostolis cæcam in acceptandâ fide, obedi-
 entiam, debetis ergo eandem Pontifici, ater sit,
 an albus, quâ de re tum in *Vindicijs*, tum in
Modio, tum in *Cerâ Vlyssæâ* disserui,
 cum ad cap. 10. 8. & 7.
 respondi.

§. IV.

§. IV.

Merito lectionem sacrorum voluminum vulgo non permitti.

MAla est consequentia, quam pag. 4. num. 4. meus Publicola facit, contra *Pij, & Clementis*, decreta, quibus iure legendorum Bibliorum priuatur populus; ait enim. *Licetum est cuius sciscitari, ubi scriptum sit; Ergo licetum etiam est cuius Biblia sacra legere.* Licetum est Idola aspiceret, non est licetum tamen illa adorare, hoc enim vetuit *Deus*, alterum permisit. Hoc pacto permessa licet, aliquo saltem modo, ut dixi §. 2. supra, hæc sit quæstio, non est permessa tamen hæc lectio cuius, Christo per Ecclesiam suam, quam audiendam esse præcepit, illam veritate.

Neque verò Berænsium exemplo res tua fiet apimior, Læli; nam fideles adhuc non erant ex integro, nec lectio scripturarum, in Ecclesia tunc interdicta. Imò sic ipse tibi neruos iniecidis; nam primò, pro vulgo dicturus, in exemplum proponis *Nobiles eorum qui sunt Thessalonica*: Deinde si Berænses rectè facitasse autumas, ut hæc documenta dare nobis possent, demonstras non minus scripta, quam dicta Apostolorum, vulgi censura subiacere. S. Pauli doctrinam arbitrati sunt Berænses, imitandi a

6 PARS I. REFUTATIONIS

Lælio proponuntur, quid restat, nisi ut Noui Testamenti sacra volumina, humanâ censurâ liceat collutulare? doctrina sanè est Apostolorum, siue dicta, siue scripta: dictam censuerunt Berœnses, auctore Lælio, licitè, cur non liceat & scriptam censere? Vides quanti scripturam facias? illa tibi vera non est, nisi vulgo approbata, reclamante populo, & doctrinam Apostolicam non acceptante, quid erit illa doctrina? verane, an falsa? si vera, contradicente vulgo, quid opus illius censurâ, quæ errare potest, in doctrinâ Christi, & Apostolorum, eò ipso, quod veram pro falsa censet. Si falsa erit, quomodo doctrina Apostolorum, erit Verbum Dei, doctrina Christi? quomodo scriptura non erit dubia, & suspecta, cū sit Apostolorum, & Christi ipsius doctrina, verbum Spiritus sancti? Sed de hoc aliàs, nunc disce saltem *Pium & Clementem* Pontifices Maximos, iure Biblia è vulgi manibus exemisse, illique liberam legendi potestatem meritò abiudicasse, ne simplicitate abrepti, scrutatores Maiestatis efficerentur; ne indocti, & instabiles, difficultate Scripturæ, periculum salutis adirent, ideo dominis furiosis, gladium dari vetuerunt.

§. V.

Pag. 5. num. 6. tragulam in Doctissimum Virum P. Iacobum Gretserum iacis, & more tuo

tuo dicta illius recitas mutila; manca, alieno quam dicta fuerunt, sensu. Ais in Colloquio Ratisponensi Gretserum affirmasse, Spiritum sanctum, in controuersijs fidei nullam sententiam dare posse per scripturam: non dixit hoc Gretserus, absque omni discrimine, *eidentem* duntaxat, & per controuersa illa Scripturæ verba dandam, non obscuram, & quæ damnatæ parti certa esse non possit, dubiam sententiam exclusit. Audi verbatim Gretserum quem in *Script. Log.* ipse citas fess; 9, hæc loquitur: *Si est index Spiritus sanctus, tunc nunc condemnet me ut eidenter (NB.) mihi constet me causâ cecidisse: hoc non potest facere Spiritus sanctus (non absolute, sed) ut præcisè loquitur per hanc scripturam.* Si hoc Læli rectè dictum non vides, meridianos solis radios non vides: vbi enim hæret sententia Spiritus sancti? controuersam inter nos scripturam habemus vbi verò in illâ habemus Spiritus sancti sententiam? dicitne tibi *eidenter* per hanc scripturam ad Rom. 3. *solam fidem non iustificare*, aut mihi *solam fidem iustificare*? tibi hanc Spiritus sancti sententiam, *solam fidem non iustificare* constare eidenter non dices, nec ego mihi hanc à Spiritu sancto certam esse, *solam fidem iustificare*. Nulla igitur à Spiritu sancto data sententia est, clara, euidens, cum nulli parti constet, per hanc scripturam præcisè se causâ cecidisse. Itaque mi Læli contra verba, & sen-

PARS. I. REFUTATIONIS

tentiam Grotseri, frontem capera, nam illa contra quæ nasus tibi fumat aduncus, tuæ sunt, munge, & videbis.

§. VI.

Denique toto hoc capite, nil factum melius, quam quod finiueris, causam tituli, libello tuo præfixi, adferendo. Non potuisti tamen id ipsum, absque næuo; defendis enim ex causâ titulum, pag. 5. num. 7. quem, ob hanc causam, nemo impugnat; hoc enim non reprehendimus, quod ex scripturâ probetis, quæ docetis, sed quod ad omnes nos inter controuersos articulos, sententiam, & *Clarum* responsum scripturæ te dedisse, vel dare posse glories, id enim uero ridicularium nobis est. Quomodo *Clarum*, si tot argumentis, tam solidis rationibus conuellitur? quomodo responsum das ex scripturâ *Clarum*, quam Ecclesia tot sæculis aliter, est interpretata? Habes paucos, at principes ferè, Christianæ fidei articulos, in *Modio* meo, constanti Doctorum consensu, ab ipso Ecclesiæ oxurtu, huc usque, contra te, aliter ex scripturâ intellectos, & *Clarum* ex scripturâ dederis responsum? Scripturam tu uirque minùs, quàm tot ac tanti Doctores, es assecutus. Mil-le modis uestra responsa claudicant, & *Clara* esse uultis? si quæ clarè falsa sunt, clara sunt, respon-

responsa tua, ex scripturâ malè intellectâ, sunt clarissima.

CAPUT II.

De Linguario.

Accij Poëtæ dictum A. Gellius refert, *Nihil credo auguribus, qui aures verbis divitant alienas, suas ut aure locupletent domos.* Ego verò de Prædicantibus Acatholicis accipio dictum, qui dum linguam suam in quæstum locant, & Veritatem adeò clypeatam animadvertunt, ut vulneri locus non sit, dolos omnes in consilium cuocant, & quibus possunt figmentis rem gerunt. Exempla sexcenta occurrent in Lælianâ *Clave*, in quâ nec secundum hoc caput, quàm breve est, eiusmodi artibus non targer. in illo primipilarem calumniam in primâ acie, præter morem locavit, nam legisse me libellum abs se luci datum ait, eo animo, ut scripturæ divinæ vim inferrem. Ista quidem vis est, Prædicans, & è mero liquoris fermento, non è Iouis Cerebro nata falsitas; ut Scripturam sacram sublucrem, & ab erroribus mali interpretis vindicarem, legi, relegi, & rei indignitate motus, capi refutare.

Deinde ægrè Lælio est, Latine dictionis stilo se configi. quam obrem mi homo? causam omi-

10 PARS I. REFUTATIONIS

natur, nullam adfert; maſult ſcilicet, ſuos aliquam ſubefſe ſuſpicari, quam à ſe, nullam eſſe, cognofcere. Et ne vanè ſuſpicientur, cauſa hæc eſt, non tantum, quia ad argumentorum ſibi aduerſariorum momenta difficulter, reſpondere poteſt, ſed quia Latinè reſpondere penitus non poteſt. Verum ne ſentias moram, mi Læli; quando Latino finij, capit alius vernaculo, videbis, vt ſpero, ſed cum res poſcet.

Denique ordinis turbati piaculum multis proſequitur, poſſet paucioribus, ſi verioribus voluiſſet. Cauſatur me peruerſo argumentorum ſuorum ordine reſponſiſſe. Legas amabò Lector pag. 61. *Linguarj* mei, videbis profeſſò, ordine à me propoſitas, ſolutasque Lælij quæſtiones; videbis Lælium turbàſſe Veritatem, & ſi quidem poteſt, erubefcere debere. Quod ſi porrò etiam piaculi tanti inſtar eſt, ordinem libelli reſutandi diſturbare, quod Lælio quidem videtur, ſuomet ſe condemnat teſtimonio, nam *Linguarj* mei ordinem omnem omnino, ne ſeruatis quidem quæſtionibus, ſuſtulit. Sed Mæuius meus ignoſcit ſibi, & videt feſtucam in oculo meo. Sunt Læli quibus conſultò ordinem *Linguarj* interuertifſe, & priuatim certo conſilio quæſtionum & capitum & paragraphorum titulos, prætermiſſiſſe videris, vt ſcilicet conſequentias tæulis illis in-

ſinua-

sinuatas, aliaque ad quæ respondere difficile erat, declinares. Sed omittas licet, satis videmus cur Aristogithon crure obligato forum, inambulet, bellum timet, caussarium esse, quàm militem, tutiùs credit.

CAPVT III.

*De Ordine primi Capitis Scripturæ
Loquentis.*

CRamben incipit miseris Magistris coquere Lælius, & repetit cap. I. *Script. Loq.* eiusque ordinem ex ordine deductum commendat. quid opus? vt scilicet crescat opus. Abstineo hîc responsum, nam capitulatim eadem recantata redibunt. Epilogum tamen capitis huius nequeo illibatum præterire, elegans enim profectò, brevis, totiusque est operis compendium.

Pag. 19. ait, omnes, Script. Loq. quæstiones, ipsorum Apostolorum, Evangelistarumque decretis decisas, vt eâ propter consequentijs, ac deductionibus meis, nec opus sit, nec opera precium respondere.

Ohe, mi bone, nimis curtus es; sed elumbis etiam nimis: Hoc modo, etiam pueri controversias soluent. Et nostra quoque responsa A-

postolorum sunt, & Euangelistarum, & longè quidem tuis clariora : audis certè *Traditiones, siue per sermonem, siue per epistolam* obseruandas; omnem Christi doctrinam, scriptam esse, nusquam audis; nec enim Ioannes, abs te citatus, 20. cap. præter *quadam*, non omnia facta, *scripta esse, ut credamus*, testatur, nec Lucas Act. 1. dicit se scripsisse omnia, sed *de omnibus, quæ cepit IESVS facere, & docere*. & multas doctrinas Christi, nec in Ioanne, nec in Lucâ legimus. Vnde ergò tibi hinc constat Læli, si non per consequenti-
am, omnem omnino Christi doctrinam esse scriptam? si locus ergò apud vos est consequentijs, ad nostras consequentias erit etiam respondendum; consequentiæ vestræ erunt probandæ.

CAPVT IV.

De I. Quæstione cap. 1. Script. Loq. ubi scriptum sit, nihil in Ecclesia Christi credendum, quod non docuerit Christus?

PARatragediantem pag. 20. exaudio Lælium & ob præteritionem huius quæstionis stomachantem : imò quasi de Murænis triumphans posito cothurno, soccos comicè iadutus
exul-

exultat, & hæsisse *Linguario* meo, inter responsa, linguam inficiatur, suamque hanc primam quæstionem saluam, insolutamque adhuc perstare.

O Prædicans miserande, itane verò iterum à malo peculium quæris? contra mentem tuam, certamque, ac claram scientiam, dicis. omissam, & non solutam, à me, tuam primam quæstionem? Estne hoc viri probi, ac integri? cur pag. 73. tantopere tibi in nasum assurrexit consequentia, ad normam tui responsi, à me pag. 62. *Linguarij* facta, si responsum ad 1. quæst. tuam non legisti? si legisti, quo ore, *DEVM* immortalem, negas me respondisse? Quid sibi volunt hæc verba, pag. 61. *Linguarij* hac cum distinctione tam partite, & expresse posita?

Ad quæstionem I.

- “ *Fol. 1. rectè quidem, sed contra nos nihil respon-*
 “ *det; nam & Catholici mordicus doctrina*
 “ *Christiana inhaerent, nec de statione hac,*
 “ *vel latum unguem dimoueri se patiuntur.*
 “ *Quod si verò Lalius per Sermones &*
 “ *Doctrinam Christi, solam Scripturam, ut*
 “ *videtur cum alijs velle, intelligit, tota Lo-*
 “ *gicorum schola laurum mardebis &c.*

An non hoc ad I. Quæst. tuam est respondere? legisti hoc, infide Prædicans, nam responsi huius

14 PARS I. REFUTATIONIS

huius verba ipse, in *Clauē* tuā, citāsti; sed vt meam causam deteriozem faceres, ausus es etiam scripto spargere, me quāstionem primam prāterijisse, nihil respondisse; hæc tua sanē verba sunt

*Pag. 11. Dese Frag vnnnd Antwort hat Ka-
zenriedt SANZ vbergangen/ wel-
che doch der Hauptgrund ist / 1c.*

Similia pag. 20. iterasti. Nisi tibi parcerem Læli, nominarem tropum, quo caput istud decorāsti: sed alijs hæc spicilegia relinquo, & quid ad meum responsum pag. 61. *Linguary* tibi datum, respondeas exspecto, in *Clauē* tuā clausa omnia, nullum responsum.

C A P V T V.

*De 11. quæst. cap. 1. Script. Loq. V-
tram Scripturæ, ad fidem, & salutem
necessaria omnia complecta-
tur?*

PAtrem exuisse credebatur Protagoras, quod filiam suam homini sibi inimicissimo nuptū dederit; interrogatus ob insolentiam facti, respondit; nihil illā deterius, vel domi suæ reperisse, vel dare hosti potuisse. Nescio quo loco

tibi

tibi sim Læli; si quidem hostibus deterrima dantur, ego inter amicos tuos, locum nullum reperiam, talia quippe responsa, & consequentiæ eiusmodi sunt; quas ad argumenta, & obiectiões meas accipio, ut præ illis, filia Protagoræ, nec mala quidem esse queat. Voco te in rem præsentem, Lector, iam enim in eo sum, ut videre possis, quàm nullo fundamento affirmet, Lælius, omnes omnino fidei articulos in scripturâ reperiri. Decretum Ioannis ait hoc esse, cap. 20. id pronuntiantis: recito tabulas, audiamus.

Multa quidem, & alia signa fecit IESVS, in conspectu Discipulorum suorum, quæ non sunt scripta in libro hoc: hæc autem scripta sunt, ut credatur, quia IESVS est Christus Filius DEI, & ut credentes vitam habeatis, in nomine eius.

Ex his ergò verbis, quanta malarum consequentiarum messis nascatur, quam multa, & mala responsa, accipiam, ex sequentibus controuersijs, ipsius quippe Lælij responsis, demonstro.

Con-

Controuerſia I.

Vtrum abſq; conſequentia, ex his verbis S. Ioannis conſtet, omnia ad fidem neceſſaria ſeu omnes fidei articulos, eſſe ſcriptos.

HOc reſpondet pag. 21. Lælius, ideoq; meas mihi redhibet conſequentias, inutilem ad iſta, & indignum, ſuo reſponſo, laborem. Verum non nemo, mi Læli, hoc modo reſponder, quando reſpondere non poteſt. Quinq; capita ſcripſi, vt probarem talia, in Ioanne, non inueniri; tu ad illa non tantum mutus es, ſed nec dignanda cenſes reſponſo: conſequentias contra hanc tuam conſuſionem allatas, tam ais rei condycibiles, quam tenebræ ſoli: poſſem ita tibi ad totam tuam *Clauem*, reſpondere, niſi hæc differendi ratio rimas ageret, & minus ſolidum quid creparet. Iſta verò Prædicantium ſunt compendia, cum reſpondere non poſſunt, tacere, cum tacere indecorum vident clamitare, hoc ad rem non pertinere.

Cæterum obſerua Lector; negat Lælius per conſequentias hanc ſuam conſuſionem, ex Ioanne expiſcandam eſſe, cò quod apertis, in Ioanne verbis contineatur. Tuam fidem! Ioanneſne

neſne cum dicit, non omnia ſigna à ſe ſcripta, ſed aliqua, ex quibus fidem, & ſalutem conſequi poſſimus, affirmat omnes articulos fidei quotquot ſunt, vel à ſe, vel ab alijs eſſe ſcriptos? legis hoc in Ioanne, abſque vllâ deductione, verbis clariſ, & expreſſis? Non legis ſcio: nec ipſe, qui hoc effugium commentus eſt, Lælius talia legit, in Ioanne, ſine conſequentiâ; nam pag. 22. immemor fui, vt faciunt qui malâ agunt fide, demonſtrat, clarè à Scripturâ hoc affirmari, his verbis

So wir dann durch die Schriffe im Glauben/ vñnd Erkandnuß Chriſti / ſo vil Unterrichts haben/ daß wir dardurch das ewige Leben im Namen Chriſti erlangen/ ſo muuß ja die Schriffe / die völlige Lehr deß Seeligmachenden Glaubens in ſich haben / daß erſt ſagt Ioannes mit klaren Worten / alſo bleibt auch das ander.

Iſtud verò mi Læli eſt conſequentia, nec clara, nec ex clariſ Apoſtoli verbis. Falfa eſt conſequentia, Propositionis falſe. nō melior, quàm illa Protagoræ, filia. Oſtendo, ſi opera eſt auribus tantisper. Propoſitio hæc eſt. *ſi ex hiſ que ſcripta ſunt à Ioanne, fidem, & ſalutem conſequi poſſumus, necesse eſt Chriſti doctrinam plenam, in ſcriptura contineri.* Hem quanta claritas? quam ſerena ſerenitas? quid illuſtrius? quid luculentius?

tius? & tamen falsam Maioris sequelam, non vides Læli? Multi sanè, sine *plena* doctrinæ Christi cognitione, fidem, & salutem consecuti sunt, visis vel paucis, imò vel vnico Christi miraculo. putasne in his miraculis, *plenam* sessitasse doctrinæ Christianæ cognitionem? ad eonem cum *plena* istà cognitione, patibulatus ille, de cruce, in cœlum euolauit latro, à Christo, pro nobis pendente, cœli iure donatus? *plena* cognitio doctrinæ Christianæ, est expressa omnium, ac singulorum fidei articulorum cognitio; quam nos in Scripturâ inquirimus; de expressis enim, & quidem clarè, in scripturâ expressis omnibus fidei articulis agimus, & altercamur; horum notione destituti, quàm multi fidem, & salutem consequuntur? tunc cœlo excludes omnes, vel vnus articuli expressâ scientiâ defectos? parcius ista. Ergò igitur, sequela tua est, non Ioannis; falsa enim est; fides siquidem, & vita æterna, absque *plena* totius doctrinæ Christianæ cognitione acquiri potest; non necesse est igitur, vt scriptura, ex quâ credere, & saluari possumus, *plenam* illam cognitionem contineat, satis est continere sufficientem.

Habes ergò iam nunc Lector, absque consequentijs, ex his verbis S. Ioannis exsculpi non posse, hanc Lælij doctrinam, cum nec ipse Lælius per consequentiam exterebrare illam potuerit. Si consequentijs vsus est, cur meę remittun-

tuntur? cur non respondetur? an quia non potestur?

Controuersia II.

Quis sit horum verborum sensus; Hæc scripta sunt vt credatis, & credentes vitam habeatis?

Ceminum reperio; Lælianum vnum, alterum Christianum: priore, significat Evangelista, *hic nos habere plenam, credendorum ad salutem articulorum, instructionem.* Ita Lælius Ioannem intelligit, quia non intelligit. Ioannes per signa Messiam venisse, & Christum esse Messiam, probare nititur, per quæ credentes, suo testimonio, in fide solidescerent; increduli, auctoritate suâ moti, conuerterentur: cum illis enim potissimum res gerebatur, de quibus ipse Christus dictitare est solitus *Nisi signa, & prodigia videritis, non creditis.* Talia autem signa multis quidem data legimus, paucis plenam instructionem. Non erant plenè instructi profectò, quibus datum fuit signum Ionæ Prophetæ. Iudæis hoc signum datum incredulis, Christi auctoritas est; datum illis etiâ, vt crederent in Messiam, & vt credentes vitam haberent in nomine eius, & tamen plenam isti instructionem omnium

C

nium

nium articulorum fidei non habebant, & signum ut crederent, & saluarentur habebant. Multum erras itaq; Læli, qui articulos fidei, hoc loco quæris; signa non sunt articuli fidei, sed faciunt articulos fidei credibiles.

Alter ergo, & verus horum verborum sensus est, *hic nos habere sufficientem probationem, IESVM esse Christum Filium DEI, nec opus esse omnium signorum calculum subducere, cum ista ad fidem, & salutem consequendam satis habeant momenti*: Ideo enim signa fecit Christus, ut per ea, quæ homine maiora fecit, se Messiam demonstraret. Hac de causâ, *Si mihi, ait, non creditis operibus credite*. Viam hanc insistit igitur Ioannes, id quæ his verbis attestatur, signa ista se scripsisse, ut crederemus, IESVM, esse Messiam, non ut conderet syllabum articulorum fidei, in Ecclesiâ Christi receptorum: prius clavis affirmat verbis Ioannes, posterior Lælius clarè contra scripturam.

Controuersia III.

Utrum Ioannes de solis signis loquatur?

Hic discordamus acriter. Lælius in his verbis Apostoli, legit præter signa, etiam doctrinam Christi, quam ego nullus reperire possum.

sum. Errant profectò oculi tui, mi Prædicans,
& quod vino dubijs euenit, geminant visa,
ut semel icto

Accessit feruor capiti.

Siquidem & tibi — *vertigine tectum*

*Ambulat, & geminis exurgit mensa
lucernis.*

Vides in his verbis Apostoli, non tantum
signa, sed etiam *doctrinam Christi*. Ait Apostolus
Christum multa patrasse *signa*, (quid hîc de *doctri-*
na? nihil sanè) *quæ non sunt scripta in libro hoc, hæc*
autem (quæ scilicet sunt in libro hoc, *signa* utiq;,
de signis enim scriptis, & non scriptis sermo est)
scripta sunt ut credatis. Quid multis? verba Apo-
stoli appello; ostendat mihi vel vnicâ signifi-
tam syllabâ *Christi Doctrinam*, dabo manus. Ec-
cum autem, quod clarus Scripturæ textus non
continet, Lælius administrâ reperit consequen-
tiâ, animum Ioannis scrutatus, verbis occultè
innexum. Pag. 24. in hunc modum ratiocina-
tur.

*Manifestum est, Ioannem in Euangelio suo, præter
signa, doctrinam quoq; Christi descripsisse:
Manifestum ergo est, Ioannem cap. 20. non de
solis signis, sed etiam de doctrina Christi ea-
dem testari.*

Consequentia manifestè est falsa, ac talis
Ioannes testatur se vidisse Christum rediituum,

Ergò simul etiam testatur se vidisse DEVM Patrem, Abrahamum, & omnes, de quibus in Evangelio suo fecerat mentionem: vidisset licet, non hoc tamen testatur, cum à se Christum redimium visum fuisse testatur: neque enim de alio illi, quam de solo Christo tunc sermo est, quemadmodum hîc de solis signis.

Audax ergò facinus est, *Doctrinam Christi* cuius nullam, & ne remotam quidem Apostolus facit mentionem, ausu tam violento intrudere, & omissam, tam audacter subintelligere, ac quod chorum ducit, affirmatè insuper contestari, Ioannem hoc loco de *doctrinâ Christi* clarè loqui. Quid denique est homines falsimonij dementare, si hoc est bonâ fide, & non contra scientiam, ac conscientiam agere?

Controuersia I V.

Utrum hac verba S. Ioannes voluerit esse clausulam sui Euangelij.

OMnino, pro hac clausulâ sudat Lælius, vt *doctrinam Christi* immisceat, & testem S. Ioannem de signis, & doctrinâ Christi, nobis si stat. Et verò clausulam esse nō nego; hoc nego, clausulam esse vniuersalem, omnium quæ scripsit S. Ioannes; tametsi enim omnia eius scripta, scrip-
pta

pta sint ut credamus, non tamen loquitur Apostolus, de omnibus quæ scripsit, sed de solis signis quæ scripsit, *Hæc autem* (scilicet signa scripta, & à non scriptis separata) *scripta sunt ut credatur.* Signorum ergo clausula est. Demus autem hoc, meo Lælio, & sinamus esse clausulam omnium, quæ scripsit S. Ioannes, inferetne ideo consequenter, Apostolum plenam Christi doctrinam, quoad omnes fidei articulos confarcinasse? minimè gentium; tamen enim salutem, & fidem inde consequi possimus, non euincet aliud, quàm sufficientem cognitionem doctrinæ Christi, à Ioanne scriptam, nam ad fidem, & salutem consequendam, non requiritur plena omnium articulorum fidei, & explicita cognitio, unde illa nec inferri potest, ex æquisita fide, & salute: de quo supra. Atque ut rem in pauca conferam; plenam istam Christianæ doctrinæ descriptionem, S. Ioannes non tradidit, qui præcipuos quoque fidei articulos, silentio prætermisit. Nihil ille de conceptu ex Virgine, natóque Christo, nihil de multis alijs scriptum reliquit; quomodo igitur omnium articulorum fidei, clausulam fecit, qui non omnes scripsit, & non nisi suorum scriptorum clausulam fecit?

Controuersia V.

Vtrum hæc verba, sint communis clausula, omnium scriptorum Euangelicorum, quæ quidem Ioanni cognita erant.

PRælicenter istud, vt assolet, & contra luculentam veritatem cominiscitur Lælius; pag. 16. §. ja es seynde/ animam agit nisi hoc agit, vt omnes articulos fidei scriptos euincat.

Verùm age, mi Læli, hoc anno ita comparatum noueris, vt nihil credere fas sit, nisi scripturâ diuinâ testatum. Quid tu igitur legis in Ioanne, de libris Canonicis Noui Testamenti, nam clausulam illorum in Ioanne legis? pag. 25. Negas Ebionitarum à Ioanne conuelli Hæresin, hoc argumento, quod Ebionis nomen non reperiatur in Euangelio Ioannis, iam verò fidem meam, aliorumque ambis, & prenas, vt credamus Ioannem, his verbis, epilogum omnibus, à selectis, scriptorum Canonicorum libris posuisse? at nullius à Ioanne facta mentio? mirus homo es, varius & tibi metipsi grauis.

Vnde tibi porro tam certum est, Ioannem aliorum lectitasse Euangelia, aut quasnam ex ijs viderit, quæ ad priuatos præsertim scriptæ erant.

epistole

epistolas? nec de vnico librorum Canonico-
rum tibi constat Ioanni cognitum fuisse. Nomi-
na sis aliquem, sed auctoritate sacre scripturæ,
& tum demum illi clausulam addemus; tua au-
ctoritas tanti non est, nimis crebro fallit.

Controuersia VI.

*Vtrum si hæc esset generalis clausula,
ex illa probari possit, omnes omnino ar-
ticulos fidei, esse scriptos?*

HOc scilicet consilio, Lælius hanc clausulam
fabricauit; pag. 16. & 24. malum consilium,
herba sine messe. Esto dicat Apostolus hæc
omnia, quæ tam ipse, quàm alij Apostoli scripse-
runt, esse scripta ad fidem, & salutem nostram,
tantum hoc sequitur, hæc scripta, esse omnes
articulos à Ioanne scriptos, non omnes omni-
no articulos. Hi omnes cibi, sunt cocti ad no-
stram sanitatem; ergò hi sunt omnes omnino
cibi, ad nostram sanitatem? nullus ergò non
coctus cibus, erit amplius salubris? Hæ omnes
imagines, sunt pictæ ad oculorum nostrorum
oblectationem; Ergo hæ sunt omnes omnino
imagines, oblectationi nostræ destinatæ? Ergo
sculptæ, fusæ, fictæ imagines, voluptati nostræ

nil conducent? sicut omnes cibi cocti, non sunt omnes cibi, nec omnes imagines pictæ, omnes omnino imagines, ita omnes articuli scripti, non sunt omnes articuli: supersunt etenim etiam non scripti. Et quæso te, mi homo, post absolutum Matthæi Evangelium, quod primò lucem aspexit, nonne subnecti talis poterat epilogus *hæc scripta sunt ut credatis*? quid iatulisses tunc? omnes in illo conclusos esse fidei articulos?

Sed mouet Lælius res magni: per ista quæ à Ioanne scripta sunt, fides, & salus obtineri potest; nihil ergò amplius, ad fidem, & salutem consequendam scitu necessarium, extra hæc, desideratur; sunt ergo hæc, quæ hîc scripta sūt, omnia. Respondeo Læli; per hæc vtique salutem, & fidem obtineri posse, per multò pauciora enim multi, in quibus Cæcigenus ille Evangelicus, febrientis filij pater, Samaritis illa, & ipsi ab illâ Samaritani; & qui denique non, visis paucis miraculis in Christum non crediderunt? vt adeò nihil ad fidem salutiferam consequendam supersit, multum verò ad plenam doctrinæ Christi cognitionem, sine quâ multis cælum aperitur, & quæ sine omnibus fidei articulis consistere nequit. De ista nos inter disputamus, non vtrum in scripturâ sit sufficiens ad salutem doctrina Christi, de quo nemo dubius est;

est; sed vtrum in scripturâ, plena; & perfecta sit, quo ad omnes fidei articulos, doctrina Christi. Hoc nos negamus, tu non probas, maximè ex hac clausulâ, quæ si de doctrinâ posset intelligi, non posset tamen, nisi de articulis in scripturâ contentis, intelligi, illos esse scriptos ad fidem, & salutem nostram, hi tamen, sunt omnes quidem articuli, qui scripti sunt, sed non omnes omnino sunt articuli doctrinæ Christianæ, nam illa etiam non scriptos complectitur.

Controuersia VII.

Vtrum ex his verbis probari possit, non omnes fidei articulos esse scriptos.

POTest. Reclamat Lælius; mirum ! & tamen cum audit, hîc à Ioanne signa, quæ fecit Iesus, esse scripta, intelligit, per rō signa, etiam Christi doctrinam esse scriptam : si doctrinam etiam arbitratur, per vocabulum *signa* denotari, quomodo omnem doctrinam scriptam reperiet, apud illum, qui fatetur se non omnia signa scripsisse ? Vnde hanc oppono rationem.

Istud de quo loquitur S. Ioannes, cap. 20. non est totum scriptum; signa, seu facta, & doctrina Christi, sunt istud de quo cap. 20 loquitur Ioannes. Ergo signa, seu facta, & doctrina Christi, non est tota scripta.

Propositio est Ioannis, asserentis multa alia non esse scripta, in libro hoc. Assumptio est Lælij, me, iam quidem, non diuerso. Conclusio est contra Lælium, sed vera.

Controuersia VIII.

Vtrum S. Ioannes, Euangelium suum, scripserit contra Ebionitas?

HOcaiebam in *Linguario*, cap. 5. §. 2. ex Epiphanio, Hieronymo, Augustino, alijs, nec etiam nunc moueor sententiâ, Lælium enim duntaxat, pag. 25. rationes solidas Lælij, nullas audio. Quid autem Lælius? multa. vt neget ex ratione, S. Ioannem contra Ebionem, aut Cerinthum, stilum mouisse, adfert causas decumanas.

I. CAUSA.

Non nominauit Ebionem, in Euangelio suo, Ergo contra Ebionem Euangelium non scripsit. gerræ, gerræ germanæ. Contra tantam Doctorum auctoritatem non nisi ista? quasi nomine opus, vbi contra rem agitur. fateris ipse pag. 96. ita Deo visum, vt contra errores omnes fidei doctrina extaret: potuit istud, errorum nulla mentione factâ, imò nec errorum, & non potuerit, non
nomin-

nominato Ebione, scribi contra Ebionem? non est vna in hostem pugnandi ratio, etiam qui castra vallat, in hostem pugnat.

II. CAUSA.

Non de solâ Christi diuinitate, Ioannes egit. Ergo contra Ebionem non scripsit Euangelium. Lepidè nugaris Læli. Sed te, & quosdam alios oportet esse memores. paulò ante dictitabas Ioannem fecisse epilogum, suo Euangelio; quem enim uero illum? hunc mi Læli; hæc quæ Ioannes scripsit, scripta fuisse *ut credamus, quia Iesus est Christus, Filius Dei.* Omnia ergo quæ scripsit Ioannes pro Christi diuinitate scripta erant, pro quâ quidquid scripsit, contra Ebionem scripsit. Quid negas obsecro? quod paulò ante affirmasti?

III. CAUSA.

Non completitur hic articulus. integram fidem, per quam saluandi sumus. Ergo Ioannes non scripsit contra Ebionem. Aliam fortunam quærit Lælius; minus fauentem experitur in Logicâ, Metaphysicam sperat clementiorem. verum

Optat ephippia bos piger, optat arare caballus.

Luna Lælio pulla, nisi quarta splendet. Nihil mi homo Metaphysice distinguis, si Christum

stum sine diuinitate agnoscis. Christus esse non potest, & DEVS non esse; sustulit Christum, qui DEVM negauit. Ebionis hæc fuit Hæresis, nomen ille Christi tulit, Christum sustulit. non enim credidit quia IESVS, est Christus filius DEI. Hæc summa salutaris fidei est, ab Ebione admorsa à Ioanne defensa, à Lælio pag. 25. non intellecta.

IV. CAUSA.

Ex solâ scripturâ, nulla unquam Hæresis, sufficienter confutata fuit, ut testantur Iesuita in Colloq. Ratiss. pag. 203. Ergo Ioannes non confutauit Ebionem. Nec Augustinus Manichæos, nec Hieronymus Luciferianos, nec Hilarius Arianos, nec qui scripserunt alij, numero innumeri, Hæreticos ex solâ scripturâ sufficienter, & cum optato effectu, refutarunt; ergo contra illos non scripserunt? errores eorum non refutarunt? nugæ. Si libuisset verba Iesuitarum, quæ ego quidem, in meo exemplari, non reperio, accuratius pensitare, ipse tibi Oedipus esse poteras. Nulla vnquam Hæresis falsa est, ex solâ scripturâ, se refutaram fuisse sufficienter, adeò, ut in scripturâ non superessent effugia, sed victos illico submitterent fasces. Itaque per me licuisset tibi esse quieto, neque enim indigemus Patre patrato, multo minus Classico, doctrina

nostra

nostra firmitus cohæret, nec tali manu turbatur.

V. CAUSA.

Redit cum eadem lyrâ, tantum quod modos illi faciant nunc Iesuitæ. Nullum in scripturâ damnari Hæreticum hiaunt, nisi nominetur in scripturâ. Exspecto nomina Iesuitarum, libros, & reliquam probationem, ut respondere queam; interea ne videar affectum tuam fidem suggillare, credam illos Iesuitas versari in utroque, ne putentur nusquam esse.

VI. CAUSA.

Costerus dicit ea litteris testata fuisse à Ioanne de Christo, quæ ad salutem erant scitu omnibus necessaria. Ergo Ioannes non scripsit contra Ebionem. neque enim erat scitu omnibus necessarium, Christum DEVM, & DEI Filium esse? si fuit, cur contra Ebionem scriptum non fuit à Ioanne, à quo de Christi diuinitate totum Euangelium, clausulâ teste, scriptum fuit?

Hæ denique sunt illæ Causæ, non causantes, ut Historiæ, Patrûmque auctoritas, Lælio contradicenti, postponi debeat. Quid Asiæ Episcopi apud Ioannem egerint, peregerintque, solidius testantur tanti viri, quàm rationes eam frigide, friuolæque, quæ pedes potius, quam aures merentur.

Con-

Conclusio.

Non probauit ergò Lælius, ex Ioannis 20. cap. omnes articulos fidei esse scriptos, cum Ioannes de nullo articulo Fidei, à se scripto testetur, sed de solis signis, ex quibus demonstrare voluit, Christum esse Filium DEI, & saluatorem nostrum; nullo modo contexere articulorum credendorum catalogum decreuit, quorum nullam quidem fecit mentionem. Itaque sic de cætero intelligas licet Ioannem, Læli.

Multa quidem & alia (præter ista quæ scripta sunt) signa (non doctrinas,) fecit IESVS (non docuit) in conspectu discipulorum suorum, quæ non sunt scripta in libro hoc (non omnia igitur signa & si per signa subintelligi velis doctrinas, etiam non omnis doctrina scripta est in libro hoc, in quo putas omnia scripta) Hæc autem (nec omnia) scripta sunt (in libro hoc, non in alijs libris) ut credatis, quia IESVS est Christus Filius DEI (quod negauit Ebion) & ut credentes (signis) vitam habeatis in nomine eius. Ex miraculis igitur, à me scriptis, volui vos credere, & saluari, quibus ipse Christus Mundo innotescere, & sese, ad fidem, & salutem omnium, hoc modo voluit manifestare.

Iudica

Iudica iam nunc Lector vter nostrum ad mentem S. Ioannis, vter ex vero scripturam, hanc intelligat, quàm clara sit scriptura Lælio.

CAPVT IV.

*De III. Quaestione 1. capitis Script.
Loq. Utrum omnis Christi doctrina
in sacris Biblijs repe-
riatur?*

Tertius hic bolus est, quem granditer grandibo, & ne Lælius possit deglutire, clarè efficiam. Controuersia est inter nos, vtrum S. Lucas Act. 1. vers. 1. affirmet omnem doctrinam Christi, seu articulos Fidei omnes, contineri in scripturâ? his verbis:

Primum quidem sermonem feci de omnibus, quæ capit IESVS facere, & docere.

Ait Lælius, ille mirus verborum Dædalus, & interpretes; Ego in *Linguarij* pag. 38. negavi. Lælium animant verba, non conscientia; quæ, ô quantum latrat! causam habet iterum *clarè loquentem* Scripturam, sat magnam, si veram. **M**e germana, non verbis cerussata veritas tenet; nam si testimonio Lucæ, articuli Christianæ fi-

nae fidei omnes, sunt scripti, utiq; scripti erunt in Euangelio Lucæ, de quo Lucas hinc solum loquitur; hoc Lucas non testatur, testaretur enim, etiam omnia facta Christi, in eodem Euangelio contineri, eadem enim phrasi affirmat utrumque, scripsisse se *de omnibus quæ capit IESVS facere, & docere*, ita ut si doctrina omnis scripta hinc sit, scripta etiam sint ibidem facta Christi omnia, nulla enim subest ratio, ut quæ eodem nexu prolata sunt, non eodem sensu intelligantur. Quid ad hoc respondeat Lælius, quibus responsum coronet elenchis, paragraphi sequentes dabunt.

§. I.

Responsum Lælij primum.

NON multis opus, Lucam, & facta, & doctrinam Christi omnem scripsisse, pag. 28. responder. Subijcio verba

Kazenriedt sagt dagegen pag. 28. Lucas habe nicht alles beschriben/was Christus gelehrt / vnd gehon. Das haist den Euangelisten stracks ins Angesicht streichen/der da klar sagt: Ja/er habe alles beschriben/ was Christus von anfang/ biß zu seiner Himelfahre gelehrt/

gelehrt / vnd gethan. Vnd denen
glaubt ein fromer Christ billich mehr /
als dem Katzenriede.

Hoc autem dicat Lucas? hoc dicat Læ-
lius? neque Lucas, neque Lælius dicit; Lælius
sanè disertè pag. 29. rotundè fatetur, Lucam
scripsisse omnia recito verba, & fidem facio.

Das erste Predizten vnd zeichen NB.
in anderen Euangelisten / welche in
Lucan stehn: Ist wahr.

Itane verò? tunc ille es, qui S. Lucæ ala-
pam ducis? negas profectò Lucam omnia Chri-
sti facta perscripsisse. Quid Lector trepidas?
scriptura *Clara* est, ex quâ Lælius ait Lucam om-
nia facta Christi scripsisse, & quædam non
scripsisse. Parcite astra matutina, præ hoc
sole, vos tenebrescitis. Quid cessas vncis
indulgere naribus Lector? non vides in quas
te tenebras illectet Lælius? inconstantiam
hominis non audis? ait pag. 28. Lucam om-
nia facta Christi, ad vsque reditum in cælum
descripsisse; pag. eadem & sequente, ait quæ-
dam facta Christi Lucam non scripsisse, ad-
eoque non omnia facta Christi scripsisse. Veri-
tasne, an potius falsitas bilinguem faciat Læli-
um, ex facili dispicies: hæret bonus vir in sale.

D

bra

brâ saucius, vellet Lucam quæ fecit Christus scripsisse omnia, debet enim, nec aliter hinc potest, probare, Lucam scripsisse omnia, quæ docuit Christus. Non audet istud Lucæ affingere, clara obstat Veritas, audet tamen; mauult enim duplici, quam ex vnâ causâ fictor, & victus, erubescere.

Verte iam nunc folium Læli, & canta, daß haist den Euangelisten stracks ins Angesichte streichen/ si vapulat Lucas, alterutrâ interpretatione, abs te vapulat, tu ais illum omnia scripsisse, tu idem negas illum omnia scripsisse. Inter sacrum, saxumque stantis ista est vertigo, mentisque eurippus, nullum ad meum argumentum hic responsum: pila igitur adhuc mea est, rectè intellecti Lucæ.

§. II.

Alterum Lælij responsum.

Nobis hîc actionem de signis non esse, sed de doctrinâ; tamen si signa in Lucâ non reperias omnia, inuenies tamen in illo omnem Christi doctrinam. Hæc pag. 29. Lælius. Compendiosè hoc est ex ictu exire velle; non sino, mi homo, teneris; nobis hoc loco actio de verbis Lucæ instituta est, tu in illis vides omnia, ego vero non omnia video;

deo; veritatem itaque inquirimus, phrasis vna, nulla exceptio, nullum in Lucâ discrimen, planities mera, cur sit in intellectu diuersitas, nullo indicio significata? quia Lutheri, Lælijque doctrina, sub cultro est, & animam agit? non potest saliter omnes articulos fidei in scripturâ contineri, ex scripturâ docere, nisi Lucas dixerit, se de omnibus id est quædam *quæ fecit*, & omnia *quæ docuit scripsisse*. Angustia ergo tibi sunt vndique, in medio luto hæres, nec manum vides; quis enim manum tanto scripturæ sacræ corruptori?

§. III.

Tertium Lælij responsum.

OMnes omnino fidei articulos summam, aut aliquomodo contineri in Actis, & Euangelio Lucæ, in Matthæo, & Marco insuper, ad quorum scripta respexit Lucas 1. cap. Adde obsecro & Ioannem, & Pauli Epistolas, non efficies tamen, vt in *primo sermone quem fecit de omnibus quæ capit Iesus facere, & docere*, omnes articuli fidei contineantur. Tantum in primo sermone Lucæ, quem citas, seu in Euangelio illius, quærimus omnia illa, quæ fecit, quæ docuit Iesus. Actio nobis non de Actis, minùs de alijs est: sensum horum verborum inquirimus, v-

trum Lucas dicat, se in primo sermone, omnia facta, omnem Christi doctrinam scripsisse. Hoc negamus nos, tu ex Actis, & aliorum scriptis, multa dicis, nihil probas. Etiam si totum Noui Testamenti Canonem conscripsisset Lucas, doctrinam Christi in illo reperires, totam non reperires. Quid autem est quod articulos præcipuos, omnes summatim tantum, & quasi in fundamento, apud Lucam quærendos dicis? concedis utique minùs principales articulos, & illos ipsos præcipuos, vel non esse, vel strictim, & non clarè, in Lucâ reperiri? facis quod solent inique, & timidæ mentis, lepores galeati, & qui magni haberi, parui esse volunt; suspendis hæderam, dolijs vel vacuis, vel austero habitatore dolentibus. Nos talia non expectamus, audire gestimus argumenta, quibus probes articulos fidei omnes, clarè, in Scripturâ Lucæ contineri, siue præcipui sint, siue postremi, pusilli, vel magni; ita inter nos conuenit. Nisi Prædicans esses intra isthæc repagula te contineres.

§. IV.

Responsum quartum. Lelij.

S. Ioannem per libros, quos Mundus capere non posset, intelligere non multitudinem librorum, sed difficultatem: fore enim libros quàm multis, paucinè sine intel-

intellectui, & memoria humana impares. Ita Lælius, ut omnia signa Christi scripta tueatur. Multum dixit Ioannes, si hoc dixit. Nec sapientes ac prudentes, à quibus Deus abscondit, nec Mundus, utpote Carnalis, intelligit, & capit quam Spiritus Sanctus dictavit, & scripserunt Apostoli: potuerunt isti libri scribi, scripti enim sunt, cur reliqui, cum non tam multi sint, non æquè possint scribi! par est in scriptis, & scribendis intellectus difficultas, si hanc intellexit Ioannes nihil noui dixit, frustra scribi posse negavit, ob hanc difficultatem, quam in iam scriptis superatam fuisse, non ignoravit. Credibilius ergo est multò, Ioannem de multitudine librorum locutum, Lælium affectum, & errorem suum secutum, loquentem non intellexisse.

§. V.

Lucam non omnem Christi doctrinam scripsisse.

PERseuerat Lælius hanc suam sententiam, & S. Lucam perscripsisse omnem Christi doctrinam, omnes omnino fidei articulos, affirmatè definit. Ducamus calculum, & rem ipsam loqui sinamus, ut S. Lucam omnia loquentem, certius intelligamus, Vbi ergò legis Læli, in Lu-

câ, Deum Patrem esse creatorem cæli, & terræ? vbi legis per Verbum omnia facta esse, & sine illo nihil? vbi legis Christum ad inferos descendisse? vbi legis Spiritum sanctum docturum, omnem veritatem, & nihil præter illa, quæ Christus inter viuos agens Apostolis tradidit? vbi Spiritum sanctum legis esse Deum? vbi legis in Lucâ esse scripturam sacram Noui Testamenti in Ecclesiâ? vbi legis illam tot, & non pluribus libris contineri? libros illos esse Verbum D E I, Vbi legis in Lucâ Euangelium S. Ioannis esse, Verbum D E I, quod Lucas nunquam vidit? Sexcenta talia non reperiēs in Lucæ Euangelio, seu primo ipsius Sermonē, in quo dicis scripta esse omnia, quæ docuit Iesus seu quæ credenda sunt. Habes ergo fidei articulos, & quidem principes, excute Lucam, quid produces? in Lucâ non omnes fidei articulos reperiri, te nihil probasse, te scripturam arbitrato tuo interpretari, te homines à verâ Christi doctrinâ, tam friuolis de causis, abducere, decipere, perdere.

Conclusio.

HABES iterum, Lector, solidum, & Marpesiâ firmitus caute, fundamentum, Scripturam *clare tacentem*; omnes fidei articulos, in scripturâ contineri, nusquam loquentem; si quidem

dem illos, in Lucæ Evangelio, quærere oportebit, ad quod nos amittit Lælius: qui cum fateatur clarè Lucam non omnia scripsisse, quæ fecit Iesus, quomodo persuadebit Lucam testari se omnia quæ docuit scripsisse?

Deinde, cum res loquatur ipsa, multos fidei Christianæ articulos in Lucâ desiderari, quomodo diceret Lucas se omnes ad unum scripsisse?

Denique cum Lucas non dicat se omnes, nullo dempto, Evangelio suo inseruisse articulos, quomodo ex illo probat Lælius omnes esse scriptos, Lucam hoc testari? Nullo. Quid ergo ista talia comminiscitur? an quia aliter causæ suæ patrocinari nequit? honestiùs tacuisset.

CAPVT VII. & VIII.

De 4. quæst. cap. 1. Script. Loq. Utrum Spiritus sanctus, docuerit Apostolos, quod Christus illis non tradiderat?

CLarè loquentes Scripturas Lælius pag. 32. cap. 7. adfert quas, quia merchantur, in Linguario explosi, non erant diuinæ, sed Lælianæ, Lælianis erroribus fermentatæ. Quid autumas Lector, nunc in Clauis suâ, responsurum Lælium.

Nihil humilè à Delphis exspecta, magna loquitur cui turbata nunquam Sibyllæ verbantur folia. Non potest non esse certus noster Lælius, nam omnis consequentiæ impatientem Scripturæ claritatem, in consilio habet; quâ aduersa quæque, velut sol nebulas, disijcit, & extra ius, ditionemque fortunæ errantis positus, hostem nec habere potest. Itaque sui certus, ac securus, pag. 33. non quidem ad Garamantas, sed ad Christum me remittit, cum illo compugnare me iubet, eius me verbis, non suis dicam scripsisse opinatur. Sed quia ego verba Christi, sine sensu Christi nulla agnosco, redeo ad verba Lælij, & rectè me respondisse in Linguario malè Lælium in *Clauæ* paragraphis sequentibus ostendo.

§. I.

Examinatur responsum Lælij ad v. 13. Ioan. c. 16. Non loquetur à semetipso. Sed quæcunque audiet loquetur, &c.

Ridiculariam argumentationem, quâ ex his verbis, Scriptura Loquens, deduxit, Spiritum sanctum nihil aliud docturum, nihil aliud à Chri-

à Christo auditurum quàm quæ iam ipsi antea, à Christo audierant, doctique erant Apostoli, in *Linguario* pag. 36. & 63. ad Latomias Dialecticas, & Pontificum Logicorum operas ablegavi : quasi verò is, qui loquetur quæcunque audiet, non possit audire, illis, ad quos loquetur, inaudita ? quasi verò auditurus sit tantùm alijs iam audita ? aut inaudita tacere sit cogendus ? Adhæc in *Clave* suâ, grauidam responso, gerit linguam, Lælius ; obsecro, Lector, auscultemus. Ait pag. 33. *consecutionum mearum obiectiones non ad se, sed ad Christum ipsum spectare*, cuius claris verbis scilicet repugnent. Succincta responsio, Lælius enim verborum est vir paucorum : non tamen ideò proba. Verba Christi apud Ioan. 16. hæc sunt *quæcunque audiet loquetur* audiet autem quæ Apostoli à Christo audierunt, ut explicet, audiet quæ illi à Christo non audierunt, quia portare non potuerunt, ut omnem veritatem doceat, Ergo loquetur Apostolis audita, & inaudita. Si rectè tua dicta penetro Læli, videris aut Christo dictanti frænos indere, ut dictare alia, quam Apostolis iam dicta, non possit, aut Spiritui sancto docenti, ne aliud audire possit. ô bellè aliàs Traditiones inualescerent. Quid si autem potius contra illa Christi verba peccârint, obiectiones meæ, quibus dixit, *ipse de meo accipiet*. Neque hoc o-

§. II.

Examen Læliani responsi ad c. 14. Ioan.

Ille vos docebit omnia, & suggeret vobis omnia.

CLaram iterum Ioannis sententiam obscurat Lælius, pag. 36. docet ex illâ iterum, tantum ea docturum, & suggesturum Spiritum sanctum Apostolis, quæ ipsos ante reditum in cælos docuerat Christus. Respondi in *Linguario* pag. 36. & 63. Scripturam nusquam addidisse tantum, quæcunque Christus Apostolis dixerat, docebit, & suggeret, & præter illa, etiam alia. Sed *Clavis* illa ter maxima, officium non fecit, non reclusit hanc meam, quâ Lælium constrinxi, conclusionem; adhuc tenetur, & *Claram* tantum inclamat scripturam: quàm claram autem? claram agnoscerem sanè, si testaretur, *Ille vos docebit tantum illa omnia, & suggeret vobis, tantum illa omnia, quæcunque dixi vobis.* Hæc si in scripturâ legeret, cristas meritò tolleret, merito claram inclamaret scripturam; cum hoc Ioannes non scripserit, à clauarijs Dialecticis opem flagitet Lælius, ut clavem aliam, infidæ suæ clavi, succenturiare queat; aliter sanè, imò nec Logicâ opitulante, conclusiones meas non recludet: quàm parum enim qui Lælium præn-
furu

pransurum olus dicit, negat alijs quoq; pascendum edulijs, tam parum Christus, cum ait, Spiritum sanctum docturum omnia, & omnia suggesturum, quæcunque Apostolis dixerat, negat docturum, suggesturumque alia. Itaque neque hîc, ad claram scripturam iure prouocas, effugium hoc modo quæris non resignas responsum.

§. III.

Responsum Lælij ad Ioan. cap. 16. Adhuc multa habeo vobis dicere, sed non potestis portare modo.

L Is hîc est, utrû illa *Multa* quæ Christus negat se Apostolis dixisse, sint etiam articuli fidei, an verò sola articulorum fidei explicatio? hoc vult omnino Lælius, ego alterum. Lælium clara iterum armat Scriptura, & propria auctoritas, nihil præterea, nec in *Claue*, nec in *Scripturâ Loquente* lego; atque adeò nullus in hac doctrinâ neruus inest; nec clara enim Scriptura hoc dicit, nec auctoritas tantilla me mouet, vt assentiar, temerè dicenti, *Multa* illa tantum esse explicationem, iam notorum articulorum, nullum in ijs nouum, & Apostolis incognitum articulum, intelligi debere. Multò verò propius est,

est, absque discrimine pronuntiata hæc verba, fidei articulos non exclusisse, illos enim utique minus portare potuerunt Apostoli, quam eorum duntaxat explicationem. Et si Christus explicationem capiti longè faciliorem, ob difficultatem importabilem reticuit, quis credat fidei articulos ipsos, explicatione suâ utique difficiliore, tradere Apostolis voluisse? Accedit ipsius modi loquendi, ac connexionis non obscurum argumentum; quid enim illud adhuc multa habeo, quam præter hos quos iam vobis & dixi, & explicaui, fidei articulos, superesse alios adhuc istis difficiliore, suo tempore à Spiritu sancto tradendos? quid sibi etiam vult Spiritum sanctum docturum, omnem Veritatem? quid illa est Veritas? utique qualem & Christus docuit? fidei scilicet dogmata? Certè in solam ista deriuare explicationem articulorum fidei, Scripturam est nimiam violentiam torquere, cum præsertim non desint, non pauca fidei dogmata, ante Christi in cœlos reditum Apostolis nusquam significata, quod capite sequente docebo.

Perpende nunc Læli quando hæc Scriptura sit clarior, cum mecum supponit, significatq; *Multa* illa non esse meram explicationem, articulorum fidei. Apostolis inauditam, sed etiam articulos nunquam auditos; an quando tecum hoc negat, sentitque contrarium? tu enim ut
con-

contrarium euincas, præter tuam opinionem, & nullam in similibus auctoritatem, pondus nullum habes; ut improbes nostra, cogeris à dogmatibus fidei explicationes seiungere, quod non facit Scriptura; inter Veritates, de quibus hîc Christus, statuere discrimen, quod non facit Scriptura; ab ijs quæ portare non poterant, Apostoli excludere difficiliora, & pro ijs substituere facilia, quod non facit Scriptura; Improbabiliter ista omnia ex Scripturâ, probabiliter contra Scripturam.

§. IV.

Responsum Lelij ad rationem contrariam Scripturæ à se explicatæ.

Miram in me fabam cudere adgreditur, me prædicans, ne cogatur respondere, ad rationē adquam respondere iterum non potest. p. 36. Linguarum cōtra tam pertinaciter negantem, noua, & inaudita dogmata accepturos à Spiritu sancto Apostolos, obieci;

“ Quis, oro te, hos Christo indidit franos, ut alia
 “ fidei dogmata, Spiritui sancto dictare in
 “ celo non potuerit, quàm quæ, in terris a
 “ gens, dederat Apostoli?”

Cum

Cum ille pag. 37. *Clavis* suæ rugare frontem, indignari, quiritari quasi iniuriam Spiritui sancto XX.æris non expiabilem dixerim. Eugepetam fragilis res apud te est gratia? quod memorum verborum omen habet? ostende piaculum, vel talionem expecta. Fraudi mihi est dixisse Christum in cœlo dictare Spiritui sancto posse, alia, quàm in tertis dixerit Apostolis, dogmata. Eâne propter fumat Neptunia Troia? aut quænam ideò armatos Iuno lacertos vibrat? Spiritus sancti Maiestatem nefario cursu temerasse me dicis. quò pacto mi Læli? quia hac ratione, amanuensis instar, cœlesti mensæ affixus, Christi dictatoris nutum præstolabitur Spiritus sanctus. Infandares, diuinam ita Maiestatem contemni! Ita sanè, rectè Lucianus, patriæ fumum, igni alieno luculentiorē ait, nam cum

Nemo in sese tentet descendere,

Aliena præ nostris censere, nostra etiam defendere, solemus. Inquiramus in sacrilegū. Criminis læiæ maiestatis diuinæ, reus est, qui Spiritum sanctum pro tabulario habet; Lælius habet illum pro tabulario, reus ergò est læiæ diuinæ maiestatis. Assumptionem ex verbis, & definitione ipsius Lælij ostendo. ille, ~~pro~~ tabulario Spiritum sanctum habet, qui dicit illum audita à Christo dictante excipere, & ad Apostolos deferre, hoc nomine siquidē pag. 37. me cauil-

cauillatur: Lælius autem dicit, Spiritum sanctum audita à Christo, ab æterno dictante, accepisse ab æterno, & ad Apostolos in tempore detulisse, pag. eâdem Lælius igitur Spiritum sanctum habet pro tabulario, seu Scribâ, quod ipse contrarium esse Maiestati diuinæ confiteatur. Et paruum hoc, in diuinam Maiestatem, crimen est, immanè auctarium à Lælio accipit. Spiritus illi sanctus, merus in Ecclesiâ interpres est, nullum fidei dogma ferre, referre iam lata, & Apostolis nota, tantum potest, & explicare. Quin ipsi etiam Christo, violentis infestus est manibus; ius illi, potestatemq;, noua fidei dogmata, Apostolis inaudita condendi penitus adimit. O illiberalis, si non athei animi doctrinâ! itane de Deo tam parcè, tam sordidè? quis tam ampla fluminis istius spatia deficcavit Xerxes? exhaustane est Dei potestas, & prouidentia? Lælio Doctore, qui vt cum suo Luthero, contra *Traditiones*, & ecclesiam multum possit, non refert Christum, ac Spiritum sanctum minus posse. Nobis liberior & calamus, & animus. Christum omnia Apostolis nota fecisse omnino, negamus; nec erat eos scire omnia necessum; ius illi per nos integrum est, non tantum si velit noua fidei decreta statuendi, sed nouam etiam si videretur, legem. Sed ad propositum reuertamur.

Est aliud insuper in verbis meis, unde opinio Lælij vritur; Christum dixi post reditum, in cœlum, Spiritui sancto dictare posse, magnis ideo passibus Theologica ingreditur adyta, nec videtur reperire posse alium quàm æternum æterni auditoris dictatorem. Ego tamen & ista, non nescio, & non tantum cum communi Doctorum loquendi modo, sed cum ipsa clarâ quidem Scripturâ loqui pergo. Spiritus sanctus, scripturâ teste, à semetipso non loquetur, unde igitur? *De meo accipiet, & , quacunque audiet loquetur. cuius rō accipiet, audietque*, sit temporis Grammatici iudicent, ego alteri foro serui, in quo si rectè scriptura locuta est, non rectè iisdem verbis loquentem, Lælius reprehendit, saluâ namque diuinâ Maiestate, Spiritus sanctus à Christo quæ docere Ecclesiam missus est, accipit, siue acceptio illa per verbum præsens, siue præteriti, siue futuri temporis describatur. Augustinum quem pag. 38. citas, audi loquentem meis verbis, mea verba explicantem, & aufer de cætero, non necessarios labores, habes ad quæ respondere debeas, ista non omitte.

E

Con-

Conclusio.

Non potest ergò dici probabiliter, nec clarè, Spiritum sanctum, tantum credere Ecclesiam, quæ Apostolis à Christo dum in terris ageret tradita fuerunt. I. in nullâ Scripturâ, hoc tantum exprimi subintelligitur. II. Nulla proba contra, illud tantum è Scriptura. educit; nam cumq; audiet loquetur nō concludes Ergò audiet Apostolis iam audita. *Docebit vos Veritatem.* Ergò tantum Apostolis iam audita. *Docebit omnia, & suggeret omnia quaecumq; dixero vobis.* Ergò nihil præterea? O cacæ consequentiarum, nec semiunciam habet alecticę. III. In Maiestatem diuinam Christo pugnat fastu, hæc Scripturæ præpositio interpretatio: cœli condita exhaurit, diuinæ manus, vt nec vnicum nouum fidei Christi dogma, neque Christus, neque Spiritus sanctus ferre possint. IV. Constat esse articulum de quibus nulla Scriptura testatur, Apostoli Christo viuente, vnquam traditos fuisse quibus cap. sequente, Leliana ergo scriptura interpretatio, corruptio est scripturæ, non addenda, quia extra Scripturam.

Ad hæc, & id genus alia, respondet Lelius, consequentias meas, ad f

pertinere, esse contrarias clarę Scripturę. Non egemus ergò deinceps Oedipo, Dæus posthac poterit ad omnia respondere.

CAPUT IX.

Omniāne Christus Discipulis nota fecerit, quæ ad sui cognitionem spectantia à Patre audiuit?

C. Iulij Cæsaris fortunam hîc subeo, nutantem, trepidatione signiferi, aciem corrigentis; nam cum Martiæ Legionis Aquiliferum, ineundę fugę gratiâ iam conuersum videret, accurrit, apprehensoque faucibus, vultuq; re-torto, *quorsum*, ait, *tu abi?* illic sunt cum quibus *dimicamus*. Lælius, in ipsâ huius capitis inscriptione, fugam adornat, verbis principio anceps, luce indiget: immiscet necessaria scitu ad salutē: Heus fugitor, non sunt hæc de quibus *dimicamus*, quærimus in nostrâ disputatione, omnes omnino articulos fidei, in scripturâ clarę expressos, adeoque omnia ad plenam salutiferę Christi doctrinę cognitionem necessaria, à Deo Patre audita, & Apostolis notificata; nam ad salutiferam, quâ caput hoc inscribis, Christi cognitionem, paucis opus esse, latro è cruce, ad beatas sedes euolans, testatur. Itaque resiste,

non fuge, nam Christum omnia quæ
 Patre, ad fidelium suorum salutem
 inchoandę Ecclesię, absolute necesse
 fctis nota fecisse, non negamus, o-
 no ad plenam doctrinę Christianę
 nem, & Ecclesiam vniuersim absol-
 fctaria, Apostolis tradita à Christo, e-
 gamus.

At dicit hoc clarè Christus, Ioa-
 stum, mi bone, intelligis malè. Na-
 stus clarè non dicit, se omnia, id est,
 articulos, Apostolis reuelasse, quos
 diuit à Patre, nullo penitus dempto
 cit quosnam ex ijs, quos à Patre au-
 Apostolis fecerit, vnde vel omnes
 omnes ad Ecclesiam vniuersim, ve-
 Ecclesiam inchoandam duntaxa
 intelligi possunt, atque adeò inter
 Scripturę sensus, quę claritas? I I-
 tùm non clarè, sed neque per cons-
 educes, ex his Christi verbis, apud I
quęcumq; audiui à Patre meo nota feci vo-
 omnino ad totius Ecclesię decursu
 Ecclesiam vniuersim, vsque ad C
 nem sæculi, pertinentia Apostolis à
 tificata; si enim quęcumque Christi
 Patre, nota fecit Apostolis, quomo-
 fecit, quę portare non potuerunt?

audiuit? si audiuit, quomodo Spiritui sancto, doctrinam omnis Veritatis, ad Ecclesiam spectantis, reliquit? III. Reipsâ sunt articuli fidei, quos nulla Scriptura testatur, à Christo Apostolis patefactos; ex quâ igitur causâ, omnia omnino nota facta Apostolis credemus, quæ Christus audiuit à Patre, & non potius omnia, illa tantum, quæ portare tunc quidem potuerunt? Atque istud quidem doceri cupit Lælius, docebo accuratè, de tribus in *Linguario* obiectis articulis, nam de fatali, orbis in cineres ituri, catastrophe, Apostolis patefactâ, nihil attinet dicere, ipse Lælius agnoscit, non omnia omnino, quæcunque audiuit Christus à Patre, nota facta Apostolis, sed solum ait, omnia ad Ecclesiæ decursum spectantia, ad quam tamen ipse utique Ecclesiæ, in cælum è terris abitura, dies, etiam pertinebit.

§. I.

*Vtrum à Christo didicerint Apostoli
locum Iudæ proditoris, explendum esse,
non autem Andrea, Ioannis, ali-
orumq?*

EXcute, Lector, omnia Christi, ac singula, quæ ab ipso, ante suum in cœlos reditum, dictaque,

dictaque, factaque sunt, nihil reperi-
 & tamen pag. 46. Lælius asseueratè
 probat etiam; vide sis quid libido hor-
 rà Christi doctrinà auertendi, non
 probat ex Scripturà Veteris Testam-
 autem obsecro? mirum sanè si ibi re-
 monium, Christum cum inter viuos
 cuisse Apostolos, vt post Iudæ suspen-
 viratum explerent post necem And-
 rum non explerent. Non probat ho-
 num exspectabam, probat tantum
 lum fidei, locum illum alteri dand-
 ipsum tamen ego, clarissimis verbis.
 pag. 36. *Linguarij*, affirmabam. Mi-
 quærimus nunc articulos fidei in Scri-
 teris Testamenti, sed in solo Euange-
 Noui Testamenti libro, hunc articu-
 sto viuentè Apostolis propositum fu-
 quid respondisti?

L. Responsum.

Pag. 46. ad doctrinam Christi
 traditam, ante Ascensionem, addit-
 terium Dauidicum, in quo Christi
 inscripti leguntur psalmi. Sudat en-
 Prædicans in hoc argumèto, videt E-
 tacere hunc articulum, ideo Christum
 in Nouo audire non potest, audit in

stamento Apostolis dicentem *Et episcopatum eius accipiet alter*. Quid ergo respondet? Christum antequam esset natus, in Bethlehem Iudæ, dixisse Petro, & Andree, nondum Apostolis, Iudæ suspensi locum, complendum esse; nam, antequam nasceretur Christus, & Psalmus iste, & Petrus erat. O fumi, fumi meri!

II. Responsum.

Animaduertit ipse Lælius nutare hoc responsum, aliud igitur succenturiat, ex Lucâ, ex quo certus est, Christum Emmauntinis peregrinatoribus, Scripturas interpretantem, monuisse quoque de Iudâ: nimirum, intererat illorum, nôsse comitia esse agenda, causam, & eventum eorundem; neq; enim ignorabat Christus, hos duos illos esse, ad quos senatum cogere, & senatus consulta publica re spectabat; hoc imò solum requirebat viatorij illius colloquij summa: hoc clarè Lucas ipse testatur, apud quē Christus, *interpretabatur illis, in omnibus Scripturis, quæ de ipso erant*. Nunquid enim Scriptura de Iudâ non est de Christo? utique. Sed multæ hac ratione sunt Scripturæ, & multa nimis dicendi materia, siquidem omnes de se Scripturas, interpretabatur, quæ aliquo ad se modo spectabant. Persuasisti mihi Læli omnes omnino articulos fidei esse clarissimè in Scripturâ, si persuaseris,

suaseris, ut credam, in hoc Colloquio, de loco Iudæ fuisse actitatum. Quin pari ego licentiâ, pari saltem auctoritate dicam, in eo Colloquio edoctos à Christo discipulos, de purgatorio, è quo, sicut è Lutheri *scheolach*, captiuam eduxit captiuitatem. Non credis mihi Læli hunc articulum fidei à Christo hîc traditum? nec ego tibi, de Iudæ loco complendo, credam; eodem enim es vsus genere argumenti.

Cedo itaq; claram scripturam Læli, Christum hunc fidei articulum de successore Iudæ Apostolis tradidisse, antequam ad Patrem rediret: hoc in *Linguario* postulauî, hoc in *Clauæ* tuâ non reperi: Articulum ergò fidei, Apostolis à Christo non notificatum, habemus.

§. II.

Circumcisionem mortiferam nunc esse, articulus Fidei est; Apostolis à Christo viuo reuelatum esse, ex Scriptura doceri non potest.

LOquar, Læli, ut me videas, vel certè visum non fugias. quæstio est de Circumcisione: hanc ego vsurpanti non tantùm non prodesse, sed obesse, ac mortiferâ esse aio, tu negas, p. 47.

Ad

Ad pulpitum ergò mi Læli, disces vt video prima Christianæ doctrinæ rudimenta. Circumcisionem, vim perdidisse, nec sine peccato more antiquo vsurpari posse: nam errare in fide, est Mortiferum; vsurpare circumcisionem ex lege rituq; Mosaico est errare in fide; de fide enim est, vim circumcisioni nullâ amplius inesse, Ergo vsurpare Circumcisionē, hoc modo, est mortiferum. Sed quid tibi cum consequentijs? Accipe ergo scripturam, non vt tu somnias tacentem, sed tantâ claritudine clarigantem, vt crassissimas etiam in aures, penetrare se possit. Audi Apostolum ad Galatas 5. v. 2. *State, ait, & nolite iterum iugo seruitutis contineri, Ecce ego Paulus, dico vobis (tametsi neget Onoldinus Propheta) quoniam si circumcidamini, Christus vobis nihil proderit.* Mors in olla Læli; circumcidere nonne est occidere? *Euacuati estis à Christo, qui in lege iustificamini, à gratiâ excidistis.* v. 4. Est sanè circumcisio Iudæismi professio, vt non iniuriâ, hoc loco, Apostolus dicat, *Testificor autem omni homini circumcidenti se, quoniam debitor est, vniuersæ legis faciendæ;* obligat ergò circumcisio, de quâ loquimur, ad illicita. Hæc Galatis Paulus, non Iudæis, sed Christianis, circumcidere se tamen gestientibus, cur inhibuit Apostolus? cur circumcisis nihil profuturum Christum prædixit? nec dum mortem ydes, in circumcisione, Læli? Chri-

Ærianus cui nihil prodest Christus, mortuus est Christianus, Baptisatus circumcidens se, est Christianus cui nihil, prodest Christus; Baptisatus ergo circumcidens se, est mortuus Christianus. Fidei igitur articulus hic est, Circumcisionem usurpanti Christum nihil prodesse, seu Mortiferam esse. Vbi legis in Scripturâ Læli, à Christo viuo, inter Apostolos hunc articulum fuisse auditum? nusquam. Da victas igitur manus, vel, quod malo, intellectum.

§. III.

Suffocata, Idolothyta, sanguinem, præcepto diuino prohibita fuisse, est articulus Fidei, Apostolis ante decretum Act. 15. ignotus.

Contra Lælium; qui, ne debeat ostendere in Euangelio, vel ex Clarâ Scripturâ cogatur probare, Christum hæc Apostolis antequam in cælum reciperetur, nota fecisse, audacter, omni fronte positâ, negat, esse articulum fidei, Suffocatis, Idolothytis, sanguine vesci, fuisse legi diuinâ inconcessum Christianis. Causam habet, quia desitum est, in Ecclesiâ id obseruare. Non mouet me hæc rationis imago, Læli. desideremulti articuli fidei, Lex ipsa, & Synagoga, quot,

quot, & quàm varij cum illâ Fidei articuli? De fide etiamnum est, Circumcisionem articulum fidei fuisse, quo credendum erat, illam pro signo filiorum Abrahæ datam, vsurpandamque fuisse. Circumcisio abrogata est, & solùm creditur iam, fuisse salutiferam. Sed quidquid demum sit, Scriptura testis est abstinentiam ab imolatis, suffocato, & sanguine, præcepto diuino vetitis, præceptam, & ad salutem necessariam fuisse. Æterna hæc auctoritas est; ita *Visum est Spiritui sancto, & Apostolis, nihil ultra imponere fidelibus oneris, quàm hæc necessaria.* Et non sit de fide, quod *Visum est Spiritui sancto, & Apostolis, imponere fidelibus?* Quidquid Spiritus sanctus Ecclesiam docet, est de fide credendum; à suffocato, sanguine, Idolothytis esse abstinendum, Spiritus sanctus docuit Ecclesiam; Ergo ab his esse abstinendum, fuit de fide credendum. Crediderunt profectò à Spiritu sancto dictatum, hoc in Ecclesiâ præceptum, ipsi Apostoli, testem Lucam habes, audis ipsos loquentes, *Visum esse Spiritui sancto.* & tu neges articulum fidei fuisse, damnatam ob Ecclesiæ statim exortu extitisse, sanguinis, suffocatorum, imolatorumque gulam? Nulli tunc in totâ Ecclesiâ Idolothytis, suffocatis, ac sanguine vesci, post hanc legem, permissum fuisse, constat; nam legem Iudæis, & fidelibus Veteris Testamenti latam, Ec-
clesia

clesia Christi recepit, ideoque etiam Gentiles à falso atheorum cultu Deorum, ad veram Christi Ecclesiam traductos ad eandem legem obligabant, hoc decreto Apostoli, & Spiritus sanctus. Hac de causâ, decreti hæc verba, legis, Læli; *visum est nihil ultra imponere vobis oneris* (Legis scilicet Mosaicæ quam S. Petrus eodem cap. & ipsis, & Patribus grauem, proscribit) *quàm hac necessaria*. cur necessaria? quia abrogatis alijs eiusmodi legibus, istam in Ecclesiâ Christi retentam voluit Spiritus sanctus ad Idolomaniam omnem detestandam, & vitanda Scandala. Et quamvis ad tempus durârit hæc lex, lege diuinâ tamen interdicta Idolothyta, suffocata, & sanguinem, ad tempus credendum, abstinentiùmque fuisse, negari non potest. Nisi dicas Læli, in Emmauntinâ Scripturarum explanatione, Discipulis, etiam hunc articulum, de non vsurpandis Idolothytis, suffocatis, ac sanguine, innotuisse, à Christo; vel dicendum tibi erit, Christum à Patre, istum non audiuisse, vel non omnia à Patre audita, Apostolis notafecisse.

Conclusio.

ERrat igitur, & decipit, Lælius, Ioannem 15. cap. de omnibus articulis fidei explicans; sicut enim Christus, non omnia omnino quæcunque

cūque audiuit à Patre, nota fecit Discipulis, quod ipse rectè fateretur, pag. 45. ita non omnes omnino fidei articulos, Apostolis à Christo notificatos, sed eos solū, quorum notione tunc, ad inchoandam Ecclesiam, indigebant, ex Ioanne colligi potest; tum quia omnem reliquam veritatem docturus erat Spiritus sanctus, quam ipsi, adhuc viuentē Christo, portare non poterant; tum quia reipsā ex nullā Scripturā ostendi potest, hos tres articulos, (vt reliquos infra allegandos, in nullā penitus Scripturā repertos, omittam) à Christo, Apostolis, dum inter illos morarerer, significatos. tum denique quia nullā solidā ratione hæc interpretatio, sed in solo Lælij cerebello, consistit. At huius nos cerebri filias, non adoramus, miramur tamen talia monstra impunè generari, & in pretio esse posse, mucus enim est, non

Minerua.

PARS

cauillatur: Lælius autem dicit, Spiritum sanctum audita à Christo, ab æterno dicere cepisse ab æterno, & ad Apostolos idem dedulisse, pag. eadem Lælius igitur spiritum sanctum habet pro tabulario, seu Secretario ipse contrarium esse Maiestati diuinitatis. Et paruum hoc, in diuinam Maiestatem crimen est, immanè auctarium à Lælio. Spiritus illi sanctus, merus in Ecclesia est, nullum fidei dogma ferre, referre, & Apostolis nota, tantum potest, & Quia ipsi etiam Christo, violentis in manibus, ius illi, potestatemq;, noua mandata, Apostolis inaudita condendi permit. O illiberalis, si non athei animi imitane de Deo tam parcè, tam sordidè ampla fluminis istius spatia desiccau. exhaustane est Dei potestas, & prout Lælio Doctore, qui ut cum suo Lutheri Traditiones, & Ecclesiam multum possidet Christum, ac Spiritum sanctum nescit. Nobis liberior & calamus, & animum spiritum omnia Apostolis nota fecisse ostendamus, nec erat eos scire omnia necesse illi per nos integrum est, non tantum noua fidei decreta statuendi, sed non si videretur, legem. Sed ad propositum tamur,

Est aliud insuper in verbis meis, vnde opinio Lælij vritur; Christum dixi post reditum, in cœlum, Spiritui sancto dictare posse, magis ideo passibus Theologica ingreditur adyta, nec videtur reperire posse alium quàm æternum æterni auditoris dictatorem. Ego tamen & ista, non nescio, & non tantum cum communi Doctorum loquendi modo, sed cum ipsa clarâ quidem Scripturâ loqui pergo. Spiritus sanctus, scripturâ teste, à semetipso non loquetur, vnde igitur? *De meo accipiet, & , quacunque audiet loquetur.* cuius rō accipiet, audietque, sit temporis Grammatici iudicent, ego alteri foro seruo, in quo si rectè scriptura locuta est, non rectè iisdem verbis loquentem, Lælius reprehendit, saluâ namque diuinâ Maiestate, Spiritus sanctus à Christo quæ docere Ecclesiam missus est, accipit, siue acceptio illa per verbum præsens, siue præteriti, siue futuri temporis describatur. Augustinum quem pag. 38. citas, audi loquentem meis verbis, mea verba explicantem, & aufer de cætero, non necessarios labores, habes ad quæ respondere debeas, ista non omitte.

E

Con-

Conclusio.

Non potest ergò dici probabiliter, ne dicam
clare, Spiritum sanctum, tantum illa do-
cere Ecclesiam, quæ Apostolis à Christo ipso,
dum in terris ageret tradita fuerunt. I. Quia
in nullâ Scripturâ, hoc tantum exprimitur, vel
subintelligitur. II. Nulla proba consequen-
tia, illud tantum è Scriptura. educit; nam *qua-
cumq; audiet loquetur* nō concludes Ergò tantum
audiet Apostolis iam audita. *Docebit vos omnem
Veritatem.* Ergò tantum Apostolis iam auditam?
*Docebit omnia, & suggeret omnia quaecumq; dixi, vel
dixero vobis.* Ergò nihil præterea? O cadauera
consequentiarum, nec semiunciam habent Di-
alecticę. III. In Maiestatem diuinam Gygan-
tæo pugnat fastu, hæc Scripturæ præpostera in-
terpretatio: cœli condita exhaurit, diuinas ligat
manus, vt nec vnicum nouum fidei Christianæ
dogma, neque Christus, neque Spiritus sanctus,
ferre possint. IV. Constat esse articulos fidei,
de quibus nulla Scriptura testatur, Apostolis, à
Christo viuente, vnquam traditos fuisse, de
quibus cap. sequente, Læliana ergo scripturæ
interpretatio, corruptio est scripturæ, non cre-
denda, quia extra Scripturam.

Ad hæc, & id genus alia, respondet in *cla-
ne* suâ Lælius, consequentias meas, ad se non
perti-

pertinere, esse contrarias clarę Scripturę. Non egemus ergò deinceps Oedipo, Dædus posthac poterit ad omnia respondere.

CAPUT IX.

Omniane Christus Discipulis nota fecerit, quæ ad sui cognitionem spectantia à Patre audivit?

C Iulij Cæsaris fortunam hîc subeo, nutantem, trepidatione signiferi, aciem corrigentis; nam cum Martiæ Legionis Aquiliferum, ineundę fugę gratiâ iam conuersum videret, accurrit, apprehensoque faucibus, vultuq; re-torto, *quorsum*, ait, *tu abis? illic sunt cum quibus dimicamus*. Lælius, in ipsâ huius capitis inscriptione, fugam adornat, verbis principio anceps, luce indiget: immiscet necessaria scitu ad salutē: Heus fugitor, non sunt hæc de quibus dimicamus, querimus in nostrâ disputatione, omnes omnino articulos fidei, in scripturâ clarę expressos, adeoque omnia ad plenam salutiferę Christi doctrinę cognitionem necessaria, à Deo Patre audita, & Apostolis notificata; nam ad salutiferam, quâ caput hoc inscribis, Christi cognitionem, paucis opus esse, latro è cruce, ad beatas sedes euolans, testatur. Itaque resiste,

non fuge, nam Christum omnia quæ audiuit à Patre, ad fidelium suorum salutem & exordium inchoandę Ecclesię, absolutę necessaria, Apostolis nota fecisse, non negamus, omnia omnino ad plenam doctrinę Christianę cognitionem, & Ecclesiam vniuersim absolutam, necessaria, Apostolis tradita à Christo, etiam pernegamus.

At dicit hoc clarè Christus, Ioan. I 5. Christum, mi bone, intelligis malè. Nam I. Christus clarè non dicit, se omnia, id est, omnes fidei articulos, Apostolis reuelasse, quoscunque audiuit à Patre, nullo penitus dempto; neque dicit quosnam ex ijs, quos à Patre audiuit, notos Apostolis fecerit, vnde vel omnes omnino, vel omnes ad Ecclesiam vniuersim, vel omnes, ad Ecclesiam inchoandam duntaxat necessarij intelligi possunt, atque adeò inter tot diuersos Scripturę sensus, quæ claritas? II. Non tantum non clarè, sed neque per consequentiam, educes, ex his Christi verbis, apud Ioan: *Omnia quaecunque audiui à Patre meo nota feci vobis*, omnia, omnino ad totius Ecclesię decursum, seu ad Ecclesiam vniuersim, vsque ad Consumationem sæculi, pertinentia Apostolis à Christo notificata; si enim quæcunque Christus audiuit à Patre, nota fecit Apostolis, quomodo nota non fecit, quæ portare non potuerunt? an quia non audi-

audi.

audiuit? si audiuit, quomodo Spiritui sancto, doctrinam omnis Veritatis, ad Ecclesiam spectantis, reliquit? III. Reipsâ sunt articuli fidei, quos nulla Scriptura testatur, à Christo Apostolis patefactos; ex quâ igitur causâ, omnia omnino nota facta Apostolis credemus, quæ Christus audiuit à Patre, & non potiùs omnia illa tantùm, quæ portare tunc quidem potuerunt? Atque istud quidem doceri cupit Lælius, docebo accuratè, de tribus in *Linguario* obiectis articulis, nam de fatali, orbis in cineres ituri, catastrophe, Apostolis patefactâ, nihil attinet dicere, ipse Lælius agnoscit, non omnia omnino, quæcunque audiuit Christus à Patre, nota facta Apostolis, sed solùm ait, omnia ad Ecclesiæ decursum spectantia, ad quam tamen ipse utique Ecclesiæ, in cælum è terris abiturae, dies, etiam pertinebit.

§. I.

Utrum à Christo didicerint Apostoli locum Iudæ proditoris, explendum esse, non autem Andrea, Ioannis, aliorumq?

EXcute, Lector, omnia Christi, ac singula, quæ ab ipso, ante suum in cœlos reditum, dictaque,

dictaque; factaque; sunt, nihil reperi-
 & tamen pag. 46. Lælius asseueratè id
 probat etiam; vide sis quid libido hon-
 ræ Christi doctrinâ auertendi, non
 probat ex Scripturâ Veteris Testame-
 autem obsecro? mirum sanè si ibi rep-
 monium, Christum cum inter viuos a-
 cuisse Apostolos, vt post Iudæ suspens-
 viratum explerent post necem Andro-
 rum non explerent. Non probat hoc
 num expectabam, probat tantum e-
 lum fidei, locum illum alteri dandu-
 ipsum tamen ego, clarissimis verbis,
 pag. 36. *Linguarum*, affirmabam. Mihi
 quærimus nunc articulos fidei in Scri-
 teris Testamenti, sed in solo Euangelio
 Noui Testamenti libro, hunc articulu-
 sto viuentis Apostolis propositum fuisse
 quid respondisti?

L. Responsum.

Pag. 46. ad doctrinam Christi
 traditam, ante Ascensionem, addit
 terium Dauidicum, in quo Christo
 inscripti leguntur psalmi. Sudat eni-
 Prædicans in hoc argumêto, videt Eu-
 tacere hunc articulum, ideo Christum
 in Nouo audire non potest, audit in V-

stamento Apostolis dicentem *Et episcopatum eius accipiet alter.* Quid ergo respondet? Christum antequam esset natus, in Bethlehem Iudæ, dixisse Petro, & Andree, nondum Apostolis, Iudæ suspensi locum, complendum esse; nam, antequam nasceretur Christus, & Psalmus iste, & Petrus erat. O fumi, fumi meri!

II. Responsum.

Animaduertit ipse Lælius nutare hoc responsum, aliud igitur succenturiat, ex Lucâ, ex quo certus est, Christum Emmauntinis peregrinatoribus, Scripturas interpretantem, monuisse quoque de Iudâ: nimirum, intererat illorum, nôsse comitia esse agenda, causam, & eventum eorundem; neq; enim ignorabat Christus, hos duos illos esse, ad quos senatum cogere, & senatus consulta publica respectabat; hoc imò solum requirebat viatorij illius colloquij summa: hoc clarè Lucas ipse testatur, apud què Christus, *interpretabatur illis, in omnibus Scripturis, quæ de ipso erant.* Nunquid enim Scriptura de Iudâ non est de Christo? utique. Sed multæ hac ratione sunt Scripturæ, & multa nimis dicendi materia, siquidem omnes de se Scripturas, interpretabatur, quæ aliquo ad se modo spectabant. Persuasisti mihi Læli omnes omnino articulos fidei esse clarissimè in Scripturâ, si per-

E 4

suaferis,

suaseris, vt credam, in hoc Colloquio, de loco Iudæ fuisse actitatum. Quin pari ego licentiâ, pari saltem auctoritate dicam, in eo Colloquio edoctos à Christo discipulos, de purgatorio, è quo, sicut è Lutheri *scheolach*, captiuam eduxit captiuitatem. Non credis mihi Læli hunc articulum fidei à Christo hîc traditum? nec ego tibi, de Iudæ loco complendo, credam; eodem enim es vsus genere argumenti.

Cedo itaq; claram scripturam Læli, Christum hunc fidei articulum de successore Iudæ Apostolis tradidisse, antequam ad Patrem rediret: hoc in *Linguario* postulauî, hoc in *Clauæ* tuâ non reperiô: Articulum ergò fidei, Apostolis à Christo non notificatum, habemus.

§. II.

Circumcisionem mortiferam nunc esse, articulus Fidei est; Apostolis à Christo viuo reuelatum esse, ex Scriptura doceri non potest.

LOquar, Læli, vt me videas, vel certè visum non fugias. quæstio est de Circumcisione: hanc ego vsurpanti non tantùm non prodesse, sed obesse, ac mortiferâ esse aio, tu negas, p. 47.

Ad

Ad pulpitem ergò mi Læli, disces ut video prima Christianæ doctrinæ rudimenta, Circumcisionem, vim perdidisse, nec sine peccato more antiquo usurpari posse: nam errare in fide, est Mortiferum; usurpare circumcisionem ex lege rituq; Mosaico est errare in fide; de fide enim est, vim circumcisioni nullâ amplius inesse, Ergo usurpare Circumcisionem, hoc modo, est mortiferum. Sed quid tibi cum consequentijs? Accipe ergo scripturam, non ut tu somnias tacentem, sed tantâ claritudine clarigantem, ut crassissimas etiam in aures, penetrare se possit. Audi Apostolum ad Galatas 5. v. 2. *State, ait, & nolite iterum iugo servitutis contineri, Ecce ego Paulus, dico vobis (tamen si neget Onoldinus Propheta) quoniam si circumcidamini, Christus vobis nihil proderit.* Mors in olla Læli; circumcidere nonne est occidere? *Evacuati estis à Christo, qui in lege iustificamini, à gratiâ excidistis, v. 4.* Est sanè circumcisio Iudaismi professio, ut non iniuriâ, hoc loco, Apostolus dicat, *Testificor autem omni homini circumcidenti se, quoniam debitor est, universæ legis faciendæ;* obligat ergò circumcisio, de quâ loquimur, ad illicita. Hæc Galatis Paulus, non Iudæis, sed Christianis, circumcidere se tamen gestientibus, cur inhibuit Apostolus? cur circumcisis nihil profuturum Christum prædixit? nec dum mortem vides, in circumcisione, Læli? Chri-

Christianus cui nihil prodest Christus, mortuus est
 Christianus, Baptisatus circumcidens se, est
 Christianus cui nihil, prodest Christus; Bap-
 tatus ergo circumcidens se, est mortuus Chri-
 stianus. Fidei igitur articulus hic est, Circum-
 cisionem usurpanti Christum, nihil prodest
 seu Mortiferam esse. Vbi legis in Scripturâ La-
 li, à Christo viuo, inter Apostolos hunc articu-
 lum fuisse auditum? nusquam. Da victas igitur
 manus, vel, quod malo, intellectum.

§. III.

*Suffocata, Idolothyta, sanguinem, pre-
 cepto diuino prohibita fuisse, est articu-
 lus Fidei, Apostolis ante decretum
 Act. 15. ignotus.*

COntra Lælium; qui, ne debeat ostendere
 in Euangelio. vel ex Clarâ Scripturâ cog-
 tur probare, Christum hæc Apostolis anteq-
 in cœlum reciperetur, nota fecisse, audacter,
 mni fronte positâ, negat, esse articulum fid-
 Suffocatis, Idolothytis, sanguine vesci, fuisse
 legi diuinâ in concessum Christianis. Causa
 habet, quia desitum est, in Ecclesiâ id obseruari.
 Non mouet me hæc rationis imago, Læli, de-
 ère multi articuli fidei, Lex ipsa, & Synagog
 qu

quot, & quàm varij cum illâ Fidei articuli? De fide etiamnum est, Circumcisionem articulum fidei fuisse, quo credendum erat, illam pro signo filiorum Abrahæ datam, vsurpandamque fuisse. Circumcisio abrogata est, & solùm creditur iam, fuisse salutiferam. Sed quidquid demum sit, Scriptura testis est abstinentioniam ab imolatis, suffocato, & sanguine, præcepto diuino vetitis, præceptam, & ad salutem necessariam fuisse. Æterna hæc auctoritas est; ita *visum est Spiritui sancto, & Apostolis, nihil ultra imponere fidelibus oneris, quàm hæc necessaria.* Et non sit de fide, quod *visum est Spiritui sancto, & Apostolis, imponere fidelibus?* Quidquid Spiritus sanctus Ecclesiam docet, est de fide credendum; à suffocato, sanguine, Idolothytis esse abstinendum, Spiritus sanctus docuit Ecclesiam; Ergo ab his esse abstinendum, fuit de fide credendum. Crediderunt profectò à Spiritu sancto dictatum, hoc in Ecclesiâ præceptum, ipsi Apostoli, testem Lucam habes, audis ipsos loquentes, *visum esse Spiritui sancto.* & tu neges articulum fidei fuisse, damnatam ob Ecclesiæ statim exortu extitisse, sanguinis, suffocatorum, imolatorumque gulam? Nulli tunc in totâ Ecclesiâ Idolothytis, suffocatis, ac sanguine vesci, post hanc legem, permissum fuisse, constat; nam legem Iudæis, & fidelibus Veteris Testamenti latam, Ecclesia

cūque audiuit à Patre, nota fecit Discipulis, quod ipse rectè fatetur, pag. 45. ita non omnes omnino fidei articulos, Apostolis à Christo notificatos, sed eos solùm, quorum notione tunc, ad inchoandam Ecclesiam, indigebant, ex Ioanne colligi potest; tum quia omnem reliquam veritatem docturus erat Spiritus sanctus, quam ipsi, adhuc viuente Christo, portare non poterant; tum quia reipsa ex nullâ Scripturâ ostendi potest, hos tres articulos, (vt reliquos infra allegandos, in nullâ penitus Scripturâ repertos, omittam) à Christo, Apostolis, dum inter illos moraretur, significatos. tum denique quia nullâ solidâ ratione hæc interpretatio, sed in solo Lælij cerebello, consistit. At huius nos cerebri filias, non adoramus, miramur tamen talia monstra impunè generari, & in pretio esse posse, mucus enim est, non

Minerua.

PARS



P A R S. II.
DE TRADITIONIBUS
Articulo VI. Script. Lo-
quentis.

CAPVT I.

*De I. quest. art. vi. Utrum Scrip-
ta unica sit norma Fidei
Christiana.*



RAVES fecisse Ale-
dro, scribit Plutarchus, l-
in ambitiosum Antipa-
vulgo dictas; quem eni-
nesciebat, occultis ma-
efflictim fascibus insidia
hoc, honorum negligentiam, haud pas-
adeò impunè prædicari, quin identidem
illum foris albo tectum, intus totum esse purp-
dictitaret. Dignus sanè in quem hoc ipsi-
cam, est meus Lælius; doctrinam ille

cum niue, candidam esse vult, scripturæ sacræ verbis gypsatam, non tantum candidissime dealbat, quam potest, sed ut perennitatem addat, scripturam pro unicâ doctrinæ, Fideique Christianæ normâ, proclamat. Inter istos tamen, candores, ipse meus Lælius, a terrimè intus niger est, eâdèque fuligine, Lectores, in hac alterâ suæ *Clavis* parte, collutulare, & obfuscare iterum conatur. Scripturam ubique testem citat, nusquam intelligit, & quâ candere se putat, non videt suâ, tam alienâ à Spiritus sancti, interpretatione nigrare. Plus ergò hac 2. parte à Lælio scripturæ tribui, minùs in eâ reperiri, imò horum quæ Lælius producit, nihil ostendam illi, potius tamen Lectori, non quod Lælius demonstrationum mearum spectatorem, non optem, sed quod desperem.

§. I.

Scripturam esse normam unicam Fidei, ex scripturâ probat.

EX quâ omnia probat. Tulit hanc sententiam Iosue cap. 23. vers. 6. Deut. 12. vers. 32. In his, ac similibus, legit Lælius, *nec declinandum ad dexteram, nec ad sinistram, nihil addendum, nihil detrahendum*; quid concludit? nullum esse articulum

culum Fidei, extra scripturam, solámque scripturam esse normam Fidei Christiana putidâ nuce digna consequentia. quid articulos Fidei, quæ de lege Mosaicâ, præcitur? In Deuteromio certè, articulos Fidei Testamenti non leges, quos in Propter posterioribus leges, de quibus hæc lex à lata non est. Sed postea de consequenti spiciendum, nunc verbis scripturæ, lux dat hæc est. Non amplianda, non restringenda præcepta diuina, quæ mores, quæ ceremoniæque à Moyse præscriptos spectant; nullum omnia, & ad litteram explenda. ritusque, numero non augendos, non diminutur, quæ per Prophetarum, aliorumque scripta, Iosuéque posteriorum scripta aucta sunt. si statuta scriptura, pertinet ergò non addenda, sed mendique hoc præceptum ad omnes, & à regulas leges Mosaicæ, in quibus nihil iuris vult legislator cuius, se & successoribusque exceptis, quibus DEVS & has dictauit alias, dictare potuit, quibus interpretandi que dirimendi dedit potestatem. Non minus, non auferetis, ad eos igitur pertinet, DEO inspirati non sunt, sed humano solim titu reguntur quòd si Lælius interpres tantum mechanicus, aut ἀπὲλαιος est, vt scriptura vitretur, excludere omnia ab articulis fidei

nullus

in Deuteronomio non continentur, seu in *volume legis Mosaicae*, de quo hæc verba loquuntur, nec sine anathematis notâ, vel ad Deuteronomij, vel ad Veteris Testamenti leges, ab ullo quidquam addi, detrahique possit, nã ille graphicè errat. Quid non in capita Prophetarum. S. Pauli, omnesque Noui Testamenti scriptores concitat tempestatis? quid non nouarum isti legum, articulorumque Fidei addiderunt. Ipse adeò Christus, ad Decalogi leges adiecit. *Andistis quia dictum est antiquis, &c. Ego autem dico vobis, &c.* Vides Læli declinantem ad dexteram, & ad sinistram Christum, cum Apostolis? addiderunt hi sanè aliquid, quod Antiquis dictum non fuit. Lege, mi homo, Apostolorum scripta, damnatas Iudæorum leges, ceremonias, Fidei articulos, in illis leges, & declinare ad dexteram, aut ad sinistram, ad verba vel Moyſis, vel V. Testamenti, non licere addere, vel detrahere, dices prohiberi? O nuge nugarum & quæ nascuntur ab ipsis, sunt nugæ. & tamen responsum vrget; tanquam si cum Æſopica gallinâ aureum illi excidisset ouum, ita glôcit superbè.

Posses tacitus si pasci coruus, haberet

Plus esca, & rixa minus.

Si responsum non postulares, non rideret te Logicorum schola, minus etiam tuis innotesceret,

F

ſceret,

sceret, in quantis ignorantiae tenebris, quod densa in caligine, infidus scripturae introversarere.

§. II.

Idipsum probat ratione.

Scripturam sacram, regulam esse Fidei, eodem quo proditis, contendit mentis. I. est. Scriptura vetat addere, ferre quidquam ex scriptura; Ergo tene scripturae soli adhærere. Soli scilicet Ieronomio seu libro legis Mosaicae. Valerius cæteri, cuiuscumque estis testamenti, V. Novi, clamat Libertus, exite è censu sacrorum voluminum; nam scriptura, à quâ neutrum deflectendum est, soli sunt libri Mosaici, priores profectò, ipso Iosue legislatore, esse possunt. Deinde misera Ecclesia est, sicutiana, Mosaicæ legis iugum subire cogitur nec dextrorsum, nec lævorsum abire cõsum esse, contendit Lælius: nobis non esse tam superbis, lege Christianâ tenemur obligat nos Lex Mosaica; cur Iosue praestemus? sed à Lælio, contra ipsius mentis explicato. Mirum, Læli, nî iubes ad fœdus respondere? imò mirum si iubeas? tam mis est argumentatio, falsa in illo omnia recedens, & consequens.

II. Argumentum è Triariorum manipulo validius est, maiores lacertos gerit, sed non plus cerebri: Audiamus. pag. 52. in hunc modum Philosophatur.

Sicut erat constituta Synagoga, in cultu diuino, regula Fidei, ita & Ecclesia Christiana, talis regula, est constituta. sed regula Fidei, in Synagogâ, fuit scripta, & ita quidem, ut nec augmentum, nec decrementum admitteret. Ergo etiam Ecclesia regula, hac lege scripta existit.

Respondeo, & Propositionem aliàs imbecillem, integram relinquo: Assumptionem verò, quam iam diu negamus, non admitto; utròque pede illa claudicat; neque enim verum est, scripturam vel esse, vel fuisse vniuersalem, ac solam Fidei regulam, siue in Vetere, siue in Nouo Testamento; neque verum est, etiam quoad articulos Fidei, scripturam augeri, minuique, non posse: nam & multi articuli in scripturâ non sunt, esse tamen possunt, Ecclesiâ volente, & quidam in scripturâ fuerunt, esse desierunt, de suffocatis, Idolothytis illicitis, in Nouo, in Vetere, de Circumcisionis effectû, & alij multi. Itaque non probat Lælius suam regulam, nam etsi leges diuinas rem publicam concernentes, scriptas fuisse probaret, non euinceret tamen, omnes Fidei articulos, scriptos existare, de legibus,

gibus, & Præceptis solùm diuinis, de his loquitur scriptura, à Lælio allegata.

§. III.

Responsum ad querelas Lælij

Ordinis turbationem, sentit iterum Lælius, & mallet methodo suâ me vsum fuisse. verò cum *Linguarium* scripsi, aliò cogitatu os diuisi; in publicum prodire mens mihi erat, neque capitulatim scripta tua refutanda dicatam habebam, ad Amicum, tibi etiam familiarem, à quo libellum tuum acceperam, uato calamo scriptitabam; summam libellus gressus, ordinem ego met mihi aptaui, eo filio, vt ostenderem scripturam omnino veram non esse, & homini bono, meliorem sententiam inderem, explicato communi Lutheri errore. Posteaquam autem confectum mutauit, mutauit etiam stilum; posses id eundem *dicij*, *Modio*, ac reliquis meis libellis docere, maus de Murænis cum Caligulâ triumphauit, quando de Numantiâ, cum Scipione notum est. Hac denique de causa ad I. & postremo cap. 6. quæstionem non responsum, videbitur enim non indigere, postquam enim articulus Fidei esse, nullâ scripturâ testatos, ostendi-

ostendi, nec te Iosue dicta intelligere, & D. Pauli calumniosè citare.

CAPVT II.

De II. quæst. Script. Loquentis, Vtrum Apostoli nihil extra dixerint, quàm quæ Prophetæ locuti sunt, & Moyses?

NON indiget lucernâ meus Diogenes, nimium videt in meridie, nec quod quærat habet, tam innube semper illi cælum aperit matutinus Diespiter. Producit itaque pro affirmante suâ sententiâ, S. Paulum, pronunciantem Act. 26. vers. 19. & seq.

Auxilio autem adiutus DEI, vsque in hodiernum diem sto, testificans minori, atque maiori, Nihil extra dicens quàm ea quæ Prophetæ locuti sunt & Moyses, si passibilibus Christus, &c.

Hinc velut ex Troiano equo, non paucae profiliunt controuersiæ, ad quas antequam accedo, moneo, id quod pag. 58. de me scribit Lælius, me docuisse multos numerari Fidei articulos, nec generatim quidem, & quasi in fundamento, in Veteri Testamento expressos, esse veritatem Prædicantem,

ticam, nullus enim articulus fidei adhuc fuit, quo non aliqua citetur scriptura, nullus adhuc est qui non habeat æquè fundamentum in Veteri Testamento, si fundamentum forma purissimi, Lælio teste, ibidem inuenit. Nos autem hoc loco non de dubiâ, controuersâ, aut obscurâ, ac genericâ loquimur, sed de clarâ scripturâ, de quâ, mea verba quoque intelligi uelimus. Nunc ad responsa Læliana gradum promoueamus.

Controuersia I.

Vtrum S. Paulus hic, de pluribus articulis quàm tribus testetur.

Succenset id mihi neganti, grauissimis uerbis Lælius, pag. 58. non tantum quòd D. Paulus ubique contrarius obstitam, sed quòd Paulinorum etiam uerborum non sine dolo malo, corruptor existam: eamque ideo sibi induit opinionem quod in *Linguario* legerit, in tribus dumtaxat Fidei articulis, S. Paulum, Veritatem Christianam, Prophetarum, ac Moysis testimonium comprobasse. Inspiciamus ergò tabulas, & quod D. Paulo in mentem fuerit dispiciamus. Percepsit uocationis suæ historiâ, in quâ v. 17. erepse enarrabat de populo, & gentibus in quas misisset

tur, aperire oculos eorum, ut conuertantur à tenebris ad lucem, & de potestate Satana, ad Deum, ut accipiant remissionem peccatorum, & sortem inter Sanctos, per fidem quæ est in Christum; subnectit ista Apostolus.

His qui sunt Damasci primum, & Ierosolymis, & in omnem regionem Iudææ, & Gentibus annuntiabam, ut pœnitentiam agerent, & conuerterentur ad Deum, digna pœnitentiæ opera facientes. Hac ex causâ, (quod & Gentibus annuntiabam) me Iudæi, cum essem in templo, comprehensum (supra cap. 21. v. 32.) tentabant interficere. Auxilio autem adiutus Dei, usq; in hodiernum diem, sto testificans minori, atq; maiori, nihil extra dicens, quam ea, quæ Prophetæ locuti sunt futura esse, & Moyses, si passibilis Christus, si primus ex resurrectione mortuorum, lumen annuntiaturus est populo, & Gentibus.

Quid hîc de doctrinâ pœnitentiæ, de conuersione ad Deum, de dignis pœnitentiæ fructibus, Apostolus, ex Moyse, & Prophetis à se dictum testatur? rō *nihil extra dicens* non ad superiora, sed ad sequentia refertur, nam si etiam superiora connectit posterioribus, necesse erit dicere S. Paulum vocationis suæ historiam etiam ex Moyse, & Prophetis probâsse. Non moueat

teLector, facilis ex Prophetarum effatis demonstratio pœnitentię, non nego inde vel non probari posse, vel à D. Paulo probatam non fuisse; hoc vnum nego, S. Paulum alterutrum hîc attestari; testis sanè non omnia quę loquitur testata cupit, verba enim testium solùm vim habent, quę testimonio inseruntur, tantum enim probat testis, quantum se probare velle dicit. At D. Paulus tantùm dicit, se, *si passibilis Christus, si primus ex Resurrectione mortuorum lumen annuntiaturus est populo & gentibus* nihil extra, dicere quàm ea quę locuti sunt Prophetę, & Moyse. Hęc enim est *spes* illa, de quâ accusari se dicit vers. 8. à Iudæis, freudentibus, non quòd pœnitentiam prædicaret, sed quòd prædicaret illam Gentibus etiam, & quidem in nomine Christi rediuiui: ideo etiam addidit *quid incredibile iudicatur apud vos, si Deus mortuos suscitatur?* Prædicari Pœnitentiam nihil noui erat Iudæis, præiuerunt Paulo multi pœnitentię, egregijque præcones, æquissimis Iudæorum aurbus auditi; & nec multò ante Christi prodromus, Ioannes in deserto, ad quem etiam accursus, contra quem nullę tales querimonię Iudæorum, nec ad Agrippam, nec ad Cæsarem; non ergo nocuit S. Paulo prædicata pœnitentia, quę ideo nec potuit defensionis suę apud Agrippam esse materia, nocuit tantùm *non credu-*

credulum fuisse visioni per quam testis resurrectionis constitutus, missus erat aperire oculos Iudeorum ac Gentium ut acciperent remissionem peccatorum, & sortem inter sanctos, per fidem quæ est in Christum. Hac de causa cultro destinabatur, immerito quidem, ut apud Agrippam causabatur, nam & Prophetæ, & Moyses hæc ipsa, de Passione, Resurrectione, Gentiumq; vocatione testabantur futura, quæ ipse testis, facta dicebat, & Iudæi agrè audiebant. Hæc igitur quia Iudæis grauiora erant auditu, intellectu difficilia, toleratu iniqua, Paulus Agrippæ verisimilia, & tantis testimonijs certa reddere conabatur: alia probatione non egebant, nec testimonio illi inserta, licet præmissa, fuerunt.

Controuersia II.

Utrum ex his verbis S. Pauli constet, omnes Apostolos, omnia ac singula Christiana dogmata, ex V. Testamento probasse?

HOc est quod pag. 55. *Linguarij* negauit, adductis id genus pluribus consequentijs, eiusdem æris, ac notæ, malis enormiter & puerilibus: nec eam mihi adhuc exemit mentem, in

Clave suâ, Lælius; quid enim ad meas illas spondit consequentias, quod palinodiam me persuaderet? quid expectas Lector respondere non solet ad consequentias Lælius respondere nihil respondit; perillum adhuc pares sunt, quales ostendî esse, & malæ omnes. respondit tam si respondere est, præterito aduersario argumento, oppugnatam thesin confirmare, vel explicare. Vide, Deum bonum, Lector, pag. 6 probat Apostolos omnes, singulos articulos dei, Pauli exemplo, paucos ex V. Testamento stabilientis ex eodem probasse. ostendit istud verò etiam ex ipsâ scripturâ.

I. Probatio.

Ex Ioannis cap. 20. Vbi disertè recitat, præcipientis hoc Christi, verba; dixit enim Apostolis vniuersis, Thomâ excepto, *Pax vobis, sicut misit me Pater, & ego mitto vos. Accipite Spiritum sanctum, quorum remiseritis peccata remittuntur eis, & quorum retinueritis, retenta sunt.* Quid ridet Lector? Christum hîc præcipere Apostolis, omnem suam doctrinam, demonstrent ex Scripturâ Veteris Testamenti? credite hoc Lutherani, habetis hic claram Scripturam, sed quid minus credatis, habetis clariorem hîc imposturam: ex qua vis Scripturâ quiduis probabimus si hoc ex istâ velimus, Ostende miserande Prædicantem

dicantem

dicans, omnia quæ Paulus dixit, fecitque, Christi mandato singulari, dicta, factaque à Paulo, & quod enormius est, ea quæ D. Paulo à Christo mandata sunt, pertinuisse etiam ad omnes Apostolos? probabis sanè nullum Apostolorum missum ad Baptisandum, *non enim misit Christus S. Paulum Baptizare* 1. ad Cor. 1. Acceperint Apostoli idem mandatum, nō ideo omnia quæ fecerunt, illis mandata fuerunt, aut quod vni mandatum, mandatum omnibus: certa quædam omnes attingebant. Ego verò exspecto, hoc mandatum, in Scripturâ, non in tuâ, Læli, consequentiâ.

I I. Probatio.

Ex Matthæo, cap. 28. *Docentes eos servare omnia, quaecumque mandavi vobis.* Ergo ait eadem docere iussi sunt. Nemo negat; eodem modo iussos probandum est, eadem ex Scripturâ V. Testamenti docenda fuisse Apostolis, doce Læli, sed ex Scripturâ. qui hoc in his verbis videt, videt profectò ea, quæ non sunt, tanquam ea quæ sunt. Sed ita comparatum est hodie, vt multi quidem laureati, pauci tamen sint Phœbi: ex Scripturâ omnes Prædicantes probant, parum probè omnes. Videmus in Lælio, cui nec Scriptura Matth. 28. cap. nec consequentia respondet; est enim rudis, indigestaque moles, monstrum

strum horrendum. Eadem docere iussi sunt; Ergo eodem modo.

III. Probatio.

Ex D. Paulo ad Gal. I. v. 8. *Sed licet nos, aut Angelus de calo, Euangelizet vobis, praterquam quod euangelizamus vobis, anathema sit.* Obstupeſce Lector os horum hominum ! probandum est Pauli exemplo, dogmata Christiana debuisse Apostolos, ex Scripturâ V. Testamenti docere, corrumpenda igitur Scriptura fuit, aliter probari cum non potuerit. Fecit hoc gnauiter Lælius eâdem pag. 60. ait enim. *So verſtuecht Paulus, alle die jenigen/welche das Euangelium predigen anders/ als er gepredigt hat.* Gal. I. v. 8. ô Stropham ! Scripsit Apostolus *praterquam quod*, interpretatur Lælius *praterquam quomodo*: pro aliud, substituit aliter, pro re ipsâ scilicet, modum rei : nouit quippe tendere versum, & verba sibi cudere oportuna ; vt enim S. Paulus testetur, omnes Fidei articulos, Apostolis ex Scripturâ V. Testamenti probandos fuisse, fulminantem fingit Lælius, omnes, quæ alio, quàm ille modo idem Euangelium essent predicaturi: ideoq; dicit, *welche das Euangelium predigen anders/ non autem welche ein anders Euangelium predigen.* Quam autem in Ecclesiâ tempesta-

pestatem non conflat, hac interpretatione Lælius? ista sanè feriunt summos fulmina montes; qui non scripserunt Apostoli, quia aliter Evangelizârunt, non per epistolas, & sermonem, S. Pauli exemplo, tanguntur. qui Evangelia sola scripserunt, aliter euangelizarunt, anathema fiunt. In tuum etiam caput, parata ruina est, Læli. tu ex Noui Testamenti Scripturâ Evangelizas, nulla talis adhuc in Ecclesiâ agnita fuit, pro verbo Dei, S. Paulo viuente, aliter ergo tu Evangelizas, Anathema es. Et quis denique, ac sub quâ vituli marini pelle, securus aget, ab hoc fulmine? quis per omnia cum D. Paulo idem erit, & nunquam in eadem doctrinâ proponendâ alius? ipsum D. Paulum, hodierni dies, alium facerent, & sui anathematis reum. Non igitur D. Paulus, sed Lælius ista nugatur. S. Paulus anathema in eos intorquet, qui aliud, aliam doctrinam, contrariam Euangelio suo siue per sermonem, siue per epistolam tradito, disseminant. Non est autem alia, ne dicam contraria, D. Paulo doctrina, illius, qui Christum rediuuium, aliosque Fidei articulos aliunde, quam ex V. Testamenti Scripturâ, euangelizat.

Et tamen clara semper Lælio est Scriptura, in quâ dum reperit omnia, se aliosque suos perditè perdit omnes.

Con-

Controuersia III.

Vtrum Formã Baptismi, Veteris Testamenti Scriptura, contineat?

IN rem præsentem nunc imus, Lector, & omnes omnino articuli Christianæ Fidei Scripturâ *Vet. Testamenti*, tanquam in controuersiam conuenerint, quærimus inter illos formam Baptismi; articulus enim Fidei à Baptismo alius esse hanc esse scilicet, & non aliam formam Baptismi, sine quâ Baptismus conferri valide non possit. Hanc si in *V. Testamento* non reperiuntur, multum errauit Lælius, qui ex *V. Testamento*, singulos Fidei articulos, ab Apostolis fuisse demonstratos, ausus est hactenus asserere.

Ad hoc respondet Lælius, pag. 61. Falsè loquens. *Non est*, inquit, *forma Baptismi in Veteri Testamento quaerenda*. Itane vero? ibi non quaerenda, ubi inuenitur? repertam ibi contra Lælii, ab Apostolis, quos dicis omnia Fidei articula ex *V. Testamento* demonstrasse, & iam quærendam alibi quam in *N. Testamento*, ubi ubi sit, meam erat ostendere formam Baptismi non esse in *V. Test.* ostendi; vidit Lælius, & sine teste erubuit, falsusque est; v

verecundiam suam tamen solatus & ab infami silentio liberauit, responso; ait enim, à Prophetis, Baptismi fieri saltem mentionem. Verum.

Non hoc ista sibi tempus spectacula poscit:

Formam Baptismi, non Baptismum quaerimus, si satis foret nominato Baptismo in V. Test. affirmare, omnes de Baptismo controuersias, sub isto nomine, in illâ cōtineri Scripturâ, quid non è Scripturâ probari posset? Dicit Scriptura Christum esse, non ideo duas personas euincet ex Scripturâ Nestorius; neque Eutiches, vnam in Christo probabit; neque Arius, animâ cassum corpus habuisse ostendet: Christi tamen nati articulum in Nouo æquè legunt, atque tu, Baptismi instruendi in V. Testamento. Nihil his si prodest sua lectio, quid lucri facies cum tuâ?

Audi alia; neque ex Scripturâ Noui Testamenti, solâ, formam vllius Sacramenti demonstrabis. Verba formæ leges quidem, sed verba illa formam esse, nusquam in Scripturâ leges, Traditio, & Ecclesia, non Scriptura Loquens, hoc nos docuit. Dicit Christus, & ex illo Apostolus, *Hoc est corpus meum*, neuter tamen dicit, sine his verbis, Sacramentum Eucharistiæ, non posse confici. Ecclesia hoc dicit, illi huc vsque

vsque credidimus, absque aliâ Scripturâ. Christus *Baptisantes eos in nomine Patris, & Spiritus Sancti.* quis dicit hanc esse, & hanc, Baptismi formam? quis dicit sine his, non conferri Baptismi Sacramentum? ecclesia hoc dicit sola, huic huc vsq; credidit, absque aliâ Scripturâ. Quâ tu igitur rationem, quàm ex *Novo* non potes, probabis ex *Vetere Testamento*, Baptismi formam? Habes sanè, melius, satis argumenti, ut sententiam tuam defendasque palàm, Apostolos non omnia, e *Vetere Testamento*, docuisse: habes enim articulum Fidei, & quidem primarium, ad salutem necessarium, in nullâ penitus, ne dicam in *Veteris Testamenti* scripturâ contentum: ex quo ergo probâssent illum, Apostoli?

Controuersia IV.

Vtrum S. Paulus exemplo Christi præbuit omnes Fidei articulos ex scripturâ Veteris Testamenti?

Nec Christus hoc, nec Apostolus fecit. enim Fidei Christianæ dogmata, videntur in historiâ Euangelicâ, à Christo, in Actis, & Apostolis, à Paulo, & Apostolis lata, nullâ

pturæ *V. Testamenti* factâ mentione ? saluam tamen pag. 57. vt se hoc demonstraturum crederet, mouit Lælio Christus, Ioan. 5. vers. 38. cum ait. *Scrutamini scripturas, quia vos putatis in ipsis vitam habere, & ille sunt quæ testimonium perhibent de me.* Quid autem hinc demonstra- uit ? magnam Dialecticæ ignorationem, quâ à secundum quid, vt aiunt, ad simpliciter sic ar- gumentatur. Scriptura *V. Testamenti* testi- monium perhibet de Christo ; Ergò etiam de omnibus Fidei Christianæ articulis. quasi Io- annes missus vt *testimonium prohiberet de lumine,* singulorum quoque Christianæ Fidei articulo- rum testis exstiterit ? idem sanè illum fecisse, scriptura Ioan. 1. testatur, quod de scripturâ Christus, Ioan. 5. dicit. Et potest utique testi- monium perhiberi de Christo, tacitâ illius do- ctrinâ : potuisse docent in scripturâ multi, ipsa etiam *Demonia, clamantia & dicentia, quia tu es Filius DEI.* Lucæ. 4. & cap. 8. *Quid mihi, & tibi est, IESU Fili DEI altissimi ?* Confirmat insu- per Lælius eadem pag. 57. quæ dixit, ex scriptu- râ, in quâ legit Christum compleuisse *omnia quæ scripta erant de illo ;* & claritate scripturæ huius illustris, victoriâ exultans, vel hinc, ait, liquet, omnia de Christo, ex scripturâ *Veteris Testamen- ti,* probari posse, omnia enim de se scripta com- pleuit Christus. Sed numquid, mi homo, non

G

potuit

potuit præter illa quæ de se scripta compleuit Christus, etiam quædam non scripta facere, dicere? Ad pharmaca potiùs, quam figuram Galeni, hæc pertinet consequentia;

Christus fecit omnia, quæ in sacris voluminibus, de ipso, scripta erant, omnia ergo quæ fecit in sacris voluminibus erant scripta.

Canes ceperunt omnes ceruos, qui in venatione hesternâ erant; Ergò omnes cerui, erant in hesternâ venatione. Lælius legit omnes libros Anno superiore Norimbergæ impressos; Ergò omnes libri, quos legit, erant Norimbergæ anno superiore impressi. certè Linguarium meum reclamat.

Quid affingis ergò Christo, Prædicans, vel Apostolis, cum nequeas ex scripturâ, alioue argumento, ostendere, scripturam *V. Testamenti*, omnem Christi doctrinam, continere? accepit Christus, & Apostoli, ex scripturâ, ea quæ in scripturâ non erant? hoc videris velle; aut, quid aliud probas? te scripturam non intelligere, & malè explicare; de quo Galenus verius, quàm de Mose dicat, Lælius multa dicere, pauca probare.

CAPVT III.

*De Ill. quæst. art. VI. Script. Loq. V-
trum Apostoli ea tantum docere iussi
fuerint, quæ hodie in Biblijs le-
gimus?*

OPinatur Lælius humeris se *Scriptura* ex om-
nibus Fidei controuersijs, velut olim Ro-
manum Oratorem, humeris Reip. in Patriam,
ab exilio, reportari: Sed varices dum Vatinius
contemplatur, gestari posse nostrum, tam va-
ricosum Ciceronem, pernegat, qui tamen si Ve-
ritatis se hexaphoro saltem portari credit, ta-
men ceu

Pauper Aristoteles cogitur ire pedes.

Multum sanè errat, & nec Scripturâ, nec
Veritate succollante, è controuersijs exitum
quærit, sed quasi Minotaurum inuestigaret, si-
ne filo Labyrinthum, nunquam rediturus in-
greditur, nisi veræ opem Ecclesiæ tandem in-
clamet. Vide amabò, Lector; errasse illum in
Script. Loquente, dum Apostolos imperatos, ma-
nere in doctrinâ Christi, seu quod illi idem est,
non alia, quàm quæ hodie scripta sunt, docere
debuisse affirmabat, monstraui in *Linguario*; iam
G 2 verò,

verò, dum in *Clauē* suā cap. 3. pag. 62
sponsitat, in multò crassiores præci-
res; demonstrabo, vt nōris Lælium
Scripturę humeris, sed in errorem
efferi.

§. I.

*Vtrum Matth. 28. v. 20. Aposto-
lū illa, quę hodie scripta sunt,
di mandatum acceperint.*

EXplosi in *Linguario* cap. 10. ridicu-
la consequentiam, quam exsculpsi-
thæo Lælius: & quis enim uero non
dentibus, tam comicas nugas, qui au-
bis Matth. 28.

*Docentes eos seruare omnia, quęcum-
que vobis.*

Præcipi Apostolis, illa duntaxat v-
quę hodie scripta sunt, & non alia. o-
vel ad Scripturam respexerit hīc Chri-
probari nequit; vel in Scripturā omni-
mandata sint scripta? Neutrum verum
trum hæc Scriptura testatur, neutrum
reperies Scripturā, neutrum Lælius
Audiamus nunc in *Clauē* suā respond

I. Responsum.

Non requirit, ait, pag. 68. ut omnia, mandante tunc ista Christo, extiterint scripta; extitisse postea esse satis.

Errat Lælius I. quia persuadet sibi, ea tantum quæ postea scripta fuerunt, fuisse Apostolis à Christo mandata, ut ubique gentium docerent, & non alia. de quo paulò post.

Errat II. nisi enim ostendat Christum loqui de mandatis, vel scriptis, vel scribendis, non probat Apostolis mandatum, ut tantum scripta, vel scribenda docerent: hoc ex mandantis verbis est demonstrandum. non temerè affirmandum; possunt enim mandata Christi esse, & nec scribenda, nec scripta esse.

II. Responsum.

Omnia, ait pag. 70. esse scripta, quæ Christus prædicanda Apostolis mandavit: datam enim illis non *indefinitam*, sed certam, ac perfectam legationis suæ instructionem. Matth. 28.

Errat I. quia potest esse certa, ac perfecta legationis instructio, absque vlla Scripturâ. Ità è coelo missus est Gabriel, utiq; absque Scripturâ, non sine instructione tamen.

Errat Lælius II. quia multa adhuc habuit ipsis dicere Christus, quæ tunc non poterant portare, &

à Spiritu sancto erant cognituri; non erat ergo integra instructio adhuc, sed mandatum indefinitum.

Errat III. ait enim pag. 70. istud Christi mandatum absolutum esse, ac plenum, cum sit Euangelium, Marco teste, ab Euangelistis conscriptum. Quanta audacia, DEVM bonum! Certè Christum ad illa quatuor Euangelia respexisse, vt mandaret ne ab illis, tanquam à doctrinâ suâ, recederent sed illa promulgarent, incredibile est, probari non potest. Nec verisimile est, imò falsum etiam apertè, Marcum, (vt ait Lælius, hoc loco) per Euangelium illa nostra quatuor indigitasse, quæ tunc non erant omnia; Lucas enim necdum, cum ista scribebat Marcus, manum tabulæ admouerat, necdum cogitabat id Ioannes, cuius Euangelium, Marco nec visum quidem. Et quid necesse tantâ ludificandi homines operâ? mandata, & doctrinam Christi oportet esse scriptam, ideo fingendum, fallendum, &c?

Intellexerit autem Marcus, cum ait, *Prædicate Euangelium omni creatura* Euangelia quatuor, quæ tunc non erant, non ideo omnem Christi doctrinam continebit istud Euangelium, neque enim omnem Christi doctrinam habemus ab Euangelijis, multa D. Pauli Epistolæ, multa Traditio nos, de doctrinâ Christi, docuerunt, quò-

quorum nulla in Euāgelij mentio, nisi talis, qualis in V. Test. est formæ Baptismi. Quid ergo Marcus per Euangelium? Doctrinam Christi, integram, (quæ tunc quidem scripta non erat, cum Christus mandatum Apostolis dedit, docendi omnes gentes, & prædicandi Euangelium omni creaturæ) iam verò partim scriptam, partim non scriptam habemus. Atque hæc est plena instructio, illa, quam tu in solâ scripturâ legisti.

III. Responsum.

Ad ea quæ in *Linguario* pag. 29. & 62. obiecti, non prohiberi idcirco Apostolis, quominus etiam à Christo viuo, non audita (saluo hoc Mandato Matth. 28.) vel ab illo, iam cælite, vel à Spiritu sancto accepta, diuulgent; sicut qui iubet Catonem prandere, non ideo vetat cænare; qui iubet honorare patrem, non prohibet honorem Matris; qui Consuli Onoldino credendum ait, non negat fidem Lælio; qui ex herili sacciperio aureum vnum erogare imperat, non vetat vel ex eodem aliàs, vel simul etiam ex alio, esse liberalem; ad ista inquam respondet pag. 73. responsi summa hæc est;

*S. Paulum non potuisse de suo quidquam addere,
ad doctrinam Christi.*

Nugę sanè splendidae. Errat I. quia argumenti neruum non tangit quidem, sed quod moris Prædicantici est, ab eo à quo premitur, abstinet, ne Camerinam moueat, sibi que in salebrâ hærenti, suâ confessione, faciat inclementer; ideo & Lælius aliò Lectorem abducit, atque in *similitudine*, solum pedem insectatur claudum, illique fit Aristarchus, cui Podalirium esse oporteret. Itaque non hoc nunc ago Læli, non dico Paulum de suo promum esse posse, in eâ parte claudicat, sicut omnis, ita & mea similitudo; cõstitutum his exemplis erat declarare, Apostolos hoc mandato, non adstrictos, vt ea solum, & nulla insuper alia dogmata, quàm quæ à Christo, in cælum nondum reuerso, acceperant, docerent; sicut eo mandato quo Cato iubetur prandere, non prohibetur cænare; quo certam seruus, in paupertinam tribum, pecuniam spargere iubetur, non prohibetur etiam alia erogare. proscribo igitur, ex verbis Matthæi, interdictum, quod toties mihi inculcari audio: de cæteris nulla mihi, iam nunc, est curatio.

Errat II. quia tacitè tacet, & nec verbulo, ait, negatue, Christum cælo redditum, Apostolis & Ecclesiæ noua dare mandata posse. quid ita? videt negari hoc non posse, confiteri erubescit; teneretur enim conuictus, si auctarium,

iam

iam scripta Christi doctrina, admitteret non scriptum.

Errat III. ait enim, me cum scripturâ nugari pag. 73. iniuriam facit; nugari non est meum, sed cum scriptura nugantem Lælium demonstrare id mearum nunc partium duxi, qui ex scriptura tam ridiculas facit consequentias, quàm ego cum Catone, illius ad normam.

Errat denique quia scripturas iterum citat non intellectas, ad Gal. 1. aliásque, ex Nouo Test. contraria scripturæ illis duntaxat doceri prohibentur. Deuotio Apocalyptica ad Euangelia non pertinet, nec V. Testamenti minæ, ad Nouum, ut supra dixi.

IV. Responsum.

Ad obiectionem, quâ ostendi in *Linguario* pag. 29. potius ex Matthæo consequi, Mandata illa de quibus cap. 28. loquitur, esse Traditiones, quàm scripturam, cum scripto Christus Apostolis ne vnicum quidem iota tradiderit; respondet non fuisse meras Traditiones, sed in Prophetarum scriptis contentam Christi doctrinam, & non multò post in tabulas Evangelicas relata.

Errat Lælius, I. fatetur enim hoc ipso, antequam scriberet Matthæus, instructionem illam, Apostolis à Christo datam quàm mirè de-

prædicat, fuisse incompletam, obscuram, utpote in scriptis Prophetarum (quæ obscura fatetur pag. 13. 15. 16. *Scripturæ Loquentis*) contentam. Nec mandata Christi integrè scripta fuisse hoc ipso admittit, quod pag. 61. neget formam Baptismi in V. Test. quærendam. Nil restat igitur quàm ut mecum concludat, cum ante Matthæi Euangelium, non omnes articuli Nouæ Legis scripti extiterint, Christum Apostolis, Matth. 28. mandasse, ut Traditiones prædicerent, saltem aliquas.

Errat II. nam dicit, non multò post vulgaritas omnes Traditiones ab Euangelicis scriptoribus. Nec hodie quidem omnes scriptas esse, infra probabo, & de formâ Baptismi iam clarum est, ex prioribus. Ad hæc scriptura ista, mandato posterior, quid ad rem? cum mandatum fuerit tot annis executioni datum, scriptura autem non fuerit.

Errat III. Asserens Apostolos ex formulâ Euangelicâ, ab Euangelistis conscriptâ, prædicasse Euangelium; nam I. octennem prædicationem habemus, antequam Euangelium vllum extaret, illa igitur prædicatio, sine formulâ scriptâ fuit.

II. Apertè Veritatì contradicit, cum ait, Apostolos ab illâ regulâ Euangelicâ, quæ scripta erat, omninò non recessisse: nam Euangelium

lipum Ioannis nullus, propè Apostolorum vidit, quomodo nullus ab illo scitur recessisse? Deinde nec constat, nec probari potest, nec verum est, ex scripturâ, *Euangelia*, *tempore Apostolorum*, *habita fuisse pro Verbo DEI*, scripturam sacram, pro Regulâ fidei, à quâ nec latum vnguem discedere vlli concessum fuerit. Hoc proba Læli, & eris mihi magnus Apollo.

§. II.

Quàm probabiliter Lælius S. Matthæum cap. 28. vers. 20. explicet?

EX Scripturâ scilicet, Scripturam: nihil melius, si bene. Vnus hic labor est Lælij, ut ostendat, ab his. (quæ apud Matthæum legit, Apostolis mandata) non declinandum villo modo; pro instructione siquidem habet, mandata illa, Spiritus sancti suggestionem, in codicillos relatâ: In quo diuersi sumus, agnoscimus enim, scribentis Dei digitum, sed nō scribentis instructionem plenam, omnibûsq; numeris absolutam; neque enim videmus omnia esse scripta, neque credimus nihil ab ascensu Christi in cœlum, amplius dictari Ecclesiæ, à Christo, per Spiritum sanctum, potuisse: neque Lælius ex
Scri-

Scripturâ id docere potest, conatur quidem; audiamus.

I. Argumentum Lælii.

Ex Ioanne cap. 8. v. 31. petitur, vbi Christus, *Si manseritis*, ait, *in sermone meo, verè discipuli mei eritis*. Ergò Apostolis, in prædicatione verbi diuini, mandatum, vt à Scripturâ non recederent. Supponis credo Læli, sermonem Christi, esse solam Scripturam? nimis mechanicè. Manserunt Apostoli in sermone Christi octo ipsis annis, antequam aliquid Scripturæ lucem adspiceret: postea scriptum sermonem Christi fingis tantùm, sed probandum est, sermo enim Christi in Scripturâ quidem est, sed integer in illâ non est: integer fuit ante Scripturam in solâ Traditione, in illâ adhuc esset, nisi quædam, *de omnibus quæ cœpit Iesus facere, & docere scripta fuissent*: proinde iam partim scriptus, partim non scriptus, in Ecclesiâ existit.

I I. Argumentum.

Iterum ex Ioanne, quem cap. 1. Epistola 1. clariorem autumat esse Matthæi interpretem, nam *quod vidimus*, ait, *quod audiimus annuntiamus vobis*. Heus Læli, ne quid nimis; ne præcipita; quid dicis? quid concludis? hoc fanè, si pro
te sta-

te stabit Ioannes; sed tantum vidimus, tantum audiuius illa quę iam scripta sunt; Ergo tantum illa annuntiamus. Habet hic Lælius quod quærit, plenam instructionem, mandata Christi, scripta omnia, præter propositionem tamen omnia falsa. Argumentum sanè, ne teruncio dignum hoc est. Ait Ioannes clarè, *Clarè* inquam Læli, sed non Lælianà, seu Prædicanticâ claritate, se quę viderat, quę audierat annuntiare; hoc est; nihil annuntiare quod non viderit, quod non audiuerit, & Lælius dicat, Ioannem testari se omnia quę vidit, & audiuit annuntiâsse, in his quos scripsit libris? de Ioanne affirmat ista Lælius liberè, pag. 65. ex his verbis? sed contra Ioannem aperte. Numquid enim omnia quę vidit, audiuitq;, negat disertè esse scripta? *Multa quidem & alia signa fecit Iesus, quę non sunt scripta in libro hoc.* Visa tamen, & audita Ioanni. & cap. 21. *Sunt autem & alia multa quę fecit Iesus quę si scribantur per singula, nec ipsum arbitror mundum capere posse, eos, qui scribendi sunt libros.* & audeat Lælius interpretari Ioannem, quasi visa, auditæque omnia, ipse se scripsisse asseueret? plura viderunt Apostoli, quàm scripta sunt, teste Ioanne, qui negat omnia scribi posse. Assumptio ergo, & consequentia tua, tam falsa est, quàm vera Propositio.

III. Ar-

III. Argumentum.

Victoriam Lælius denique quærit in Lucâ; & reperisse etiam videri vult; ait pag. 67. Ex Lucæ cap. i. v. 4. Scriptum Theophilo Euangelium; *ut haberet fundamentum totius doctrinæ Christianæ, non quarundam duntaxat partium.* Hinc deducit totam Christi doctrinam scriptam esse, atque adeò Apostolos tantùm quæ scripta sunt, docere iussos.

Respondeo commentum Lælij esse, quæ de Lucâ profert; nisi per fundamentum totius doctrinæ Christianæ, præcipua capita illius, ad salutem, & non ad plenam doctrinæ Christianæ, articulataque cognitionem necessaria, intelligat; sin autem & hanc complecti velit, nullum tale fundamentum, in quo articulos fidei omnes, clarè collocârit, scripsit Lucas; qui non fundamentum doctrinæ, sed historiæ Christianæ, non Catechesin, sed fastos, & ephemerides quodammodo, sua scripta esse voluit; conatus est enim *ordinare narrationem, quæ in ipsis completa sunt rerum* non doctrinarum nisi quatenus cum rebus, ac historiâ Christi, coniunguntur. Quî sit autem, mi optime Læli, quòd memoriam tuam fugerit vocabulum istud Lucæ, *et rerum?* cur pro illo *doctrinarum* ordinasse narrationem scribis, tam audacter? illud scilicet

non

non erat de pane lucrando? hoc tamen decipiendo Lectori erat opportunum.

Et pergisti deducere adhuc, ex his Lucæ verbis, omnem Christi doctrinam à Lucâ esse scriptam? Neque res quidem quarum narrationem ordinavit, à Lucâ omnes esse scriptas noveris. Nimis ea multa sunt, quæ fecit, scribi ea posse, negat Ioannes, cap. 21. Si scripta sciuisset à Lucâ, (sciuisset autem utique, si scripsisset Lucas omnia) nec Ioannes scripta multa nimis causatus fuisset, nec tam caluè se excusasset. Lucas ergò scripsit omnia moraliter, non Mathematicè, totam vitam Christi complexus quoad præcipua; nam neque tu dices Lucam de cæco nato, Ioan. 9. vel de Samaritana historiam scripsisse, tametsi narrationem rerum quæ in ipsis completæ sunt ordinârit.

Quid ergò probâsti, his tribus argumentis, Læli? te insignem esse sacrorum voluminum, interpretem (an corruptorem?) qui quæcunque somnias hodie, cras in Scripturâ legere possis; tam dexterè quidem, ut nisi tam crasse deciperes, nemo animaduertet.

CAPUT IV.

*De IV. quæst. art. VI. Script. Loq. V-
trum Episcopis, omnibusq; sacri Evan-
gelij Oratoribus, Verbum Dei, seu
sola Scriptura, pro normâ
sit?*

Quo magis scripta tua volo, hoc magis in-
mentem mihi venit Aristippi, maleloquē-
tiam cuiusdam damnantis, votum; optabat e-
nim inficere illi, ut linguæ suæ tam dominus es-
set, quàm ipse erat aurium suarum. Eodem ego
te voto prosequi compellor, Leli, nam toties
audio, ex optimâ Scripturâ, pessimè te loquen-
tem, ad obiectiones meas semper aliena respō-
dentem, & antiquas tantum cantillantem per-
petuò nantias. Pag. 40. & 41. respondi tibi ad
hanc quæstionē, & ecce redis cum eadem lyrâ;
vis denuo audire, te esse malum Philosophum,
Scripturæ parum fidem interpretem? repetam
igitur, ausculta.

*solam Scripturam esse Verbum Dei, & normam
Catholicæ doctrinæ, Lelius, & qui Scriptu-
ram non intelligunt, malè probant.*

I. Ex S. Paulo, ad Titum 1. v. 9. vbi iubetur amplecti *eum qui secundum doctrinam est, fidelem sermonem*. Lyræ; solam ergò Scripturam? & Traditio est secundum doctrinam fidelis sermo; fuit, cum Scriptura nondum fuit.

II. Ex eodem 1. ad Tim. 4. v. 6. vbi legunt *verbis Fidei, & bonæ doctrinæ enutritum* Timotheum. Solâne scripturâ? *verba Fidei, & bonæ doctrinæ*, antequam scriptura N. Testamenti esset, in Traditione solâ fuerunt, adhuc sunt.

III. Iterum ex D. Paulo, epistolâ 2. ad Tim. cap. 3. vers. 14. vbi iubetur *permanere in ijs quæ didicit, & credita illi fuerunt & quia ab infantiâ sacras litteras novit*. Quid postea? quæ didicit, & credita fuerunt Timotheo, noui Euangelij dogmata, *Traditiones* fuerunt, nulla enim tunc, quæ pro Verbo DEI haberetur, Noui Testamenti scriptura fuit in Ecclesiâ. vbi enim promulgata? à quo, Scripturæ Veteris Testamenti, vel accensa, vel æquiparata? doce similia ex Scripturâ Læli. Epistolas S. Pauli legis apud S. Petrum scriptas, tantum autem legis in illis esse quædara difficilia, non legis esse verbum DEI. Litteræ porro (quas novit ab infantiâ) ad Vetus Testamentum spectant, quod vtrique, pro normâ solâ Fidei, non agnosces.

IV. Audijs à D. Petro, Scripturam esse *utilem ad docendum, arguendum, &c.* si concludit

H

solam,

solam, errat; nam & *Traditio* ad eadem utilis est: non solâ scripturâ de quo infra.

V. Lucę 1. ex scripturâ dicitur cognosci veritas. Sed etiam ex *Traditione* cognosci veritatem, docent qui Euangelia conscripsere: & Lucas cap. eodem testatur, se veritatem ex *Traditione* cognouisse.

VI. Ait pag. 79. Christum quidquid docuit, quidquid fecit ad complendam scripturam fecisse omnia. quâ hoc Læli? quam scripturam compleuit Christus cum didrachma, à pisce exegit? cum porcos in mare demersit? cum, quæ antiquis dicta non fuisse ipse testatur, irasci vetuit, cum oculum pro oculo, talionem poscere, prohibuit, cum diligere iussit inimicos? Matth. 5. quam scripturam impleuit, cum prædixit Spiritum sanctum non venturum, nisi ille abierit. Ioan. 16. quam scripturam impleuit cum orationem Dominicam docuit? Sexcenta imò alia facta, dictaque Christi, quænam prædixit scriptura, ut eam Christus impleat? Multa prædixit, Scriptura, illa compleuit omnia, non omnia tamen quæ fecit, docuitque, scriptura prædixit; & tamen meus Philosophus, ex multis quæ prædicta videt, concludit prædicta omnia? ne putidam nucem, pro hac consequentiâ, duim tibi.

Atque hæc quæ dixi, neque contra Lucam dixi-

dixi, neque contra Ioannem, neque contra Paulum, nec denique contra Christum, vt pag. 81. vanè affirmas : neque enim isti, omnem Christi doctrinam, scriptam asserunt; tu ex particularibus, hæc vniuersalia concludis. quædam scripsit Lucas, quædam tantum, vt ipse fatetur, Ioannes; quædam probauit S. Paulus ex Prophetis, quæ scripta erant Christus impleuit, Ergo omnia scripta erant quæ fecit, docuitque IESVS?

CAPVT V.

Eiusdem quæst. deductio. Utrum Fidelis sermo, sola sit scriptura?

Vide Lector, pulchram probandi, respondendique rationem, in meo Lælio, & vna mecum demirare, Diogenem etiam mucidi panis cœnatorem, reperisse parasitos; habere inquam Lælium, qui tam ἀλογα dicta, tanquam varum oracula, exosculentur.

Controuersia nobis est de hoc S. Petri, 2. cap. 1. pronuntiato; *Habemus firmiorem Propheticum sermonem, cui bene facit attendentes, tanquam lucernæ lucenti, in caliginoso loco.* & simili D. Pauli dicto 2. ad Tim. 3. *Tu verò permane in ijs quæ didici-*

H 2

cisti;

cisti, & credita sunt tibi; & quia ab infantiâ sacras litteras nôsti, quæ te possunt instruere ad salutem &c.

Ego de solâ Scripturâ S. Petrum loqui non nego, absolutè siquidem de solis loquitur Prophetijs, nego tamen de solâ Scriptura S. Petrum loqui, cum exclusione omnium aliorum, ita vt nihil velit esse lucernam nisi scripta Prophetarum, de quibus solis loquitur. Eâdem ratione aio Scripturam, cum D. Paulo, erudire ad salutem &c. nego solam erudire. Contraria sentit de huius Scripturæ intellectu Lælius, solâ Scripturam esse lucernam, solam ait erudire, quidquid scriptum non est, lucerna illi non est, erudire non potest. Vnde probat? ex hac ipsâ, de quâ inter nos controuersamur, Scripturâ; in quâ, quàm certum est, illam de solâ Veteris Testamenti Scripturâ loqui, tam certum est, illam alias, Noui scilicet Testamenti Scripturas, & Traditiones, tunc adhuc solùm regnantes (Ecclesiâ nullam adhuc, præter Prophetarum, ac Veteris Testamenti Scripturam, pro Verbo Dei agnoscente) non exclusisse. Prius rectè quidem pag. 86. in Scripturâ ait clarum esse, posterius neque si Nestor fiat, ostendet. Mouetur autem Lælius non modicis momentis, & argumentis, vt quasi in sententiâ suâ impetritus, dimoueri nequeat.

I. Ra-

I. Ratio.

Timotheus, ait pag. 87. iubetur in Scripturâ permanere; Scripturâ ergo solâ vnicâque regula est, doctrine Christianæ.

Respondeo. Non iuberi Timotheum in solâ Scriptura permanere, sed in ijs etiam quæ didicit, & credita ipsi fuere: hæc non sunt solâ scriptura; eris aliquis si probaueris esse.

II. Ratio.

Scriptura utilis est, ita quidem, ut homo Dei, perfectus fiat ad omne opus bonum instructus; Ergo Scriptura continet perfectam, ait pag. 88 informationem.

Respondeo. Ex panno fit vestis, ex ligno calidum hypocaustum, ad hoc enim utilis est pannus, vile lignum; non ideò pannus solus vestire, nec solum lignum calefacere potest: aut ad vestiendum, calefaciendumque omnia, sunt pannus, & lignum. vile est atramentum, ad formandas litteras, sed & calamus scriptorius, tota scribendi ratio, in atramento solo, non consistit. Vide Læli quàm inutilis tibi sit ista, scripturæ utilitas?

Ratio III.

Quemuis Christianum certum esse in fide oportet, necessarium illi igitur erit, Verbum

Dei certum; hoc sola est Scriptura, teste Lucâ cap. i. v. 3. & Lælio pag. 88.

Respondeo solam scripturam esse Verbum Dei certum, non Lucam, sed Lælium, quem non moramur, affirmare. certa sunt quæ scripsit Lucas omnia, non tamen omnia quæ certa sunt, neque solùm illa certa sunt, quæ scripsit Lucas; vnde enim certus fuit Lucas, qui nos de his quæ scripsit certos facit? an ex Scripturâ? ipse sanè horum suorum verborum veritatem, non ex scripturâ, sed auditione cognouit; ait enim, *sicut tradiderunt nobis, qui ab initio ipsi viderunt, & ministri fuerunt sermonis.* Habet ergo & Traditio suam certitudinem, non solâ scripturâ, idque constat ex eodem, quem pro solâ scripturâ citas, Lucâ.

Atque ita deniq; egregiè ostendit ista tam lepidarum rationum trias te nusquam minùs domi esse, quam in quâ perpetuò habitas, Scripturâ,

CAPVT VI.

De quæst. VI. art. VI. Script. Loq. Vtrum articulos Fidei Christianæ oporteat esse proscriptos, aut scriptos.

QUOD Romanus Orator de M. Cælio dictitare solitus est, auctore Macrobio, Satur. 2. quem pro se dicentem elumbem, contra alios, potentem sæpiculè animaduertebat, *illum dextrâ, quàm laeuâ esse promptiorem*; id ego de meo Lælio dicerem, nisi & ense, & clypeo impromptum, vtrâque adeò manu inuàlidum, tot modis cognouissem; neque enim contra me, neque pro se, feliciter perorat. Numquid verè hoc? iterum iudica Lector. Controuersia nobis est de Euangelio, de quo Apostolus cap. 1. ad Gal. ait, *Licet aut nos, aut Angelus de calo, Euangelizet vobis, præterquam quod Euangelizauimus vobis, Anathema sit.* Quod illud sit Euangelium quæro? Scriptum ait Lælius; Ego scriptum nego, pag. 43. & seq. in *Linguario*, his de causis. Non enim Apostolus loquitur de omnibus quatuor Euangelijs, tria siquidem tunc tâtùm extabant, quartum Ioannis, neque Paulus vidit. Non loquitur

H 4

de tri-

de tribus, damnaret enim Anathemate Ioannem, præterquam quod Euangelizârunt tres alij, Euangelizantem: multoque minus de vno, alteroque, aut de suismet tantum scriptis loquitur, scripta enim aliorum censuram Paulinam non euaderent. Si ergo neque de quatuor, neque de tribus, neque de vno, vel duobus tantum Euangelijs, neque de suis epistolis, Paulus intelligi potest, saluâ auctoritate reliquarum scripturarum, quæ tunc omnes simul nondum erant, nec intelligi poterant, quid superest nisi vt Euangelium illud de quo Paulus, dicatur esse Euangelium non scriptum, sed Apostolis à Christo traditum, à Paulo & Apostolis prædicatum? hodie quidem partim scriptum, partim non scriptum? contra hoc, & præter istud, qui sine auctoritate diuinâ euangelizat, Anathema est.

I. Responsum Lælij.

S. Paulum, ait pag. 92. intellexisse suam doctrinam, Galatis prædicatam; illam autem non aliam esse, quàm quæ in Scripturâ Euangelicâ, Ecclesiæ, ab Apostolis, est relicta.

Nullum responsum; exspectabam autem categoricum, vtrum doctrina S. Pauli, seu Euangelium, de quo ad Gal. 1. loquitur Apostolus, fuerit scriptum, tunc cum hæc scripsit ad Galatas?

tas? Si tunc iam fuit scriptum, Anathema est Ioannes, qui præterquam quod Euangelizauit Paulus, primùm postea & quædam singularia, scripto Euangelio, prædicauit. Si scriptum nondum fuit, nihil tibi responsum profuit, quædam enim non scripta, anathematis securâ, nullâ deuotione Apostolicâ damnantur. Postea scriptum fuisse, lucrosum tibi non est, hoc enim modo S. Paulus ad Gal. 1. ea quæ tunc scripta non erant, non reiecit, nec locutus est tantùm de Euangelio tunc scripto, cum ipsa eius doctrina scripta tunc nondum fuerit. Malè ergo citatum produxisti S. Paulum, & sententiam tuam hoc argumento meliusculam non fecisti.

II. Responsum.

Clariùs pag. 93. respondet, an errat? ait. Euangeliũ illud quod Christus prædicari mandauit, à Marco esse scriptum. Marci. 1. vers. 1. idque à D. Paulo Galatis Euangelizatum fuisse. Itaque vide quid responderis. Ille qui euangelizat præterquam quod Euangelizauit Marcus seu quod D. Paulus Galatis, *Anathema est*. S. Lucas ita Euangelizat, Ergo S. Lucas Anathema est; sed ex doctrinâ Lælij. Propositio est Lælij, pag. citatâ. Assumptionem declaro: S. Lucas enim Incarnationem, Natiuitatem, & multa alia, Fi-

dei nostræ Myſteria, quorum ne mentionem, fecit Marcus, euangelizauit; Ergo *præterquam quod* Marcus, & qui Marci Euangelium prædicauit Paulus, Euangelizauit Lucas. Ergo Lucas Anathema? anathema qui hoc docet.

Sed quâ fronte audes afferere, Marcum testari cap. i. v. i. se scripsisse illud Euangelium, quod Marci i 6. vers. 16. Christus iussit prædicari? quæ, & quanta oris hæc est licentia? non est integra Christi doctrina, in Marco, at integram utique prædicari mandauit Christus? quomodo ergo se scripsisse, quæ prædicari imperauit Christus, Marcus testabitur; & sciet se omnia non scripsisse? At partem scripsit? non probas ergo ex Marco, omnia scripta esse, sed partem, quæ tibi nihil prodest, Euangelium enim quod Christus prædicari mandauit, non pars est sed integra Christi doctrina.

III. Responsum.

Negat pag. 24. vilius Apostolici scripti. i. ad Gal. contineri damnationem. Mirum! tam ille suorum immemor est verborum? iam iam pag. præcedente dictitabat, illud Euangelium, de quo D. Paulus i. ad Gal. loquitur esse, Euangelium Marci. Si hoc est, damnatur Lucas qui plus scripsit, damnatur Ioannes, qui & ipse alia, à Marco, præsertim de æternâ eius genera-

nera-

neratione scripsit. Hi sanè, quia *preterquam quod Euangelizauit Marcus Euangelizarunt*, alias eadem tantum prædicassent, in libris suis, sunt ergo Anathema, teste Lælio. nam S. Paulus aliter, (quàm Lælius intelligat) scripsit.

Quod si porrò tua interpretatio, cum mente S. Pauli consentiat, ut *præterquam quod* significet *Aliter*, perierunt omnia quatuor Euangelia S. Petrus, & Apostoli ad vnum omnes, omnes enim *Aliter* seu alio modo prædicarunt Euangelium quam D. Paulus, & vel Anathema sunt, vel vno ore testantur, te de illorum numero esse, qui S. Pauli epistolas deprauant, indotum nempè, & instabilem.

Itaque non reijciuntur à D. Paulo omnia, quæ scripta non sunt, sed quæ in Euangelio, quod Christus prædicari mandauit, & Paulus prædicauit, non sunt; illud autem Euangelium, scriptum ex integro non est, ut testatur Ioannes cap. 20. & non dicit Lucas Act. 1. quos Lælius à se stare confinxit, ut supra ostendi

parte I. cap. 5. & 6. Itaque totum

hoc caput falsæ suppositio-

nî innixum,

ruit.

CAPUT

CAPVT VII.

*Fueritne necessarium omnes Articulos
Fidei Conscribere?*

NVllam esse, vel fuisse absolutam necessitatem, dixi in *Linguario*, pag. 9. argumenta mea dissimulat Lælius, & ad omnia alia, quàm ad ista, respondet; neque enim ad Christi, nihil istorum scribentis, nihil horum scribere præcipientis, auctoritatem, sat vocis domi habebat; multò minùs, sat illi firma constabant latera, ad variam quarumvis Scripturarum interpretationem, siue ad tam prolixam controuersiarum è scriptura quauis sacra & profana passim scatulentium materiam, absolute scribendi necessitati admodum aduersam, respondere potuit; neque satis tegi latus videt, ad validissimam illam petitionem, quod nullus eiusmodi dogmaticus liber, seu Catechesis, in quâ, capita Fidei Christianæ, ex ordine, & non quasi pertransennam, ac fortuitò quodammodo, prout cum historicâ narratione connectuntur, conscripta sint, ab Apostolis prodierit, è quibus absolutam scribendi Euangelij necessitatem, nullâ fuisse, meritò concludimus. Itaque quæ cap. 7. *claus* suæ pag. 94. respondet Lælius, pro necessita-

sitate, non valdè necessariâ, dicta sunt, argumenta mea non soluunt, sed ne præterita fuisset, Lector animaduertat, fumum spargunt, oculos ludificant.

CAPVT VIII.

*Vtrum Traditiones, post Scripturam
Ioannis, in Ecclesiâ exspirarint?*

CVM lego Cap. 8. posterioris partis Lælianę *Clavis*, videor videre picturam Apellis adstantem, & ultra crepidam disertum calceolarium; tam parum enim in illo Lælius, ad propositum, quàm parum Sutor ad eruditas Apellis lineas. Quid fatigas te, mi homo? quod tu pag. 99. ac deinceps responsitas, non pertinet ad meam quæstionem, nec ad mea responsa: neque enim quæstio est mihi, vtrum in cudentis doctrinæ Christianæ placitis, suæ spontis ad eò fuerint Apostoli, vt illorum numerum variare, arbitrato suo, ausi sint, vnde vnde illa accepissent. Hęc summa disputationis est, vtrum post absolutum vltimum Noui Testamenti librum, prohibitum fuerit Apostolis, quidquam aliud docere Ecclesiam, per solum sermonem quod in libris illis non contineretur? Deinde
cum

cum ante completos hosce, ex quibus hodie Nouum Testamentum constat, libros, Apostolici iuris fuerit, etiam absque Scripturâ quædam Fidei capita præscribere, quis illis tandem absolutis, in Nauiculâ Christi Pausarius, cessationem indixerit, & Traditiones, auctoritate omni spoliatas, in exilium ablegarit? Legisti, vir bone, quam pag. 13. *Ling.* adieci rationem? hanc nempe.

“ *Ipsum Christum, & Spiritum sanctum arctat,*
 “ *qui hoc in Apostolis adimit, qui si nul-*
 “ *lum alium Fidei articulum tradere po-*
 “ *tuerunt, nihil noui, vel Christus, vel*
 “ *Spiritus sanctus docere illos amplius po-*
 “ *tuerunt: adeoq; post absolutum S. Ioan-*
 “ *nis Euangelium oracula diuina obmutu-*
 “ *erunt. Hic Rhodus, hic salta;*

Non tace, multoque minùs quæstionem hanc, dolo malo, interuersam, & nouis vestitâ commentis produc; nemo nostrum dubitat Apostolis in concessum fuisse, Fidei Christianæ capita, ex suo capite exculpere, à Christo, & Spiritu sancto proficisci illa oportet: id vnum in dubio ponimus, vtrum absolutis Noui Testamenti libris, nihil amplius, vel Christus, vel Spiritus sanctus Apostolis dictare, nihil Apostoli quod in illâ Scripturâ non erat, ex isto fonte haurire, & in Ecclesiam transfudere potuerint? adhuc

adhoc nihil respondisti; hoc accuratè dissimulâsti, & ne viderère tacuisse, probare orsus es, quæ nemo improbavit, & nihilominus tamen, ut liquidam turbares aquam, non vno errore apertam Veritatem collutulâsti.

§. I.

Error Lælij, de mandato scribendi doctrinam Fidei, à Christo Apostolis dato.

Dixeram in *Linguario* cap. 6. pag. 12. & 13. Traditionum auctoritatem quæ in nascente Ecclesiâ, Christo adhuc nobiscum viuente, nondum scribentibus Apostolis, solæ regnabant, utique, Apostolis tantum scribere, vel riuos claudere iussis, sublatam fuisse; siquidem sine scripturâ credendos articulos proponere licitum non sit. Hoc ergo in præceptum, inquisitionem feci; & cum se in conspectum meum, quantumvis sollicitè scripturam pererrantis, non daret, opem mei in clamaui Lælij; sed & ab illo repulsus, cogor denuo Traditionum venerari auctoritatem, utpote antequam scriptura esset, probatas, postea à scriptura nusquam improbatas, & antiquatas.

Et licet Lælius pag. 102. tam Scriptionem, quam

quàm Traditionem, velit esse præceptam; & nec hanc ab illa, neque istam ab hac è medio tolli, aut impugnari etiam opinetur; errare tamen mihi, & Lectori graphicè illudere velle videtur. quid enim uero, Læli, est Traditio? articulus nonne Fidei, in scripturâ expressè nō contentus? quomodo ergò præcepta, abs te proferibitur? si non præcepta, quomodo præcepta verè dicitur? At videtur Lælius non de Traditionibus, sed de concionibus Apostolorum loqui; videtur ergò ad interrogata iterum tacere; videtur in oculis lusum, in re fucum facere Lectori, & pro Traditionibus, seu prædicatione articulorum Fidei non scriptorum, conciones, seu prædicationem articulorum Fidei scriptorum, de quibus nulla mihi est actio, substituere. Malâ fide istud, Læli, omine tamen non malo; ista enim ab instituto tibi tam familiaris deflexio, teneri te, & Veritati occultas dare manus conuincit.

§. II.

*Scripturæ de mandato scribendi
sed Læliana.*

INter leges XII. tabularum quæsisset, hoc mandatum scribendi, Lælius, nisi tam certò reperisset, in sacris Voluminibus.

I. Scri-

I. Scriptura.

Ad Rom. 16. Clarè, ait Lælius, pag. 102. dicuntur Prophetæ iussi scribere; Ergo etiam Apostoli. Dicis Prophetas obscurè Fidei dogmata scripsisse, pag. 13. *Script. Loq.* non dicis tamen hoc ipsum de Apostolis: quid ira? non agnoscis paria inter illos omnia, & tamen hic facis? Iussi scripserunt Prophetæ; Ergo etiam Apostoli? Non omnia scripserunt Prophetæ ad Fidem spectantia, Ergo etiam Apostoli? Formam Baptismi, verbi causâ, omiserunt, vt fatearis, Ergo & Apostoli? Voluerunt, & non viderunt Christum, Ergo etiam Apostoli? Apage cum huiusmodi consequentijs, puitam mouent.

II. Scriptura.

Pag. 103. Clariùs adhuc, ex luculentâ iterum Scripturâ probat, Apostolis, vt scriberent, mandatum fuisse. ait enim Und ist der befehl genug das 2. ad Tim. 3. vers. 16. steht. Das Alles Schrift von Gott eingegeben sey. Nimis liberalis es Læli, nam sic & fabulis Æsopi pondus diuinum appendes: Si enim *omnis* scriptura diuinitus inspirata est, & fabulæ Æsopi sunt scriptura, fabulæ Æsopi diuinitus erunt inspiratæ. O bellum scripturæ sacræ interpretem! ô cla-

ros ocellos qui in scripturâ legunt, quæ nemo scripsit! sed miseros ciues, & Rempublicam. Onoldinam, quibus specioso Sacre Scripturæ vocabulo, tot modis illuditur. Creditis Lælio, an Apostolo, ciues Onoldini? vtrique in hac causâ non potestis, contrarij sunt, aut admodum diuersi. Non scripsit Apostolus omnem scripturam diuinitus esse inspiratam, quæ Apostolus scripsit, Lælius dolo malo circumscripsit. audite Apostolum. *Omnis scriptura diuinitus inspirata, utilis est ad docendum.* Ergone rectè Lælius infert omnem scripturam esse inspiratam diuinitus? Omnis equus albus est utilis, Ergo omnis equus est albus. Omnis arbor bona bonos fructus facit; Ergo omnis arbor est bona. Sed quomodo ostendet Lælius, suum illud quod confinxit mandatum, datum Apostolis vt scriberent; ex scripturâ debet; vt possit, illam corrumpere debet. Vt Marcum, verbi gratiâ, inspiratum, adeoque iussum scripsisse probaret, truncauit D. Pauli verba, sententiam euertit, & *Omnem*, eius auctoritate, scripturam diuinitus inspiratam pronuntiauit. Nunquam, mi bone, ex his, neque alijs sacre scripturæ verbis, Inspiratum scripsisse probabis Marcum. Ecclesia hoc, seu Traditio sola testatur, illa nobis sola dicit Euangelia quatuor esse Verbum DEI, scriptoribus illis diuinitus inspiratum. Nihil ergo

ergò tua scriptura hic probat, sed falsariam manum passa, te bonâ fide non egisse demonstrat.

III. Scriptura.

Est Apocalypsis : in quâ, pag. eadem ait, Ioannem sapius iussu scribere. Ergò & alijs quoque Apostolis imperata scriptio. Mirum, nî dicam Apostolos comedere iussos volumina Noui Testamenti, nam mandatum tale & Ioanni Apoc. 10. & Ezechieli datum, cap. 3. constat ex scripturâ. Probabis sanè eodem argumento, S. Lucæ mandatum scribere Angelo Ephesi, quia illud Ioanni in Apocalypsi præceptum. Sexcentas gerras gerit ista tua argumentatio.

Et demus, quod est, inspiratos, demus inquam iussos scribere Apostolos, ideoque proscriptas euinces Traditiones? vbi ostendes omnia scribere iussos, si iussi sunt scribere? si hoc non ostendes, remanebunt tibi Traditiones, ostendes autem faciliè, consuetis tuis argumentationibus: quædam iussus est Ioannes scribere, Ergo iussus est Ioannes, & alij Apostoli omnia scribere. σφωσ ! ita scilicet oportet probare, vbi quæ probanda sunt, probari non possunt.

IV. Scriptura.

Mandatum Apostolis, ut Ecclesiam, fidei suæ certam efficerent; Ergò imperata illi scriptio, per quam Lucæ 1. Theophilus veritatem cognouit. Non potest aliter Ecclesia Christi certa esse? scilicet. certa fuit utique antequam scriptum fuit. Vnde certus extitit Matthæus? unde Lucas? unde tot millia ab Apostolis, aliquot annis prioribus, conuersa? Gentiles præsertim, quibus nec Veteris Testamenti profuit scriptura? Non potuit Theophilus certus esse, nisi scriberet Lucas? fuerunt profectò alij certi, sine Lucæ Euangelio; ipse Lucas adeò Traditione accepit, quæ scripsit, si certum scribendo fecit Theophilum, certitudinem Traditio dictatrix præstitit utrique. Vbi ergo nunc mandatum tuum Læti, nonne amandatum, datumque

in mare Caspium

Portare ventis?

§. III.

De Scripturæ Obscuritate, natisque inde Controversijs.

Quo pacto Scriptura sacra sit obscura, & causa controversiarum, nihil attinet pluribus

ribus declarare, feci id in *Maculis Solis*, cum ad cap. 2. *Script. Loq.* respondi. Eò te mitto Lector, ego ad alia gradum promoueo.

CAPVT IX.

Vtrum S. Paulus nullum Fidei Articulum Thessalonicensibus tradiderit, hodie in scripturâ non repertum?

AD Ephemeridem Crateris de quâ Laertius lib. 6. cap. 5. facit hoc capite Lælius Auctarium: in illâ siquidem Coco ponuntur minæ decem, Medico drachma, Adulatori talenta decem, Consiliario fumus, Scorto talentum, Philosopho triobolus. Ad hoc exemplum meus Lælius, in vanitatem liberalior, veritatem nullo videtur precio æstimare. Liquet hoc iterum ex isto capite, in quo me silentij accusat, & fugæ: quæ enim in *Scripturâ Loquente* ex 2. ad Thess. 2. vers. 15. negabat deduci posse, quod Apostolus, licet plura illos per sermonem, quàm per epistolam docuerit, aliquid in sermone, scripturâ aliâ non testatum, tradiderit, pag. 113. disertè insoluta, illibata quoque à me, adhuc stare, ac firmæ esse iacet. Linguam audio, Læli, frontem

tem nondum video; miror quî hoc dicas. quid ergo est, quod ex SS. Patribus, hæc eadem Apostoli verba mecum explicantibus, pag. 22. *Linguarj* probaui? plurima Apostolos sine scripturâ tradidisse, si nō contra hoc tuum responsum? quid ex particula *sine* conuinci posse insinuauî, si non hoc? quid denique duabus paginis sequentibus ex hoc ipso 2. cap. ad Thess 2. D. Augustino teste demonstraui, si non istud, ad quod respondisse me negas? Itane, verò cum tria sint omnia, apud re sint nulla? Parum cum vero, tua ista iactantia concordat, minus alterum, cum, vt inter galeatos lepores stabulari me persuadeas, fingis me fugitorem, præteritis his, ad aliena declinare; epistolam ad Corinthios, relictis Galatis infectari. Ego vero toto cap. 9. omnia de Galatis, nihil penitus de Corinthijs, & tamen vt illos eludam præteritione me vti audes dictitare? tu sanè præteris, sed veritatem.

Quod S. Pauli ad Corinth. 1. cap. 2. versum 6. examini submiserim cap. 10. *Linguarj* feci, vt cognosceres, non solos Gentiles, vt tibi videbatur, sed etiam Christianos, esse illos *Imperfectos*, inter quos *Apostoli non loquebantur sapientiam in mysterio*. Atque inde deduxi non omnia scripsisse Apostolos, seu non omnia scripta extare, cum non omnibus omnia manifestarint, quod

quod utique fecissent, si omnia scripssissent. Ad hoc quid respondet Lælius? utitur præteritione, de qua me reum egit, & nihil ad consequentiam, sed tantum causam adfertur Apostoli quædam occultarint; negat igitur pag. 116. vel scripturæ vel Apostolis imputandum, sed potius occultata fuisse quædam, id ait quibusdam minus capacibus, adscribendum. Verum paruo id lucro dicit; siue enim calceus impar sit pedi, siue pes calceo, in eodem ponimus, res enim est una.

CAPUT X.

Utrum ob sanctitatem quidam articuli Christianis sint occultandi?

NEC moui hanc quæstionem, nec simile quid respondi: & audet tamen Lælius, saluo colore, dicere, me, in hac sententiâ, Lutheranis accedere? nihil ego de his, vel aio, vel nego, consequentiam tantum talem à Lælio ex verbis Matth. cap. 28. expressam miror. *Docentes eos seruare omnia.* Nihil ergo cum Saturninis, aliisque Hæreticis occultandum, sed scripto omnia propalanda; quasi verò Christus ipse doctrinam suam, quam scripto non tradidit, occultarit, cum id neget, à se factum, summo sacerdoti?

doti? Hæc dum absurdæ consequentię oppo-
no, Lælio Lutheranus fio; armat ea propter in-
me Doctores Catholicos; si iuberet præconem
recitare tabulas, certiùs demonstraret; doceri
enim, non audire tantùm volumus. Sed vidit
quàm sibi curta supellex esset, maluit ergò de
me mouere suspicionem, quàm scientiam, præ-
sertim cum videret hac ratione meam conse-
quentiam, & responsum, sine résponso præte-
riri posse. Itaque non me mordent quæ ex Do-
ctoribus Catholicis contra me produxisti, ta-
met si enim cum illis consentiam, hoc ta-
men locò, Socrates sum, & aio,

*quod supra me nihil
ad me.*





P A R S III.

DE ARTICVLIS FIDEI.

Scripturæ sacræ noniafertis.



Am fortunata non est
fors Lælij, quam Medicorum,
teste Nicocle, quorum secun-
dos successus, sol aspicere, er-
rores tellus solet operire.
Nunquam sanè probâ, à Læ-
lio, ex Scripturâ rectè intelle-

ctâ, explicatâque Sol aspexit consequentiam; nullam enim adhuc fecit, in totâ suâ *Clauē*; sed nec malas tellus abdidit, tam crasso enim erant filo ductæ, vt qui eas eminās non cerneret, ille etiam alia certè cominus non videret. Non dico enim uero duo, & duo, esse viginti, quod de Platone gratiâ pro lagenâ vini redhibeas, apud Laert. lib. 2. iocabatur Diogenes: dico certè quod res est, & hac tertiâ Parte, etiam demonstro, Scripturam sacram *I. & VI. Cap. Script. Loq.* pro omniloquente Scripturâ allatam, nullo loco cum interpretatione Lælij posse consentire.

quomodo enim consentiret? Scriptura sacra id esse quod non est, dicere non potest: quomodo diceret, *Nullam doctrinam in Scripturâ sacrâ non expressam, credendam, & pro Fidei articulo habendam*, doctrina talis non vna cum sit, & reipsâ ab Ecclesiâ credatur? Hæc quia summa rei est, ideo, non vt bellarem, sed vt debellarem, cap. 7. *Linguarum* articulos aliquot Lælio, in Scripturâ mihi monstrandos dedi; quæ putas, Lector, me in *Clauæ* Lælianâ legisse pro articulis illis Scripturæ testimonia? ne vnum quidem; tot enim, & non plura, reperit in scripturâ. Quid autem ad has meas obiectiones responderit nihilominus, operæ precium est cognoscere; audiamus igitur; iam enim regius cardo strepit.

TRADITIO I.

Hæc quatuor nostra Euangelia, esse Matthæi, Marci, Luca, Ioannis, est unus ex Articulis Fidei, alias non possent haberi pro Verbo Dei, sed nusquam reperitur in Scripturâ, hæc quatuor Euangelia, esse Matthæi, Marci, Luca, Ioannis. Ergo aliquid nusquā reperitur in Scripturâ quod est ex Articulis Fidei.

Lælij

Lælij Responsum.

AVres nunc tuas appello, & animi tui tribunal, Lector; expende triplex Lælij responsum, si vnum repereris in his tribus, Lælij sit pila; mirare adhæc mecum tam atrox, & pertinax Lutheranis bellum esse, contra *Traditiones*, quas & ipsi, si Biblia sua, in quibus vnus viuunt, salua, si *Verbum Dei* purum, putum volunt, tenentur acceptare. Audi ergò primum Lælij responsum.

1. *Negat Assumptionem, ait enim pertinere ad historiam. pag. 135.*

Quam enim uero illam? mi Prædicans; historiam quæ non sit Verbum Dei? at illi nemo credit, errare, & fallere potest omnis scriptura, quæ Dei Verbum non est. Ad historiam dicis ergo Euangelium spectare? sed parum promoues, sicut Manichæis Euangelia suspecta sunt, ita sunt & tituli, in quibus robur tui consistit responsi. qui negat Euangelium hoc esse Lucæ, epigramma quoque, seu titulum, non agnoscit. Pertineat licet ad historiam; sicut ergo historiam illam esse Verbum Dei, & illius auctoris cui inscripta est, probari ex Scripturâ debet, ita debet probari etiam, ex eadem scripturâ, titulus. de quo iam iam plura.

II. *Ait*

11. *Sic pag. eâdem Ecclesiam id testari per titulum.*

Maeste : ita quidem ad lineam redis , sed quasi vertiginante cerebro. quid enim illud tuum, Und zeigst die Kirche innhalt der Überschrift. quid loqueris ? quid verò etiam sentis Læli ? an Ecclesiam testari per titulum , hoc S. Ioanni inscriptum Euangelium, esse Ioannis Euangelium ? titulus ergò non scripturæ, sed Ecclesiæ est : Traditione igitur non scripturâ probas. Et cuiuscunque tandem sit titulus, ex titulo nihil probabis, si Euangelium Ioannis verum non sit Euangelium, titulus non faciet, nec ad illud pertinebit. Tituli testimonium nullum est, aliàs Euangelia Thomæ, Bartholomæi, aliaque Apostolorum inscripta nominibus volumina, à titulo auctoritatem, & testimonium accipient. Certè tu Epistolam S. Pauli ad Laodicenses apocrypham, epistolam ad Romanos Canonicam dicis: quid ita ? nonne vtraque eodem nomine S. Pauli titulata circumfertur ? Ridicula probatio ; inscriptio dicit epistolam ad Laodicenses esse S. Pauli, ergò est S. Pauli. Multi libri magnis nominibus, magna texerunt mala, magnos errores colorârunt. Vertigo mera est, & lubricitantis, in glacie, pedis inutile firmamentum, cum ais, *Ecclesiam hoc testari per titulum*, solum enim Ecclesiæ testimonium producis, nihil enim

enim in titulo virium, nihil est reperire momēti. Tolle Ecclesiæ auctoritatem, & titulum, & Ioannis Euangelium sustulisti. Soli Ecclesiæ credimus, quia titulo soli nihil credimus. Nescimus titulum, & Euangelium esse Ioannis, si hoc non dicat Ecclesia. Soli ergo Ecclesię, seu *Traditioni* credimus, hoc esse Euangelium Ioannis, hunc eiusdem titulum : Scripturę credere non possumus, quia hoc non testatur; citaret Lælius non Ecclesiam, per titulum, sed Scripturam hoc testantem, si Scripturam talem legisset, qui tam omnia legit in Scripturâ.

III. ait hoc Ecclesiæ testimonium par esse illi, quod Christo, & Apostolis viventibus, dare potuerunt Iudæi.

Multum erras Læli; si non solidius constat, id quod docet Ecclesia, quàm id quod dicere potuerunt, id temporis, Iudæi, auctoritas scripturæ non constabit. Errare testimonium Iudæorum potuit, & manifestè potuit errare; quis illo igitur adeò esse potuit certus, ut in controuersare, illi, non verò contradicenti parti, aures, fidemque sine salutis periculo, dare merito debuerit? falli, & fallere potuerunt testes Iudæi, possit etiam hoc Ecclesia Christi? Vestrâ fidem Lutherani; nã vos periculosè creditis? Euangelium Ioannis, aliq; Canonici libri Scripturę

pturę Nouę, Verbum Dei vobis sunt; quid ita? quia id testantur qui falli, qui fallere possunt. quid si etiam fallantur? quid si fallant? de neutro sanę securitas. in vtroque ergo periculum, & ideo vobis nusquam tuta fides. Sed ista secundaria sunt, tu Lector, quicumque, legis Clauem Lęlianam, si legeris in eā Scripturam, asserentem hunc titulum, & hoc Euangelium Matthęi, esse Matthęi, crede Lęlium respondisse.

Appendix I. Linguarij,

Ad primam Traditionem declaratur.

VT trabem in oculo suo manifestius consideraret, Lęlius, Traditionem hanc primā, in *Linguario* cap. 7. §. 1. quibusdam auctarijs illustratam explicatius proposui, sciscitatus quā in scripturā legeret, hæc quę terimus Euangelia, pura, incorruptaq; esse, nullam ab Hęresi vim, nihil veneni à Typographis, à nullo malo stilo vulnus perpeffa, circumferri; si quid enim ad alterā turbatum esset manu, credi Euangelio non posset, vbique suspectum esset.

Respon-

Responsum Lælij I.

Constare ex historia, Euangeliorum puritatem, ait pag. 140. & 135.

Historiam Euangelicam non intelligo, citâset verba Scripturæ Lælius, istam si scripturam habuisset fauentiorem; historiam profanam, quam proba sit, non admitto; nam articuli fide diuinâ credendi, à scripturâ seu auctoritate diuinâ non profanâ oriuntur, in quâ cum Euangelia omni erroris suspitione libera non legantur, superest vt dicamus, Euangeliorum, synceritatem, ex solâ Traditione certam, credendamque esse. Itaque nihil respondisti Læli, exspectamus enim adhuc non multa verba, & magnas ambages, sed clarum responsum, ex scripturâ diuinâ, à qua tanquam à tribunali C. Iulij Cæsaris, nefas sit prouocare. *Clavis* vbi est, quæ hanc recludat Bibliothecam? Lælius
tacet.

II. Re-

II. Responsum.

Dei providentiæ repugnare, ut Scriptura sacra impurata circumferatur.

PROdium hoc est, & λόγοι meraci, nec voluntatem Dei, nec providentiam inprovidam, facit, tametsi Scriptura exsincerata, ac malam manum passa sit. Aduersus errores in fide, satis cautum Christianæ rei, etiam absque Scripturâ; Ecclesia audienda est, Petro Confirmatio fratrum data, & fides ideo sine dispendio impetrata, hic filum Ariadnæ situm & fuit olim cum scriptura etiam non fuit, & est iam, eritq; quamdiu Ecclesia erit. Quid magni autem sit Scripturam sacram ab adultero corrumpi stilo? vno, altero ve viduari doctrinæ Christianæ articulo? libri perieret, non possit vnus interire Fidei, ex scripturâ, articulus? Vbi liber Samuel videntis? vbi liber Nathan? vbi volumē Caiad, de quibus lib. i. Paral. cap. vlt. Vbi parabolarum tria millia? vbi quinque millia Carminum Salomonis? 3. Reg. 4. Vbi Epistola Pauli ad Laodicenses? de quâ ad Coloss. vlt.

Perierint dices libri, nullus perijt Fidei articulus, hodiernâ Scripturâ non contentus. **Magnum**

gnum opus, si demonstrabis. Quid enim uero
 necesse multis? si unius articuli, vel plurium,
 decessio, arguit improuidentiam Deum, quid de
 tempore Christi inter viuos agentis, dicemus?
 quid de septennio post Christi in cœlos reditum?
 Ecclesia sanè fuit, scriptura Noui Testamenti
 nulla fuit; prouidâ Dei voluntate nihilominus
 omnia suauiter disponente, & in omnem ter-
 ram tunc exeuntem Ecclesiam gubernante. Po-
 tuit res Christiana salua esse, tot annis, sine scri-
 ptura, nouorum dogmatum, solâ Ecclesiam
 Traditione dirigente, & non possit idem, Scri-
 pturâ in paucis corruptâ? Ecclesia sine totâ scri-
 pturâ esse possit, & florere etiam; & cum parte
 vna perditâ corruat? Nullo caussaris merito
 diuinam Prouidentiam, Læli; nullo tuam do-
 ctrinam defendis argumento.

Appendix II.

Ad eandem Traditionem de- claratur.

PHaselitarum sacrificium spectro, dum pro
 Luthero respondentem audio Lælium; for-
 didum illud erat, & à falsis pisciculis ignobile.
 Imò in hoc responso, ipsius etiam falsi reperi-
 o parcimoniam, pisciculos insulsos, siue Capro,

ut moris erat, siue Caprimulgo, Deo certè hircum, quàm Numen potiùs olenti, oblatos. Nihil hìc liberale, nihil solidum, fumus merus, occulendè potiùs, quàm declarandæ apparatus Veritati responsum. Quæstio erat quo loco *scriptura*, Lutherò id auctoritatis accreuerit, ut Biblia sacra eius crisi mutata, & si dijs placet, emendata, pro verbo meraco haberi, errore libera, eaque correctione, non infecta potiùs, credi deberent. Vide Lector quid adhæc Lælius.

Responsum Lælij.

Ex ipso, quo Apostoli, & Prophetæ vsi sunt, idiomate constare, ait

pag. 143.

FOetet hic quem sacrificas pisciculus, mi Prædicans. Nam I. à quo Lutherus censoriâ donatus sit vite, princeps, sed à te præterita, quæstio est; cur enim talis sine populi suffragio, aliâque auctoritate in Rep. Christianâ sacrorum Voluminum iudex, vindexq; credatur, de cuius decreto lis nulla moueri, nulla sententiam eius suspicio arrodere, nulla crisin illam censura damnare queat? Nisi enim talis sit, ut extra omnem dubitationis, aut suspicionis aleam, supràque

præque erroris imperium positus consistat, nihil in Biblijs sacris inuncabit, nihil tollet, nihil addet, quod ritè factum adeò credi possit, ut verbo Dei refractarius censeretur, qui ea in re Luthero aduersarium se sistet. Cedo ergo, Læli, istius in Luthero auctoritatis in Scripturâ sacrâ testimonium. Taces? & quæ Lutherus sacris intulit, extulitque Biblijs, rectè illata, elataque, habes pro Fidei articulo? non est hæc tutâ iterum Fides; qui errare potest, Biblia emendare, aut mutare non potest, adeò, ut suspecta eius non sit correctio.

II. Neque verò etiam in Idiomate, quò Scriptores Canonici vsi fuerunt, errorum Biblicorum, si qui fuerunt, censuram accipies, Læli; vel enim Græcum, vel Hebraicum idioma, nulla erroris mixturâ tinctum, purumque est, vel labem cum Latinis Germanicisque contraxit? Si purum est, arrigo aures iterum, & testem Scripturam exspecto, nam imperitam librarium negligentiam, vngues Hereticorum, aliaque euasisse pericula, vix adducar ut credam; & clarè non euasisse ostendit Bellarm: Cardin. lib. 2. de Verbo Dei. Si purum nec illud est, emendanda primum cæterorum est regula; ad quod autem exemplum? Iterum taces. Ad Ecclesiam ab errore liberam, non ad Idiomatica, censors Scripturæ sunt amandandi.

III. Esto ex illo Scriptorum Biblicorum idiomate, corrigendi sint errores, qui in Scripturam irrepsere; quò declinandum, cum variat lectio, vel Hebræa, vel Græca? cum Doctorum discordant sententiæ? Quid censes factitasse Lutherum, cum in nullo idiomate reperiunt, contra Patrum tam apertam doctrinam, suum illud *Allein* Scripturæ intrusit? cum alibi quædam erasit, & rotunda mutauit quadratis? Idioma hîc dubium est, & controuersum, in quam partem deflectemus? numquid ab Idiomate abibimus, & certitudinem alibi quæremus? at tunc nihil mihi abs te responsum est: & nec demonstrata ex Scripturâ indubia Lutheri auctoritas, nec ex idiomate dubio, clara, certaue sententia. Rectè Lutherum idioma ta intellexisse, errare non potuisse, non etiam errasse demonstrandum est ex Scripturâ, ut correctio pro Fidei articulo acceptari possit: in hoc labore mi Læli succubuiſti, est enim plusquam Hercules, & sibi pares lacertos nusquam habet.

Appendix III. declaratur.

Cum te Scripturam vbique iactantem, nusquam cum opus promentem, contemplor, subit admirantem sæpisulè Domitius Afer, imperitam Caussidici cuiusdam, apparatus, habitèque

que vestiti, dictionem increpans, eumque *hominem in agendis causis bene vestitum* compellans : nam vt præter vestem ille in forum nihil intulit, ita tu, nihil in *Clauē* tuā, præter inane Sacre Scripture nomen; vt in argumentis, responsisque tuis, scripturā bene vestitum te, in scripturā tamen malè versatum non possim non affirmare. In scripturā quidem audacter iactas omnes articulos Fidei expressos, testatosque esse, sed ad hos, quos hæctenus ostendi mihi postulabam, nulla adhuc domi fuit, illorum confectia : quid ad hunc denique dices?

Articulus Fidei est, hos, nec alios vsquam esse libros Canonicos; seu, Verbum D E I, in his, solus, quos hodie compositos, pro Biblijs sacris habemus, contineri. Scripturam hinc desidero duo pronuntiantem I. Hos libros Noui Testamenti, esse Verbum D E I. II. nullos alios præter istos esse, vel esse posse Verbum D E I.

Responsum Lælij I.

Rem præsentem hoc loqui, si pluribus opus fuisset, plures fuissent scripti
inquit pag. 144.

Iterum solemniter respondes, iterum inquam malè. I. Rem præsentem in Scripturā que-

ro, non effugia. Sed nullam scripturam citas; fateris ergo nullam esse.

II. Quid autem res præsens loquitur? quod controuersum est. disceptamus de numero sacrorum librorum; tibi Iacobi Epistola straminea, mihi aurea est. quæ litem contestatam dirimit scriptura? hanc quæro. Lælius iterum tacet.

Responsum II. Lælij.

Ecclesiam plures libros hodie Canonicis annumerare non posse, ait pag. eadem, quàm quos à Prophetis, & Apostolis accepit.

Quid si Epistolam S. Iacobi, à Doctore omnis Veritatis, cognoscat non esse stramineam? quid si alios Machabæorum, Regum, Prophetarumque quos vos reiicitis libros doceatur esse Canonicos? Non potest ais, quia non sunt? Sola opinio est, ex qua loqueris, da scripturam testem non esse; huic soli credimus, hoc loco, sola enim illa controuerſiarum harum iudex esse debet, ita conuenit inter nos. Si scripturam non habes, rem habes incertam, an non certam Spiritus sanctus efficere potest? **Habe-**

Habebit tunc Ecclesia vestra, de qua loquor, plures libros Canonicos. Sed quid moror tam rancida commentas? satis luculentum est, erroris esse amacula, necessitatis fundamenta, non veritatis.

Responsum Lælij III.

*Nec alios, nec plures ab Ecclesia nascente pro Canonicis propositos fuisse teste Ecclesiastica Historiâ dicit
pag. eâdem.*

Scripturam, Læli, testem dare oportebat, pro fundamento articuli Fidei, vbi est? iterum tacet? accipio tamen Historiam Ecclesiasticam, sed vnum miror, illam iam tibi tanti esse: an spes est te iam eminus conspexisse Pontificiam in Ecclesiâ potestatem? siquidem Historiæ illi, in Patrum scriptis, vt ais, fundatæ, non ignotum legimus Papam. Vide *Modium* meum, in quo Patres eiusmodi, Auctoritatis Papalis testimonia, non modio, sed trimodio admensus, eadem tibi de Papâ, quæ tu, de libris hîc Canonicis, ex eodem fonte, acclamante ipsâ in super à Patribus iisdem, mecum intellectâ scripturâ, probavi. Historiam hanc si repudias, nec istâ

necesse est te tuearis; nisi fortè in tuâ sit potestate, quid velis, quidue nolis pro Fidei articulo acceptare. Accipio denique & istud, Ecclesiam, non scripturam, proposuisse nobis, pro Verbo DEI, libros Canonicos Noui Testamenti.

Corollarium.

Coronanda sunt hæc responsa Lælij, ad primam *Traditionem* data, non victrice lauro quidem, sed ferali buxo; nec quia coronam, sed quia notam meruere; vt cognoscat Lector, quàm facilè homini fuerit, Scripturam omniloquentem introducere, quàm ex illâ non facilè quæuis loqui; quàm vanum denique Traditiones reprobare, ex Scripturâ: quàm *Clare* enim illa, omnes omnino, loquatur articulos, *Clavis* ista aperit, quæ non potuit in Scripturâ reperire.

I. *Hæc quatuor Evangelia illorum esse, quibus sunt inscripta.*

II. *Scripturam Evangelicam esse Verbum DEI.*

III. *Hos libros, & non alios esse, vel esse posse Verbum DEI. Iacobi epistolam esse Stramineam; epistolam ad Laodicenses non esse S. Pauli.*

IV. *Biblia à Lutheri correctione fuisse emenda-*

ta, non

ta, non vitata; eiusque auctoritatem tantam esse; quæ nec falli, nec fallere possit.

Ergone vos Lutherani creditis Lælio? tibi verò, in perniciem tot animarum nato, verecundiæ non sit docere, Ioannem c. 20. Lucam Act. 1. aliòsque, quos in *Scripturâ* tuâ *Loquente* citas scripsisse, omnes omnino Fidei Articulos, etiam *Clare* scriptos; non scriptos, proscriptos esse? Isti certè articuli Fidei sunt, quos hîc legis, in nullâ tamen *Canonicâ Scripturâ* sunt; citâtes librum, caput, Apostolum si in *Scripturâ* legis, Epistolas S. Pauli esse Verbum Dei, quatuor Evangelia esse Verbû Dei, Scripsisse Paulum, scripsisse Lucam legis in *Scripturâ*, Paulum, Lucamque scripsisse Verbum Dei, hos eorum libros esse hoc non legis in *Scripturâ* & credis tamen nobiscum? aut Hæreticus es. Cui credis igitur Læli, nonne Traditionibus? quas tu pag. 144. Historiam Ecclesiasticam vocas, ut Lectorem Ecclesiastico vocabulo profanissimè decipias. Historia Ecclesiastica, ab Evangelicâ quæ etiam Ecclesiastica dici potest, multùm differt, hæc enim Articulos Fidei facere, illa factos tantùm referre potest.

II. TRADITIO.

Articulus Fidei est, Sacram Scripturam certum habere sensum, contrarios recipere, non posse; Verbi causâ; in verbis Lucæ 22. v. 19. *Hec facite*, vos dicitis præceptum contineri de vtrâque specie, nos negamus. ex nullâ Scripturâ vos præceptum demonstratis, & ad mentem vos dixisse Spiritus sancti creditis? creditis ergo quod in Scriptura non legistis?

I. Responsum Lælij.

*Ex claris Scripturæ verbis, ait pag. 146.
patet Spiritus Sancti sententia.*

AIn verò? ex claris Scripturæ verbis? tu ex claris Scripturæ verbis in Lucâ præceptum clarè videas, sub vtrâque communicandi, ego verò, cum tot, tam antiquis oculis, per tot ætates, annis amplius mille sexcentis, præceptum in illis nullum penitus videam? nã tu clarè iterum erras Læli; alteruter nostrum non videt, quod se videre clarè credit. Sed vt te cum tuis, missu magis familiari, committam; cur vos Lutherani, qui omnia in Scripturâ clarâ, clarè videtis,

detis, in tanto versamini motu? cur de præcipuis Christianæ doctrinæ capitibus, mysterijs Incarnationis, Resurrectionis, Ascensionis, alijsque, sententias non concordatis? numquid non pro sensu germano sacrarum paginarum, compugnatis? Antiquius quàm pro Helenâ bellum, pro *Ubiquitate* Christi, belligeratis, nunquam finitis. Matthæum cap. 18 & 28. illi suum volunt, volunt & alij. His S. Paulus ad Eph. 4. loquitur placentia, alijs ibidem longè alia. quos Hassi, Saxonesque vestri Doctores citant, negant ita sentire Wirtenbergici. His sua Scriptura clara, illis sua: ex clarâ vtrique scripturâ diferti, certique sunt, quî enim uerò istud? Vtrique sanè cum tota vestrà Ecclesiâ errare potestis, (quod tu prolixè probas cap. 8. *Script. Loq.* & ego perfacilè credo) unde ergò tanta vobis certitudo? errare vos, & de Scripturâ rectè intellectâ certi esse possitis? non potes Læli, de sensu Scripturæ ex Scripturâ in quâ errare, errorem, docere, docerique potes, certus esse, eo quo fidem certam esse oportet modo. Vbi ergò clara tibi erit Scriptura, in quâ & tu, & Ecclesiâ tua, errare potest? Alibi igitur sensum scripturæ certum quàm in Scripturâ quæras licet; ybi autem si non in Traditione, Scripturæ, & omnium articulorum Fidei parente?

II. Re-

II. Responsum Lælij.

*Discordiam sectarum, ait pag. eadem,
non Scripturæ, sed Sectarijs im-
putandam.*

Scriptura Lælio clara est, ningat, pluatque va-
rius Iupiter; sed errat grandinante licet Ioue;
ostendi id clarissimè in *Maculis Solis*, ad cap. 2.
Script. Loq. Neque verum est, Sadducæos con-
sultò, cognitâ Scripturæ Veritate, à regio calle
deflexisse; Christus errasse illos quidem, sed er-
rasse *nescientes Scripturas* dixit, non scire nolen-
tes, quod tu confingis; nullum ergò in Saddu-
cæis, Scripturæ claræ est patrocinium. Si omni-
bus passim pateret scriptura, ipse errasset Chri-
stus; quid enim Patri suo Cœlesti confiteretur,
quod absconderit mysteria Fidei suæ, quæ clarè
in Scripturâ omnia, ais, contineri, & reuelârit
illa paruulis? nulli abscondita esse possunt, quæ
omnibus sunt clara. Si nolentes dumtaxat Scri-
pturam non intelligunt, ipsi sibi, non Cœlestis
Pater, illam abscondunt; neque enim nolentes
Deus, sed priuata cuiusque malitiâ facit. Et
esto Sadducæi intellexerint Scripturam, ideò-
ne omnibus erit clara? Difficilia intellectu, seu
obscura, reperies non in Prophetis tantum, sed
in

in ipsis S. Pauli epistolis, Scriptura teste. 2. Petri &c. qui in his hallucinatur, Lector, non tantum suæ imbecillitati, sed & lectionis difficultati, meritò adscribet. Neque tamen ideo culpa Scripturæ imputari debet, cui addita est Ecclesia interpres; tametsi enim moralis causa sit, seu materia circa quam ob arcana Dei, rerum contentarum, verborumque difficultatem, errari potest, culpa tamen non in Scripturâ, sed in solo lectore interpretem Ecclesiam negligente, residebit, causa in vtrisque: Nihil ergo iterum respondisti, quia neque ad rhombum, neque verum respondisti.

III. Responsum.

*Iesuitarum, non Christi, aut scripturæ,
esse Communionem sub vna,
ait pag. eadem.*

Nihil de vitello Læli? ubi postulata scriptura? si fuisset, pridem adfuisset, nec trino opus fuisset responso. Et nesciebam sanè Communionem sub vnâ, à Iesuitis descendisse, nam neque Iesuitas à primâ statim Ecclesiæ origine fuisse necesse est, in quâ suo loco ad Cap. *Script. Loq.* sub vna communicatum fuisse demonstra-
bo.

bq. Iam nunc tamen hoc miror controuersiam istam hoc loco moueri : ad controuersias, Læli, per controuersiam non respondetur, sed à responsis. & materiâ cæpta, hoc modo abitur; quod consultò abs te factum, nullus dubito, sciebas enim responsa tua, ad hanc Traditionem, non constare, vt sub iugo non viderere, controuersiam vulgare, quâ os populi te meritum non ignorabas, obiecisti; sed aliena respondisti Scripturam postulanti.

Corollarium.

Sisto tibi iterum, Lector, nihil respondentem Lælium; non reperit in Scripturâ, se cum scripturâ, in controuersijs scripturæ, sentire; reperit tamen in scripturâ se in fide, cum totâ suâ Ecclesiâ errare, & docere etiam errorem posse, quod cap. 2. *Script. Log.* demonstrat. Quomodo igitur credit, cum ex scripturâ se certum esse non cognoscat? quomodo credit, cum ex scripturâ certò cognoscat, se in illâ errare posse, adeoque de sensu scripturæ se certum esse non posse? Vnde igitur denique constabit Lutheranis, de mente Spiritus sancti, in Scripturâ, vel nobiscum, vel inter suos controuersâ? non ex Scripturâ, vt dixi, nec ex Traditione, seu usu, & anti-

antiquâ primorum sæculorum explicatione ,
nam illam cane peius oderunt, & angue : neque
enim quæ hodierna capita spūunt, ex antiquo
descendunt cerebro : nisi reperirent Patres,
controuersas scripturas aliter intelligentes, Lu-
therani, non ad solam scripturam prouocarent,
scripturam claram vbique non contenderent,
sed Traditioni , seu Ecclesiæ plus deferrent, &
scripturam certius intelligerent.

TRADITIO III.

ARticulus Fidei est , certum esse sacramen-
torum numerum, nec dubium esse potest,
clare in primâ Ecclesiâ, omnibus fuisse cogni-
tum. Vbi verò hodie numerum illum legimus,
clare expressum, in scripturâ ? quæ secta rectè
numerat, & ad calculum Ecclesiæ primò insti-
tutæ ? nec vtrum sint, nec quid sint , nec quot
sint sacramenta, habemus à scripturâ.

Responsum Lælij.

*Tantum duo se reperire in scripturâ,
quæ sint sigilla Fidei iustitiæ, consistentis in re-
missione peccatorum , per Christi
sanguinem.* ait pag. 147.

QUot in dorso Echini tela, tot in hoc respon-
so reperio errores ; hos inter quatuor emi-
nent, Error

Error I.

Nec claram iterum scripturam, de numero sacramentorū, citat, nec ad quæstionis punctū respondet. Non quærimus quot Lælius recenset sacramenta, sed vbi scriptura, numerum sacramentorum, omnibus in primæua Ecclesiâ clarè notum, clarè nobis notificet; & quænam sectarum rectè sacramenta Ecclesiæ adhuc numerarit. Numerat Lælius duo, non nescimus: plura non numerat, & hoc scimus: vtrum ex scripturâ, & rectè numeret, hoc nescimus præsertim ex scripturâ.

Error II.

Rectè se duo tantum numerare affirmat, ex definitione; quænam DEVM immortalem illâ? Ex Apostolo, ad Rom. 4. vers. 11. sumptâ, in quo *Signaculum iustitiæ Fidei* legerat. Istanc verò sacramenti est definitio Læli? scripturam cita, mereri si velis fidem; scripturam inquam cita, non in quâ hæc verba legam, hanc nouimus, sed in quâ legam hanc esse Sacramentorum Nouæ Legis definitionem; illam enim quærimus in scripturâ multis sæculis, nullo inuenimus. Astra matutina, & omnes in agro manipuli te vnum adorabunt, Læli, totumque
plausu

plausu cæli remugiet theatrum, si hoc euiceris,
ex Scripturâ.

Error III.

Ex definitione istâ concludit porrò Lælius, tantum duo Sacramenta, seu signacula iustitię Fidei, consistentis in remissione peccatorum per sanguinem Christi, reperiri in Ecclesiâ. Errat autem, vir bonus; signacula enim talia, plura duobus, agnoscit Scriptura: vel enim signaculum istud remittit peccatum, vel est præteritæ remissionis duntaxat signum, pro vt Circumcisio signum erat iustitiæ, in præputio acquisitæ: Si peccatum remittit, Eucharistia non est Sacramentum; vt enim fructuosè sumatur, dignè, ac sine peccato, sumi debet, *qui enim manducat, & bibit indignè, iudicium sibi manducat, & bibit.* quid igitur remittet, vbi quod remittendum est, abesse debet? Erit insuper & pœnitentia Sacramentum, in quâ exterior absolutio, interioris signum est, *quorum enim remisistis peccata remittuntur eis.* Quin & vnctio illa, Iacobi 5. v. 14. erit Sacramentum, *Unctes illum oleo &c. & si in peccatis fuerit, remittentur &c.*

Quòd si deinde signum esse contendas præteritæ, & iam acquisitæ iustitiæ, seu remissionis peccatorum, Baptismus non erit Sacramentum, debet enim ille remittere peccatum.

L

origi-

originale, aliaque peccata. Erunt enim præter hæc Sacramenta, impositio manuum, post colatum Baptismum, consueta Ecclesiæ, Act. 8. v. 17. quâ sacro lauacro tinctis iustitiam Fidei iam habentibus Spiritus sanctus conferebatur. Impositio etiam manuum Episcopaliū, quâ Episcopi, ac Sacerdotes constituebantur, 1. ad Tim. 5. v. 22. & alibi. Erit & celebratio ipsa festi Paschalis, in signum iustitiæ Fidei, seu remissionis peccatorum, per sanguinem Christi instituta, Sacramentum. Plura itaque ex hac definitione fient Sacramenta, vel si malis pauciora.

Error IV.

In Ecclesiâ nascente, antequam scriberentur Euangelia, constabat inter omnes, quidnam esset Sacramentum, quot, & quænam Christus instituerit; quæ Scriptura autem, explicatè hoc tradidit? nulla de sacris, Ecclesiasticæ quidquid hîc scimus debemus Historiæ, absque hac foret, nec Sacramenta instituta fuisse, Ecclesia sciret, ut taceam quot, & quænam. Quid quærit autem reperisse se iactat ergo Lælius in Scripturâ? ad Traditionem nobiscum abeat, vel Sacramenta à Christo instituta fuisse omnino neget.

Corol.

Corollarium.

Reducō in arenā iterum succumbentem Lælium, nusquā in Scripturā clarè expressum, Sacramentorum monstrantem numerum; nusquam ex Scripturā definitionem à se allatam, probantem, esse veram Sacramentorum Nouæ Legis descriptionem, vel à Scripturā ideo latā, vel ab Ecclesiā pro tali definitione vnquam agnitam. vnde quid de binione Sacramentorū Lutheranorum, vel ternione, eorum Lutheranorum qui aliter, quā Lælius, Sacramentum definiunt, sit sentiendū, constat; sicut enim descriptionem hanc esse Sacramentorum Nouæ Legis, nec ex mente Apostoli, aut Ecclesiæ, aut Scripturæ probare potest, ita nec duo probat esse tantū Sacramenta. Exspecto itaque adhuc Scripturam, vel articulum Fidei reperio extra Scripturam.

TRADITIO IV.

ET Christum Apostolis, & Apostolos Ecclesiæ tradidisse clarum est, in quo consistat essentia Sacramentorum, quo nempe ritu, Baptismus conferri necessariò debeat, vt sine illo, nullus sit. Quid de his Scriptura? forme, quam nos Traditione Ecclesiæ habemus, verba refert;

L 2

nusquam

nusquam tamen illa pro formâ proclamat, nusquam dicit pronuntianda, ita vt per scripturam, absque vocali eorum elocutione, liceat baptizare, quandoquidem, etiam tacentes, in nomine Patris, & Filij, & Spiritus Sancti possumus quidpiam præstare. At hæc cum sint ad Fidem, & salutem scitu vnicè necessaria, & in scripturâ non contenta, nonne euincunt, articulos Fidei necessarios, non omnes, ne dum clarè, esse scriptos?

I. Lælij Responsum.

Clarè, & expressè, hæc verba, esse proferenda, scire se ait pag. 147. ex institutione Christi, Matth.

28. vers. 19.

AVdio verba, sed non Scripturæ. crepas Matthæum, in quo verba reperis, quæ iam pridem, priusquam etiam Theognis nasceretur, legi in Matthæo; hæc autem mea nunc curatio non est, vt verba ista quæram, in scripturâ; quæro tantum in scripturâ, quo illa loco, pro formâ Baptismi agnoscat, quo loco mandet in Baptismo illa articulatim, ac syllabatim pronuntiari debere, nec sufficere intentionem baptisan-

ptisandi, in Nomine Patris, & Filij, & Spiritus sancti, sicut ad alia opera, in honorem SS. Triadis præstari solita, sola intentio sufficiens est. Ad hoc respondendum erat Læli, sed hæsit aqua.

I I. Lælij Responsum.

Non mutum, inquit, eadem pag. & clancularium Christus instituit Baptismum, sed publicum, & Baptisatis manifestum.

Consequentia hæc, & deductio à ratione, & probabili cōiectura, nulla probatio ex Scriptura est, quam solam, & te quidem sponse, *claram*, in articulis Fidei, præsertim vnicè necessarijs ad salutem, inquirimus. Sed ad solem, & solarium, Læli, cum tuâ consequentiâ. Christus instituit Baptismum; Ergò non instituit mutum, & silentem, sed manifestum. Nego consequentiam mi Philosophæ, & probandam ex Scripturâ arrectis postulamus auribus,

intentia ora tenemus.

Hæc lis nostra est, vtrum ex Scripturâ, an ex Traditione constet, vocalem, non mutum à Christo fuisse institutum Baptismum. Ex Scripturâ sanè

L 3

mutum

mutum non repelles, tam enim in Nomine Patris &c. baptisari tacitus quis potest, ex mandato Christi, quàm comesse, ac bibere, in Nomine Domini nostri, ex mandato Apostoli 1. ad Cor. 10. solius poculi desiccatione tacito suo proposito, & verbis Apostoli non recitatis. Et putasne etiam, ad singula quæ in nomine Domini sunt facienda, addendum, hoc facio in nomine Domini? nemo qui suæ mentis est, ita delirabit. Adhæc muta actio, publica omnino esse potest ac manifesta; nam qui alteri colaphum in foro ducit, tametsi tacitè tacuerit, publicè tamen percussit. In publico, ac manifesto vxor tua lauat, tametsi tacita lauet, tacere tam diu si potest.

III. Responsum.

Adnectit Christus Baptismo doctrinam, & prædicationem, inquit pag. 148.

Ergo forma Baptismi publice enuntianda est.

SCRIPTURAM Læli, non rationes peto; sed nec Scripturam video, nec rationes. Proba I. ex scriptura ad Baptismum requiri necessariò concionem, vel Catechesin; & quia negare non potes, validè sine his, conferri infantibus Baptis-

ptismatum, vide ipse, qualem excluderis consequentiam. II. Ex eâdem ostende in Concione prædicandam formam Baptismi, aut prædicatam ad Baptismi valorem necessario pertinere. III. Baptisatos baptismi sui certos esse debere, nec esse posse nisi formâ enuntiatâ. Nihil horum habes in scriptura, nulla ergo consequentiæ huius, cum antecedente, potest esse connexio.

IV. Responsum.

Cum Baptismus, ait eâdem pag. sit fædus cum DEO, necesse erit formam fæderis, in Baptismo, exprimere verbatim.

QVando tandem ex Scripturâ articulos Fidei demonstrabis? ista enim uero ratio iterum est, non scriptura. Hem qualis autem ratio? Numquid enim, ut fædus feriat, in ipsa fæderis pactione, verba iam ante conuenta, sunt repetenda? numquid non satis est cognitis pactis, conventisque, solo, còque muto dexterarum stipulantium coniugio, fædus pacisci? pactumne ita infringes? immeritò quidem. Et pactum licet sit Baptismus, pactum

etum cum Deo est, cui affectus loquitur, & cum tali quidem homine, qui plerumque nec percipere pacti verba potest, ut nihil dicam ex Scripturâ nondum ostensum, hæc verba, formam constituere Baptismi.

V. Responsum.

Cui bono, ait eadem pag. mouetur ista in Linguario controuersia, metuitne auctor formæ suæ Latinæ, cuius occasione quandoque sacerdotes Catholici Cacodæmoni, non Christo, baptisant?

Iterum ad Triarios res tua redijt; quæris iterum mantellum verecundiæ tuæ; erubescis toties *Scripturam Loquentem* elinguari, ideo enormia ista Ecclesiæ dedecora profers, ut præ his minùs in luto hæsisse conspiciaris. Et quæso te, quid mihi tecum, de Latinâ Baptismi formulâ, controuersum nunc est? per me, hoc loco, quouis idiomate pronuntiari potest; quæstio sola est, utrum aliquo debeat? Respondes ut soles, non debere Latino, causam habes oppidò grandem. abusum sacrilegorum sacerdotum.

rum. quid si eâdem lege, & vernaculam, & quamvis linguam expungas? putas à nullo Prædicante, vel obstetrice, infantes Stygi mancipatos fuisse patrio idiomate? parum in historiâ domi es; protocolla, tuæ etiam Sectæ Magistratum, necdum peruidisti. Et quid refert, audiri, ac intelligi baptisantis verba, si absit animus baptisandi? tam parum tingens infantem, pronuntiâtâ formâ (si desit animus, & intentio baptisandi) verè baptisatos efficit, quàm ad mensam legens Apostoli verba, institutæ Eucharistiæ, 1. ad Corinth. 11. facit in prandio communicantes. Sed hæc aliò spectant, ad nostra redeundum est: interea propter abusum, bonus usus non est tollendus.

Corollarium.

Vides Lector Lælium iam quartum quæsitos in Scripturâ Fidei articulos non inuenisse; adeoque

I. Ex Scripturâ non constare, hæc verba Matthæi 28. esse formam Baptismi.

II. Nec vtrum vsurpanda, & enuntianda sint, à Scripturâ definiti.

III. Lælium non intellexisse Ioannem, cap. 20. & Lucam Act. 1. aliosque, cap. 1. & 6. *script. Loq.* citatos; solus enim hic articulus Fi-

L 5 dei,

dei, Scripturæ ignotus, non posse hoc scripturam loqui, quod ex illâ vellet Lælius audire, conuincit.

TRADITIO V.

PRima etiam Fidei Christianæ principia, Traditioni obnoxia voluisse Deum, Ecclesiæ Condito rem, ostendit etiam Spiritus sancti My-sterium. Fide diuinâ credimus Spiritum sanctû à Filio etiam, non à Patre tantum, procedere, huius ego mihi legi tabulas, ex scripturâ, postulaui in *Linguario*, pag. 17. audi Lector responsum.

I. Lælij Responsum.

pag. 150.

*Ioannem cap. 15. v. 26. ait, claris verbis
testari, Spiritum Sanctum à Patre,
Filiôq, procedere.*

TAndem itaque audimus Scripturam: quâ quid apertius? *Cum venerit Paraclitus, quem ego mittam vobis à Patre.* Si mittit Spiritum sanctum Filius, procedit ab illo, mitti autem dicit hîc Scriptura; Ergò dicit etiam procedere à Filio. Itane verò omnis qui ab alio mittitur, intrinsecè ab illo procedit? quæris aquas in aquis,

an

an scirpum in nodo? de quâ missione loquentem hîc aûdis Christum? internâne? erras; de missione, in festo Pentecostes impletâ loquitur, de quâ cap. 16. *Si non abiero, inquit, paracletus non veniet ad vos, si autem abiero mittam eum ad vos.* Hæc utique non interna, sed externa, in linguis igneis facta missio est; ideo *Mittam* ait, & *veniet* pridem missus, pridem venit. Spiritus Sanctus, missione internâ, non primùm tunc mittendus erat. Audi porrò, suorum verborum clariorem adhuc interpretem Christum, subiungit enim, ut, nisi omnes in eorumpenda Scriptura nervos intendisses, facilè luce clariùs videres, Christum de externâ missione, sermonem instituisse. *Cum autem venerit arguet mundum, &c. docebit vos, &c.* Si de internâ dixisset, non tunc primùm arguere mundum, non docere tunc primùm discipulos, occeptâset Spiritus sanctus, venerat enim iam multò ante, Filio ab æterno Spirante.

Clariùs sanè ex hac scripturâ, contra te quàm pro tuâ doctrinâ concludes, à solo Patre Spiritum sanctum procedere, non etiam à Filio, cuius verba, quæ tu allegas, hæc sunt; *Cum venerit Paracletus, quem ego mittam vobis, Spiritus Veritatis, qui à Patre procedit* non sanè dicit, qui à Patre, & à me procedit. Imò nusquam Spiritum sanctum leges procedere à Filio, in scriptura, à

ra, à Patre non semel. Atque vt verbo concludam, quàm rude sit argumentum, exentemus illud; mittitur à Filio Spiritus sanctus; Ergò procedit ab illo. Habeo in pari consequentiâ responsum Læli. Mittitur à Spiritu sancto Filius, Isaïæ 61. vers. 1. & Lucæ 4. vers. 19. *Spiritus Domini super me, ad annuntiandum mansuetis misit me, &c.* Ergo Filius procedit à Spiritu sancto. Hæc ergò scriptura tua, rem aliàs veram non demonstrat.

II. Responsum.

Idipsum ait pag. eâdem, testatur idem, cap. 16. v. 15. Omnia quæcunq; habet Pater, mea sunt.

AN & Paternitas? nihil sanè excipitur. Si hanc excipis, liceat & mihi excipere Spiritationem, quantum quidem ex hac solâ scripturâ probari potest, imò & alia multa, cum hîc Christus de scientiâ suâ, cum Patre communi, loquatur tantum; ideo enim, subdit *propterea dixi*, (quia scilicet omnia quæcunque habet Pater, mea sunt) *quia de meo accipiet, &c.* Atque adeo nego esse claram hanc scripturam, imò velut dubiam non admitto, pro demonstratione claræ scripturæ, de qua agimus.

III. Re-

III. Responsum

*Ad Gal. 4. v. 6. dicitur Spiritus Filij,
ergo procedit à Filio.*

PEnè victas me cogit manus dare Lælius, tam
claris me expugnat Scripturæ verbis. Num-
quid enim de nihilo est, quod à D. Paulo Spiritus
sanctus dicatur *Spiritus Filij*? quomodo hoc,
nisi à Filio procederet? Ego verò nec terreor,
nec teneor, funes istos quam recentes sint, &
valentes, ex facili rumpo cum Samsonè. quid
enim in hoc argumento virium? probatne Læ-
lius, Deum Patrem procedere à Filio? est sanè
Pater Filij. Si Spiritus sanctus procedit à Filio
quia Spiritus eius est, procedet & Pater, quia
Pater eius est. Imò & oves Christi ab illo pro-
cedent, quia oves eius sunt. Quin etiam Spiritus
sanctus procedet ab Ecclesia, quia Spiritus
eius est, illi promissus, illi missus. Itaque quia
tam inauspicata tibi sunt omnia Læli, quæ ex
Scripturâ probas, redauspicandum tibi suadeo
ad Traditiones, in his reperiens, quæ fru-
stra in scripturâ
quæris,

Corol-

Corollarium.

HAbes, Lector, responsum Lælij ad hanc Traditionem, in quo obserua.

I. Quàm multò respondeat aliter ad hanc quàm ad priores; hic nihil nisi scripturam loquitur, in prioribus nihil minùs.

II. Tametsi clarè, claram scriptum hîc in-clamet, & proclamet, illa tamen quasi Caussaria, ad hoc bellum, vel forum declinat, vel campum, ita vt nescias

Cui Domino pareant leones.

III. Deesse adhuc Scripturam, quæ certò Spiritum sanctum à Filio procedere testetur; non deesse tamen Ecclesiam testem, huic credimus dicenti, non Lælio contradicenti.

TRADITIO VI.

SAcram Scripturam non esse normam vniuersalem totius doctrinæ Christianæ, cum nec Christus, nec Apostoli, doctrinam vniuersam mandârint, in codicillos, referri; nec vllus ab Apostolis dogmaticus liber, seu Catechesis, vnde appareat Apostolos voluisse, scriptam inire rationem illorum, quæ credenda essent omnium omnino; sed meræ tantùm historiæ prodierint,

rint, & ad priuatos Epistolæ. Si scriptos volu-
isset Christus, scribi mandasset, si Apostoli, non
indiscriminatim, sed in Catalogo legeremus Fi-
dei Christianę capita.

Responsum Lælij.

*Ex Scripturis supra allegatis, ait pag.
150. euidentis esse vniuersalem Regulam,
omnium credendorum, consentienti-
bus etiam Iesuitis, Bellarmino,
Gretsero, Valentia, Co-
stero.*

DE cæpis, Læli. Videte obsecro miram huius
Prædicantis Philosophiam. prudentiùs ille
profectò sapit, quàm apud Æsopum canis quis-
piam, cui cum effigie suâ, in vndis spectatâ, cõ-
trouersum esse caput frustum carnis; vt grandi-
ores ex vndis asportaret bolos, in vndas paruû,
fortunam tamen suam, abiecit. Quidquid in
hunc Prædicantem obiectionum volat, irretor-
to negligit oculo omnia; frustum suum tuetur
mordicus; cum ad obiectiones respondendum,
antiquum illi est, thesin suam confirmare, obie-
ctiones nec ponderare, nec curare. Habes hic
iterum

iterum istius demonstrationem Lector, vide magna prologia, & mecum ride.

§. I.

Lælius non respondet.

Scripturam non esse omnium quæ credenda sunt, vniuersalem Regulam, probaui in *Linguario* pag. 18. quia talem non voluit esse, neque Christus, neque Apostoli, cum nec ille scribi mandârit, nec isti. qui verò iniussi scripserunt, historias, aut ad priuatos, nullâ omnibus communem scripserunt Catechesin; nec Ecclesiam talem vel fecisse, vel recepisse, scitur ex Scripturâ. Lælius his omnibus præteritis, probare incipit pag. 150. aliunde, Scripturam esse vniuersalem regulam Fidei; metuit opinor, ne dum argumenta insectatur contraria, frusti sui iacturam faciat; faciet illam nihilominus. quid enim vniuersalem in Scripturâ hodiernâ quærit Regulam? reperiret si talem Christus esse voluisset. comportatus vel Christi, vel Apostolorum, vel Ecclesiæ posterioris decreto, Canon, seu certus omnium articulorum Fidei syllabus, nō indiscriminatim, & historiarum quasi humeris, sed certâ methodo, quali solent esse libri dogmatici. quasi verò Augustanæ Confessionis venerandi Sartores, prudentius suæ sectæ, quàm ipse

ipse Christus, vel Ecclesia Christi, consuluerit? illi profectò Canonem eiusmodi concinnaturi, dogmata sua non in historià, sed in peculiari volumine, in certa capita digessere articulatim; de Scripturà, de Sacramentis, de Bonis operibus, de alijs sigillatim, non sine discrimine, tractauerunt. Christus, Apostoli, Ecclesia, quantà nomina! nullis memoriæ adiumentis, confusim, ac indistinctè, articulos, quotquot erant, omnes noluerunt scribi, & normam Fidei esse voluerint? diuinare nos quot sint numero Sacramenta maluerint, quàm scire? quid sit Sacramentum, ipsum adeò Baptismum, aliàque apprimè necessaria, multà disquisitione cruere, quàm apertis verbis voluerint lectitare? Duo, tria, septem esse Sacramenta; hoc ritu necessario, aliòque, prout Ecclesiæ tradiderunt administranda esse, non scripserint explicatè, & Fidei arcana, per sacra volumina patefacere constituerint? nimis hæc de Christo rudis cogitatio: pericula omnia longè certiùs, & commoda Ecclesiæ præuidit, quàm Augustanæ concordie discordes fraterculi; meliorem methodo, tam partitè, clarè, ordine tam accurato, ipsi scripserint, & vel noluerint, vel non potuerint idipsū Apostoli, qui Fidei tamen suæ vniuersalem scriptitare voluerunt Regulam? Sed quid in apertis multa? ad pauciora in *Linguario* mutus fuisti,

M

sti,

sti, & ne succubuisse viderêre, semper, aliena saltem, responsitâsti; leuis enim, & facilis via est Prædicanti, ad fugam.

§. II.

Lælius male respondet.

SI non & malitiosè; nam & quæstionis statum peruertit, & ad non quæsitâ, respondet, planum esse ex Scripturis superius allatis, Scripturam vniuersalem esse credendorum omnium regulam: quàm autem planum hoc sit, explanavi, in superioribus meis, ad illas ipsas scripturas, responsis; nihil repeto, sed vt tergiuersationes, à Veritate pressorum Prædicantium, & scitâs cum leo est in viâ, exitiones, obserues, Lector, moneo.

Additamenti loco Bellarminum, Gretserum, Costerum à se stantes, me denique his contrarium producit, sublestå tamen fide; nunquam nec Bellarminus, nec Gretserus, nec alij Scripturam pro vniuersali Regulâ agnouerunt; nullus enim omnium est, qui Traditiones non admittat; Gretserum quàm graphicè in suâ *Script. Loq.* contraria docentem ipse Lælius introducit. quasi verò non possit scriptura *certissima Regula*, aut *norma absoluta* esse, & regula tamen vniuersalis non esse? absoluta regula, & certis-

certissima est cubitus, vniuersalis tamen non est, nam nec liquidorum, nec grauium mensura est. Scriptura ad eum modum absoluta quidem, & perfectissima est regula, omnia qui extra illam, contra illam, & qui in illa sunt, non autem illorum articulorum qui in illa & contra illam non sunt. Ego verò denique Sacra Biblia pro nullâ penitus agnoscam regulâ? audacter hoc pag. 1; 1. affirmat Lælius, verum splendide;

sed motus prestat componere fluctus.

Corollarium.

Lælius iterum in nassam incidit; extricare se non potest, debet etiam inuitus acceptare Traditiones, nam

I. Nullam adfert Scripturam (ex quâ solâ, hoc loco, sua demonstrare debet) quæ testetur, Scripturam esse vniuersalem Regulam, omnium diuinâ Fide credendorum.

II. Nullam adferre potest Scripturam, & tamen credit scripturam esse vniuersalem Regulam credendorum. Cui ergo credit, si scripture hic nihil Loquenti, credere non potest? nonne Traditioni? illi quidem si nobiscum sentiat, nam scripturam esse vniuersalem Regulam, nec scriptura dicit, nec Traditio, quæ contradicit.

M 2

TRA-

VII. TRADITIO.

Articulus Fidei est, sciuisse Thessalonicenses, & credidisse ab Apostolo illis traditum quidpiam, quod in nullâ scripturâ reperimus. Crediderunt ergo Traditioni Thessalonicenses, non Scripturæ.

I. Lælij Responsum.

Ait pag. 151. Si nusquam reperitur, & penitus ignoratur, tunc nec Articulus Fidei, nec Traditio est.

LEpide. tempora distingue, me Prædicans, & concordabis iura: quasi argumentum meum eò respiciat, ut penitus ignorari affirmet id, quod Apostolus dicebat Thessalonicenses scire? non hoc ago, sed omnino contrarium; scitum creditum quid aliquid à Thessalonicensibus doceo, nescitum ab illis ex Scripturâ; fuit enim ipsis dictum tantum, non etiam scriptum; ex illis inquam, de quibus 2. ad Thess. 2. vers. 5. ait, *Non retinetis quod cum adhuc essem apud vos hæc dicebam vobis?* Nobis ergo hodie sunt ista ignota,

ta, ignota tamen non fuerunt Thessalonicensibus, nisi ex scripturâ. Siue sciatur hodie, quid illud sit, *quod detinet*, siue ignoretur, illud in cōtrouersiam non venit, vnum istud declarandum mihi erat, quædam per solum sermonem tradita ab Apostolo fuisse, creditaque à Thessalonicensibus, quæ in nulla scriptura reperimus.

II. Responsum.

Articulum illum, ait pag. 152. non ignotum esse Scripturæ.

Quem illum? *quid detineat, ut reueletur in suo tempore?* de hoc ego loquor, tu verò de quocunque loquaris, erras: Si hic enim est articulus, in scripturâ non est; si alius, non est in controuersia. Augustini sententiam mecum sentientem, citavi in *Linguario*, non recito. quid sit illud *quod detinet* scire totus aueo. finisset pagina, si dixisses, si in scripturâ monstrâsses.

III. Responsum.

Si intelligeretur, ait pag. eadem, quid sit Σεβασμα, & Σεβαςός, sciretur quid sit illud quod detinet.

Viam quaeso te, vel muni, vel monstra, quandoquidem in compito dubium me cernis. Reperturum me dicis, quid sit Σεβασμα. Act. 17. vers. 23. vbi pro Idolo, & simulachro ponitur; quid sit Σεβασός, Act. 25. vers. 21. vbi Augustum, seu Cæsarem significat. Habeo vtrumque, & tibi gratiam Læli. Ite nunc in præcordia Musæ, concilium edico, consilium peto. Sciendum mihi, quod Apostolus Thessalonicenses scire dixerat, *quid sit quod detineat, ut reueletur in suo tempore* Idolum, an Cæsar? an Idolum in Cæsare, an Cæsar in idolo? impedita via, meræ salebræ, errores vndique. Tacetis Musæ? Scio quid sit Σεβασμα, scio quid sit Σεβασός, quod inquirō nescio, quid sit, quod Idolum, seu Cæsarem, detineat ut reueletur. Fare tu Læli apertius, responsum hoc tuum nullum est, ænigma est, malo certus esse, quam suspicari: videris sanè Cæsarem habere pro Anti-christo.

* * *

§. I.

Vtrum omnes articulos Fidei, quos Apostolus per sermonem Theſſalonicenſibus tradidit, Scriptura contineat?

NEgavi in *Linguario* pag 48. & 49. cauſa erat, quod omnia illa, quę iſdem ſcripſerat, in aliâ ſcripturâ non reperiantur. Exemplum erat cap. 4. 2. ad Theſſ. verſus 16. in nullâ aliâ Scripturâ repertus. Eos qui reſidui ſunt, non præuenturos illos qui dormierunt, & illos primò reſurrecturos, deinde illos qui relinquuntur, &c.

I. Reſponſum Lælij.

Nuſquam ait pag. 153. hunc articulum reperiri, ne in Epistolâ quidem citatâ, cum non mortui, non ſint reſurrecturi.

EGone verò non mortuos dixerim hîc reſurrecturos? non dixi, fabula Lælij eſt, non mea ſententia. At in conſpectu ſolis eſt, inquit, hæc mea eſſe verba, clara, liquida, nam pag. 48.

Linguarij disertè legit, vbi insuper, quod priore
 epistolâ, cap. 4. dicit, *Eos qui residui sunt, non
 præuenturos illos qui dormierunt, & illos primò re-
 surrecturos, deinde hos qui relinquuntur.* quis hæc
 aliter intelligat, quàm primò resurrecturos qui
 dormierunt, deinde illos qui non dormierunt?
 quis, inquam ego potiùs, non credat istam scri-
 pturas omnes corrumpendi consuetudinem,
 apud Prædicantes abijisse in naturam? pauca
 verba sunt, quæ ex meo libello recitat Lælius, il-
 la tamen ipsa, quàm pauca sunt, vim Prædican-
 ticam passa, decurtata, & dolo malo, in alienam
 abducta sunt sententiam. Videamus igitur quid
 à me, & non etiam à D. Paulo dictum sit. ais D.
 Paulum non dicere, eos qui relinquuntur resurre-
 cturos, me id dicere. quo loco, Læli? hæc mea
 sunt verba, ausculta; dico; *illos primùm resur-
 rectorum, deinde illos qui relinquuntur, &c.* quid
 dicam Læli intelligis? quid est *rd &c.* quod tu
 scilicet, vt fraudem facias, omittis. si nescis quid
 illud &c. sibi velit, lege verba quæ in Scripturâ
 à me citatâ sequuntur, & reperiies quid sit &c.
 Sunt enim verba in Apostolo sequentia, hoc est
 ista: *deinde illos qui residui sunt, qui relinquuntur,
 simul rapiendos cum prioribus in nubibus.* hoc est il-
 lud &c. quod tu vt non mortuos dexterè mihi
 affingas, ex meâ sententiâ resurrecturos, omit-
 tis. Dedecus! tanti est, vt me tuis risum facias,
 fidem

fidem tuam, famamque afficere? profectò enim:
pro illo &c. quod omisisti, fecisti decumanum
&c.

II. Responsum Lælij.

*Eos qui tunc victuri sunt, non mori-
turos, adeoque non resurrectu-
ros.*

AT hoc quid si demonstrarem tibi ex Scriptu-
râ? omnes sanè qui moriuntur resurgent,
quod fateris ex hoc loco S. Pauli, omnes omni-
no homines moriuntur, *Statutum enim est omni-
bus hominibus semel mori, post hac autem, post mor-
tem, iudicium* ad Hebr. 9. Eccles. 9. Ergo omnes
omnino resurgent; atque adeò, etiam qui vi-
uent, qui residuierunt. Esto autem, non om-
nes morituros dicamus, habebis novum articu-
lum Fidei, ex aliâ Scripturâ probandum, nisi
quod res est, malis confiteri, non omnia
in Biblijs reperiri, quæ Thessalo-
nicensibus scripta fuerunt.
de quo hic solum a-
gimus.

III. Responsum Lælij.

Paulinum istud dogma ait pag. 154. clare contineri in Ioanne cap. 5. & Matth. c. 24.

HEus, mi bone, mane intra oleas; *residuos non praeuenturos illos qui dormierunt; dormientes primò resurrecturos, deinde illos, qui relinquuntur, primum rapiendos, & quod tu dicis, non morituros, quærimus in aliâ, quàm ad Thessalonicenses datâ Scripturâ, Ioannem citas, vt probes mortuos resurrecturos; non egemus hoc testimonio. Citas Mattheum, vt ostendas omnes congregandos à quatuor ventis, nec indigemus isto; alia, quæ inquirimus monstra vbi vbi potes; Ioannes de residuis nullam mentionem, Matthæus inter conuocandos, & iudicandos nullum fecit discrimen tu cum istis ad propositum nihil respondes.*

Itaque neque respondes ad vim argumenti, neque ostendis aliâ Scripturâ quod S. Paulus 1. ad Thess. 4 scripsit, quomodo ea ostendes, quæ non scripsit?

§. II.

Appendix ad has Traditiones.

TRANSUECTIONEM non Equitum, sed *Traditionum* Romanarum adhuc spectauimus; stringas esse voluit omnes Lælius, sed responsa sua talia effecit, ius equi, annulique amisit. Quali autem hanc suam actionem clausit epilogo? Tragico sanè, si vero. Doctores Catholicos commisit, munerarius in speciem magnificus; & quasi nos inter intestinum, vel glisceret, vel diu iam flagrasset bellum, alios ait has, alios alias comportare Traditiones, nunquam concordem, & integrum adhuc earum ordinem comparuisse. Verùm non ideo in partes secedimus, Læli, tametsi hanc iste, illam alius in medium conferat Traditionem; neque enim constitutum nobis est, texere istiusmodi Catalogum; vt Lutheranam doctrinam ostendamus erroneam esse, in quo quidem cum Hercule non laboramus, aliquot Fidei articulos, Scripturæ nec contrarios, nec notos demonstramus. Nullam vos Traditionem admittitis, Scripturâ testatâ vultis omnia, aut tribu mouetis; Scripturam omniloquentem centum hastis propugnatis; Traditionibus valere iussis, scripta esse debere omnia, perenni vociferatione clamitatis: qui
ergò

ergò Traditionem vel vnam probauit , errare vos docuit , & Traditiones Ecclesię approbauit. Certatim ea propter à singulis aliquot proferuntur, nō quod singuli omnes, sed quod aliquos incredulis vobis monstrare, & sententiam vestrā, tam grandi errore impiatā, vel vnicā saltem Traditione , ad salutem creditu necessariā velint damnare. Exspectas tu verò longa descriptas serie Traditiones? actum agis; nec Christus , nec Apostoli capita fidei omnia in ordinem redegerunt, & in Ecclesiā pro regulā proposuerunt: hi Ecclesiam audiendam, voluerunt , quidquid illa definit, definitum est, scribat, dicātue. Huc regulam Fidei collocarunt, tum Christus qui Euangelium suum non tradidit Ecclesiæ scripto, tum Apostoli, qui nec ipsi talem in Ecclesiā canonem scripto promulgarunt, nec ad scripturæ perpendiculum Fidei dogmata, sed ad Ecclesiæ auctoritatem examinarunt, ita cap. 15. Act. ad Apostolos, & presbyteros, non ad scripturam accursum. ita ipse Paulus ad Gal. 2. contulit Euangelij sui doctrinam, non cum scripturā, sed cum Apostolis, & seorsim cum ijs qui videbantur aliquid esse: & erat tamen tunc scriptura, si & regula fuit, cur nullam facit illius mentionem? Hanc ergo Regulam mi Læli, & non scripturam quare, bonum factum si hanc adis , & audis , sin au-

tem

tem, cum Ethnicis, & Publicanis portionem
tuam expecta.

CAPUT XII.

CAput istud Lælius sine titulo, seu sine ca-
pitate esse voluit, parum enim in illo ratio-
nis, ac nerubrum fore sciebat; nam applausus
tantum inanis est, quo primum sibi gratulatur
veluti re bene gestâ, contra me. Deinde quasi
Scriptura, Lælianâ loqueretur linguâ ita merces
suas, quas hederâ non ignorabat indigere, ex-
trusus,

*Cytharâ crinitus lopus,
Personat auratâ.*

Audientiam demus pro Republicâ suâ Sol-
licito, ac vigilantî consuli, qui scissâ veste, sto-
macho indignante, dena de meo promptuario
producit piacula.

I.

Ait pag. 159. Christianam doctrinam, &
sacrâ Volumina antiquas inter Nænias, & fabu-
las aniles à me numerari. Calumnia est, ac pura,
puta, Veritas Prædicantica, contra mentem, ac
certam scientiam in me dicta. Audi, Lector, ti-
biam meam q. 4. parte 3. in *Maculis solis* seu Re-
futatione 2. cap. *Script. Log.* huic Næniæ accl-
nentem.

I.

II. III. IV.

Ex Scripturâ nasci controuersias, Scripturam obscuram esse, Lælio pag. 160. & 161. paradoxum est: certum autem, & liquidum esse, docent eadem *Macula solus*, pronuper demonstratę.

V.

Frustra ad Solius Scripturę perpendiculum vocari ea, quę ad Fidem, ac salutem sunt necessaria, dixeram in *Linguario*, Lælius hanc meam sententiam heteroclitis accenset, debebat ad causas ibidem à me allatas, & à se allegatas respondere prius, tum demum pollicem vertere; sed indignitas rei, linguam, veritas tenuit rationem, mala causa tamen, docuit facere fraudem: Nam infidā tralatione, Latina mea verba succidit, & verbum sibi admodum aduersum, expunxit in vernaculā, vt me Scripturę sacrę contemptorem ostenderet. Neque enim verum est, frustra ad perpendiculum Scripturę articulos Fidei vocari; verum tamen est, frustra ad *Solius* Scripture perpendiculum illos vocari, hoc ego scripsi & probaui, illud finxit de me Lælius.

VI. VII.

Quosdam actus primariò adscribi Deo Patri, quosdam Filio, quosdam Spiritui sancto, reprehendere potes, Læli, non autem refutare, ideo

ideo etiam ad ea quæ pag. 35. *Ling.* respondi, tacitè tacuisti.

VIII.

Præstare è manu vulgi Scripturam eripere, quotidie magis persuadeor, cum illi in tuâ tam sit malè.

IX.

Obstupefcit iterum, iste meus mirio, non constare posse ex Scripturâ Euangelium S. Lucæ, quod hodie lectitamus, esse illud quod S. Lucas scripserat, nec mancum, nec supposititium, sed germanum: & videt tamen Epistolam S. Pauli ad Laodicenses scriptam, penitus interiisse, quæ circumfertur, supposititiam esse. Cur amabo, non potuerit euenire Lucæ, quod S. Paulo euenit? Desine ergò mirari, sed & tacere desine, ad quæstionem, nam omnium nostrum aures iam pridem audituriunt, ex quâ Scripturâ constet, Hoc nostrum Euangelium, Lucæ, esse Lucæ, epistolam S. Pauli ad Laodicenses, non esse S. Pauli.

X.

Qui venit hic fluctus, fluctus supereminet omnes,

Decimum enim est piaculum, & decumanum, ex quo Lælianæ fraudes quasi ex Equo Troiano prorumpunt sturnatim, agminatim. Animum aduerte, Lector, & vide, quàm nihil hic,

hic, ad verilineas, pag. 165. & sequentibus scripserit Lælius. Verba quæ insectatur, hæc sunt:

Clamant ab ipso statim Ecclesiæ exortu Patres, supra cap. 8. Linguarij, & apud alios passim citati, non omnes Fidei articulos esse scriptos; obnunciat unus unicuique diabolulus, & creditur illi, &c. in Epilogo Linguarij.

Quid ad hæc Lælius? quod solent muti cum silent; non silent enim duntaxat, sed & loqui non possunt. Tacet ergo, & diabolicam esse doctrinam, doctorem scilicet diabolo, Luthero instillatam, tacendo fatetur, negare non potest; ut suum hoc tamen coloret silentium, non totus tacet, sed videri vult respondisse, saltem aliena.

Responsum I.

Et principio quidem ac si in Deos pugna-rem, in me spuit, & veluti egomet mihi cælum, Ecclesiâque Romanam inimicârim, cauere me rem malam commonet. Nihil muto, Læli, panicus terror est quem obijcis, contra Deum loquitur, quisquis Traditiones proscribit. ecquis enim uero ante Diabolum, Lutheri execrabilem præceptorem ita locutus est? nisi Hæreticos, neminem nominabis. Arianos, Eunomianos,

mianos, Pelagianos ita loquentes audiuit, & damnauit Ecclesia. Siluit post illa orbis, vsque dum cum Luthero, antiquam pestem Diabolus elucubraret. Cum his nunc loquitur, Lælius, alijsque qui ex infami cucullo, proculcatam illam hæresin iterum imbiberunt.

Responsum II.

Ambas hic buccas inflat, Lælius noster, vnóque nititur diffilare caput octauum Spiritu, diffilat autem? si vera diceret; nunc quia

istud quod non est, dicere Bassa solet,

Ostendit se flare tantum, ac fumos spargere doctum, nam contra suammet mentem certamque scientiam, responsum dat imposturæ varium, vanitate prægnans; ait enim pag. 165. Traditiones à Patribus enumeratas meras esse ceremonias. Hem quanta vanitas! obstupefco tam audacter istud dici posse, tot modis à vero remotum; nam.

I.

Constare id, inquit, ex Tertulliano, quas Patres enumerent Traditiones, & probè nouit, ab Augustino, alijsque Traditiones adferri, de quibus nihil vsquam Tertullianus.

N

II. Ait

II.

Ait Traditiones illas esse meras Ceremonias; & certus est, inter ipsas Tertulliani, à se recensitas Traditiones, esse tales, quæ non sint meræ ceremoniæ, sed articuli Fidei. quid enim oblationes pro defunctis? quid oblationes pro Natalitijs? valere preces, & sacrificia pro mortuis, non est mera ceremonia. pro honore Martyrum sacrificare, non est mera ceremonia. Adde & Purgatorium, quia pro Mortuis legimus oratum.

III.

Per oblationes ait pag. 132. Tertullianum tantum intelligere illas, quæ pro Martyribus, non autem illas, quæ pro alijs defunctis fiebant, contra clara Tertulliani verba; dum enim hic ait *oblationes pro defunctis annuâ die fieri*, satis discriminat diuersi generis oblationes. Ipseque etiam auctor, suorum interpres verborum est, dum Ecclesiæ consuetudinem tunc fuisse, pro defunctis non Martyribus, annuas oblationes offerre, lib. de Monog. cap. 10. testatur quo loco, *pro anima*, ait, *Mariti oret, & refrigerium interim adpostulet ei, & in primâ resurrectione consortium, & offerat annuis diebus dormitionis eius.* Vides morem Ecclesiæ, & mentem Tertulliani Læli?

IV. Per

I V.

Per oblationes insuper negat hîc Lælius intelligi sacrificium Missæ; testem citat S. Cyprianum, epistolâ 34. quem audit, oblationes pro Martyribus institui solitas fuisse, affirmantem. Quâ de causâ sic argumentatur. Iniuriam facit Martyri qui orat pro Martyre; At is qui missas offert pro Martyre, orat pro Martyre, Missa enim Pontificiâ institutione, peccatorum bono est deputata; Ergo iniuriam facit Martyri, offerendo pro illo tanquam pro peccatore indigente eiusmodi piaculo. Aliud ergo aliquid est apud Tertullianum quia etiam aliud est apud Cyprianum oblatio, quàm Missæ sacrificium, quod pro Martyribus offerri non posse, Pontificiâ institutione constat. ô horæ bonæ quo abitis? ad talia argumenta mihi respondendum est, & chartæ, & temporis dispendio. Nec à Papa, Læli, sacrificium Missæ, nec pro solâ peccatorum expiatione est institutum; Christus honori, ac cultui diuino, id instituit; honoramus ergo meritò D E V M in sanctis suis, quorum commemorationes fiunt in sacrificio missæ; hoc nosti ex Cypriano, quem citas, ait enim. *Tertullum fidelissimum & deuotissimum fratrem, significare sibi dies quibus in carcere beati fratres nostri ad immortalitatem, gloriosam mortis exitu, transeunt, & celebrari hîc à fidelibus oblationes,*

nes, & sacrificia ob Commemorationes eorum, &c. quid ergò tam clara verba dissimulas? quid tam audacter Cyprianum, tam tibi apertè contrarium, citas? quid vnicam instituti sacrificij causam adfers? Itane satis tibi est tacere? & malè loqui? &!

V.

Contra mentem præterea suam ait Lælius, SS. Patres de Traditionibus, quæ meræ sunt ceremoniæ concordare, non autem de illis, quæ simul etiam sunt Articuli Fidei, necessario credendi in Ecclesiâ: nam vel ex *Linguario*, cap. 8. quod citat, & ad hanc suam tubam, cum muris Ierichuntinis existimat corruisse, illi constabat, legit enim Antagonistas Traditionum, de quibus loquimur, à Patribus, scriptis libris, damnatos, Arianos ab Augustino lib. 1. contra Max. Macedonianos, Eunomianos, à Basilio, lib. de Spiritu sancto. Eutichianos à Patribus Concilij Chalcedonensis Act. 1. Hi sanè de solis ceremonijs cum Hæreticis non compugnarunt, nam parem Traditionibus cum Scripturâ divina voluerunt esse, in Ecclesiâ auctoritatem.

Quin ipso facem prælucente Tertulliano, vidit Lælius, non de Solis Ceremonijs rem geri; qui tametsi ceremonias Traditionibus immiscuerit, adiecit tamen disertè *Harum*, & *alia-*

rund

rum disciplinarum, Traditio tibi præenditur auctrix, consuetudo confirmatrix, FIDES (vides Læli?) obseruatrix. Et non est profectò mera ceremonia, Læli, Baptismus Infantium; negat S. Augustinus lib. 10. in Genes. cap. 23. hunc de fide constare, nisi *Apostolica esset Traditio.* Nec merè sunt ceremoniæ, de quibus S. Basilii lib. de Spiritu sancto cap. 27. ait *Dogmata quæ in Ecclesia seruantur partim ex Scripturâ, partim ex Traditione, ad nos delata recipimus.* Quod tu ex quibusdam ceremonijs, Traditiones omnes metiaris, meum est effugium, mera tuorum deceptio, ceremonia tibi sollemnis.

VI.

Tertulliani auctoritatem, quam sibi Lælius admodum aduersam, & ineuitabilem videt, nititur bonus vir pag. 128. eleuare, & Hærescos veneno intoxicatum, vellet etiam in hoc, de Traditionibus, testimonio suspectum. frustra es mi Læli, testem hîc Traditionum, non doctorem agit; contestes nisi tot numeraret, suspicionem moueres: vt suspectus sit in alijs, in hoc tamen integer est, nimis illum multi integrum faciunt, tu vnus nihil obtinebis.

VII.

Recrudescunt in Lælio, non agunt cicatrices, accepta à Patribus vulnera; videt nimum

cris litteris confirmatam. Hoc ait docere Augustinum, ille meus Iuris Canonici ocellus. pag. 169. relatum Dist. 9. c. 3. & c. Et credis Læli nobis vel oculos, vel deesse libros, quibus imposturas tuas videre possimus? Nec in 3. nec in 4. nec in 8. nec in 9. nec deniq; in 10. citatę Dist. capite, SS. Patrum scripta, ad sacrarum duntaxat litterarum normam, vt fidem in Ecclesiā mereantur, ab Augustino vocantur, & tamen tot capitibus Lælius hoc nititur confirmare? semel, & in vno fefellisse, nimium erat, quid opus tot, dolo malo, citatis capitibus? Videamus enim uero quam verē Lælius. Cap. 3. ait, Augustinus sacrę Scripturę incunctanter credendum, in istis autem (sua intelligit) quod certum non habebas, nisi certum intellexeris, noli firmum tenere.

Cap. 4. Sicut, inquit, in ipsis maioribus, ita multa esse in tam multis opusculis suis, quę possunt iusto iudicio, & nulla temeritate damnari,

Cap. 9. dicit Scripta Patrum ab auctoritate Canonis differre; Non enim sic leguntur, tanquam ita ex eis testimonium proferatur, vt contra sentire non liceat, scibi fortē aliter sapuerint, quam veritas postulet. In eo quippe numero sumus, vt non dedignemur, etiam nobis dictum ab Apostolo accipere; Et si quid aliter sapitis, id quoque D E V S vobis reuelauit.

Tuam fidem, Lector, facitne Augustinus, Scripturæ sacræ, ne dicam solius expressam mentionem? nec occultam quidem facere in reliquis ipse declarat Augustinus.

Cap. 8. disertè legimus. *Episcoporum autem litteras, quæ post confirmatum Canonem, vel scriptæ sunt, vel scribuntur, & per sermonem fortè sapientiorum, cuiuslibet in eâ re peritioris, & per aliorum Episcoporum grauiorem auctoritatem, doctioremque prudentiam, & per concilia (non per solam sacram Scripturam, vides tuam fraudem Læli) licere reprehendi, si quid in eis fortè deuiatum est à veritate.* Estne hoc bonâ fide agere? his verbis ait Lælius, Augustinum nihil aliud requirere, ad fidem, auctoritati Patrum præstandam, nisi sacræ Scripturæ normam, ac regulam; de quâ quid in his verbis obsecro? quæ Scripturæ mentio? vbi autem solius Scripturæ, vel cogitatio hinc exoriri potest? Sed probat & certum se esse arbitratur ex

Cap. 10. in quo S. Augustinus negat Doctorum Catholicorum scripta adeò æstimanda esse. *Vt nobis, inquit, non liceat saluâ honorificentiam, quæ illis debetur hominibus, aliquid in eorum scriptis improbare, atq; respuere, si fortè inuenerimus quod aliter senserint, quam Veritas habet, diuino adiutorio, vel ab alijs intellecta, vel à nobis.* Nihil hîc Læli de Scripturâ, minus de solâ. normam eorum quæ à Pa-

à Patribus sunt scripta, ratio adhuc, & eruditorum virorum iudicium obtinet ; lege cap. 5. quod ideo prætermisisti, & disce quæ sit Augustini sententia. *Alios, ait, ita lego, ut quantalibet sanctitate, doctrinâq, polleant, non ideo verum putem, quia ipsi ita senserunt, sed quia mihi per alios auctores, vel Canonicas, vel probabiles rationes (vbi Scriptura sola?) quod à vero non abhorreat, persuadere potuerunt.* Atque ita demum Lælius sibi similis esse incipit vbiq; eoque ostendit modo, non aliter abs se Scripturam sacram quam SS. Patrum libros citari : Magnus sanè Doctor, cui quævis Scriptura clarè quidvis loquitur, & quod dicit, & quod non dicit. Æstima Lector, quàm securè Lælio credant suam salutem, qui à linguâ, calamôque Lælij pendent.

I X.

Vt numerum secum sentientium Doctorum faciat, Cyprianum D. Augustino, Patrum scripta, ex Scriptura sacra examinanti, addit testem, oculosque nostros in rem præsentem euocat. Venimus Læli; & vbi ille demum est Cyprianus, qui Patrum scripta, ad perpendiculum Bibliorum deposcit? citas Epistolam 3. Lib. 2. lego illam, sed istorum nihil lego. Ait non offerendam in sacro calice solam aquam, neque vinum solum; idque ex Traditione probat, per figuram, è veteri Testamento, confirmatam.

N 5

quid

quid autem hinc accrescit tibi emolumentum? haud dispicio satis cui bono Cyprianum alleges, nisi si Dialecticâ deductione, quod tibi probandum est, velis demonstrare. potes per me, sed vereor ut sine risu, eorum etiam, qui in supremâ Dialecticorum caucâ spectant. Argumentum, si hoc agis, audiamus. S. Cyprianus Traditionem vnam, à Patribus acceptam, declarat ex Scripturâ, Ergo omnia quæ à Patribus accipimus declaranda sunt ex Scripturâ. Cur amabo non potius, cum ex significatione verbi *Miscuit* Prou. 9. aquam vino mistam euincat, deducis similem consequentiam. S. Cyprianus Traditionem vnam à Patribus acceptam probat ex Grammaticâ, Ergo docet omnes Traditiones Patrum probandas ex Grammaticâ. Meliora forte abs te legerem argumenta, qui in Grammaticâ videris versatior esse, quam in Dialecticâ, declinare enim argumenta, quâ facere doctior es. Itaque in hac citatione tuâ, Læli, lego iterum magnum nomen, paruum argumentum.

X.

Antequam manum Lælius de tabulâ tollat, adnectit vnam adhuc fabulam, ex odium exordio simile facturum. Ait igitur pag. 169. & 170. Iesuitas SS. Patrum censuram affectare, suoque in illos arbitrio uti velle, falsum ait, ut compendio

dio dicam. Iesuitæ cum Ecclesiâ Catholicâ sentiunt, & loquuntur, quæ Magistra Veri, ius omnibus suis Doctoribus dicit, partim ex Scripturâ, partim ex Traditione, semper ex Spiritus S. sibi perpetim assistentis instinctu: hoc ius dicit cum vel per Concilia legitima, vel per Summum Pontificem in Cathedrâ quæ errare non potest, respondet. SS. Patrum auctoritas Ecclesiæ Christi id conducit, ut per eos constet, quid Apostoli, primique crediderint Christiani, articulos enim Fidei non faciunt, sed supponunt, declarant, promulgant: quem sancta Ecclesia non repudiat, non reprobant Iesuitæ: quæ non acceptat Ecclesia, Iesuitæ non agnoscunt. Ecclesia illis est pro norma vniuersali. Scriptura pro certissima quidem, sed nec sola, nec vniuersali Regulâ, cuius decreta acceptant omnia, illisque contradicentibus doctrinis Iesuitæ contradicunt; experiris hoc Læli.

Atque istud denique vltimum huius libelli est caput, saburratum sanè, & non vnâ fraude, cæteris nobilius; debebat enim opus decipiendo Lectori mangoniâ, vnde quaque interpolatum, politumque manu, non solis malè responsis confertim stipari, sed tali ad extremum fine coronari, ut sicut motus grauium corporum centro propior violentior est, ita etiam esset properans ad finem grauior Vaniloquentia.

EPI.

EPILOGVS.

LÆLIANVS ALO-
gus, Paralogus.

QVantò magis Lælio, quàm Chabriæstatuenti ad portas Corinthi, trophæum, dicat Epaminondas vnus aliquis; non *trophæum* sed *Hecataum* se spectare: quæ enim in *Clauæ* Lælianâ lego, Hecataëo propiora esse possunt, quam trophæo; viam enim in auiam monstrant, & sepultæ tam Dialecticæ, quam veritatis sunt monumenta, ita vt vanè sibi gratuletur Lælius, in Epilogo, quasi de hoste Scripturæ sacre, spolia in trophæum collocârit; Hecataum est, mi homo, & in triuio, nō tantum quia responsa, & momenta tua triuialia, & Hecate digna sunt, sed quia ad errores, à vero, Lectorem in hoc Epilogo, tribus modis, quasi è triuio abducere conaris.

Error

Error I.

In solâ Scripturâ Sacrâ, reperiri doctrinam Christi.

HEus vir bone, versamur in ambiguo: vel enim de Scripturâ sacrâ loqueris solâ, vel etiam de sensu Scripturæ. Si de solâ, & nudâ scripturâ, egenum est elementum, littera occidens, os sine medullâ, verbo, Scriptura sacra, doctrina Christi, Verbum Dei, non est. Ad hanc Hæretici prouocare solent, verbis, non rei inherētes: ex istâ clarè legit Arius, Ioan. 14. Christum non esse Deum, cum legit Patrem Christo maiorem esse. ex illâ Nestorius clarè legit, Ioan. 2. v. 19. Christum esse tantum templum Filij Dei; legit enim *soluite templum hoc, & in tribus diebus excitabo illud.* Ex hac quid non Lutherus, quid non legunt Lutherani? quidquid volunt, quidquid libertas Euangelica, quidquid sola Fides suggerit, modò verbulum opportunum, reperiant, quod obtorto quasi collo strangulatum, exclusâ animâ, & sensu Spiritus sancti vero, ac proprio, suis replent commentis. Mens Spiritus sancti Dictatoris spectanda est Læli, si ne quâ Scriptura, Scriptura non est: de quâ neque tu, neque tota vestra Ecclesia certa esse potest.

test. quî possitis enim? Errare in Fide singuli, atque omnes simul potestis, fateris id, imò demonstras ipse, cap. 8. *Script. Loq.* pag. 47. 49. si potestis ergo à vero sensu Scripturæ abire, non potestis ergo ynquam de germano sensu Scripturæ non dubitare.

Et verò vnde cognosces Læli, in controuersijs Scripturæ, de quibus inter nos, imò & inter vos capitalia dissidia sunt, qui vestrum cum Spiritu sancto consentiant? Vbi quætarijne, an vero eorum antagonistæ? errare vtrique possunt, etiam cum se certos arbitrantur: errare tota vestra potest Ecclesia, etiam cum se certam credit; quando ergò, de Scripturâ rectè intellectâ, non meritò dubitabit? quo pacto singuli, suis quas fecerunt fabulis, velificabuntur? quâ ratione certos se ostendent scripturæ interpretes? nullâ prorsus, nisi dubiâ, de errore (cui subditi sunt, apud vos omnes, ac singuli) suspectâ, summum probabili; adeò vt apud vos lites omnes de scripturâ rectè intellectâ, in supercilio Lutheri residant, in quibus terminandis nunquam non reperiatis, quantumuis sub mantello, illud vestri Euangelij fundamentum;

sic volo sic in beo, sit pro ratione voluntas.

Vides

Vides ergo tandem in solâ Scripturâ doctrinam Christi non reperiri? nisi accedat auctoritas falli nescia, nec reperies quidem certò, in Scripturâ, doctrinam Christi: opinio erit, non Fides, quidquid credes. Auctoritas autem illa quæ te tam solidè firmabit, Traditio Ecclesiæ est, illa Scripturam interpretatur, illam audire, oportet, cui suggerit omnia, Magnus ille, omnis veritatis Doctor; non illa tantùm, quæ de doctrinâ Christi scripta sunt, sed & illa, quæ scripta non sunt; quidquid enim illa credendum edicit, de doctrinâ Christi est, à Spiritu sancto illi suggestum, siue scriptum sit, siue non sit scriptum. Nisi fortè Lælius dicat, non esse doctrinam Christi, *hæc quatuor nostra Evangelia esse Verbum Dei*; eò quod nec Christus ipse, nec Apostoli, in Scripturâ leguntur, illa pro Verbo Dei Ecclesiæ proposuisse: sed dicat tunc oportet, non esse articulum Fidei, quatuor ista Evangelia esse Verbum Dei, cum dixerit in *Scripturâ Loquente* cap. 1. q. 1. pag. 1. solam Christi doctrinam esse credendam, cum ergò, hæc quatuor Evangelia esse verbum Dei, Christus nunquam docuerit, non erit doctrina Christi, non erit articulus Fidei, non erit in Scripturâ; vel aliquid quod Christus non docuit erit doctrina Christi, articulus Fidei, & tamen non erit in Scripturâ. quomodo

modo igitur sola Scriptura totam continet doctrinam Christi ? ô Chaos !

Error II.

Catholicos plus deferre Pontifici maximo, quam Scripturæ pag. 173.

Dictum Lælij, non Pythagoræ; extrusit illud maledicendi, & odium Lutheranorum, erga nos, fuculandi libido: meritos se ita detestari credunt, quos Verbo Dei contrarios esse toties docentur. Non sunt Catholici, quales eos Læliani describunt colores; apud nos quidquid Scriptura rectè intellecta dicit, à cælo dictum, certum, sanctum entheum; quidquid Scripturæ contradicit, indictum, atheumque habetur. Quod Scripturæ porro Pontificæ præferamus, passionem suam, & antipathiam magis, quam Iuris Canonici verba considerat; non enim ut malè legit Lælius, Pontificia decreta, in rebus Fidei maioris apud nos auctoritatis sunt, quam Scriptura, cum rectè intelligitur, par vtriusque est auctoritas, idem enim Spiritus sanctus loquitur, siue Scriptura, siue Pontifex, ex Cathedralâ loquatur. quòd si magis ab ore Pontificis Ecclesia, quam à Scripturâ pendere videatur, causa subest, quòd difficultates in Scripturâ

MO-

motas, non scriptura ipsa, sed Papa, & Ecclesia
 Scripturę interpretes, declaret; ille siquidem
fratres in fide confirmare iussus, lites dirimit, haud
 secus, quàm in Vetere Testamento, *Ubique*
quæstio erat de lege, de mandato, de Ceremonijs, de lu-
sificationibus, &c. 2. Paral. Quod autem Papæ
 promuntiata in causis Fidei, & Ecclesiæ, tanti
 sint, hoc Lælio aurem fodicat, lancinat cor, bi-
 lem everso ciet stomacho. Sed commune hoc
 Symptoma Lutheranorum, non tamen noua
 est, sed ex Vetere Testamento, in Ecclesiam
 traducta veritas. Habuit illud caput visibile,
 erroris expers, Christo ipso Cathedram illam
 commendante, in quâ falso nulla esse poterat
 fessio; & mortua illa sit felicitas Sponsæ suæ,
 quæ sine rugâ, sine maculâ voluit esse? An-
 cillam adeò fortunârit, vt ore diuino senten-
 tiam dare indubiam potuerit, & Liberam, non
 æquè saltem felicitet? quæ ratio expeditior
 lites in Religione ortas terminandi, quàm per
 sententiam, ab omni errorum suspitione libe-
 ram? Nec difficile Deo, nec insolens est, hu-
 manam in verba diuina erudire linguam. Chri-
 stus sanè cum pacis non dissensionis sit DEVS,
 viam vtiq; paci muniuit, non soluit discor-
 diarum repagula, soluisset profectò, nisi tribu-
 nal in Ecclesiâ suâ falli, & errare nescium, col-
 locâsser. Hæc vnica via veri, hæc vnica in are-

O

nâ no-

nâ nostrâ tuba est terminalis ; nisi à tali sententiâ, lis nulla finietur ; errare sententiæ , præter talem, possunt omnes ; nusquam ergo tuta fides, nisi talis pronuntiet Prætor, qui in vestrâ Republicâ nullus , in nostrâ, summus Pontifex præsidet, Ecclesiâ. Et nisi tibi Libertinorum factiones præ alijs essent, Læli, non foret operosum Papæ auctoritatem in primâ statim Ecclesiâ, S. Ignatio Martyre, ad Mariam Callabol. teste, agnitam, & tam constanti Doctorum calamo, huc vsque posteratam (quam soli posteriorum ætatum Hæretici, & nostri denique Novatores, Antiochum effodientes, allatrant) in Ecclesiâ Christi videre, & venerari. Verùm, de his aliàs in *Vindicijs* meis, *Modio*, & *Cerâ Vlyssæâ*, dixi, tu lege, & ad rem, quod non soles, responde.

Error III.

Sacram Scripturam in Linguario contemni.

Dicit hoc Lælius, non tantùm in Epilogo, sed ab ovo, vsque ad mala, hanc decantat fabulam. quid si falsum se dicere fateatur ? nã ille, tunc saltem verum diceret. Contemno enimvero ego Scripturam, Læli ? quia naniam, seu

seu febellam anilem voco, ais. non voco; lege fumos tuos, quos tibia tibi submissa, ad Cap. 2. *script. Loq.* exhibilauit iam nuper. calumniatorem te voco ideo, quia contra mentem tuam ac contra verum id de me spargis. Et quæso te egone scripturam contemno, quia condita diuina, sacrasque voco paginas? sacrilegus es, si hoc censes. Contemno ego scripturam, cum illam Spiritus sancti decreta appello? impius es si ita iudicas. quia verò passim his appellationibus, sacra honesto volumina, nonne calumniator es, qui à id me dici publicè negas, & contraria confingis? At obscuram dico, dico difficilem? idèone contemno? contestatur hoc ipsa scriptura, vt in *Maculis Solis* ostendi. contemnis tune Christum obscure, & per parabolas doctrinam suam turbis proponentem? obscurum certè illum S. Marcus 4. dixit, qui nihil Christum sine parabolis locutum esse dixi; an & contempsit? Sed ha-

bes ad ista omnia responsum in

Maculis Solis, ad Cap. 2.

Script. Loq.

APPENDIX.

Utrum Lælius merito dicatur Hæreticus.

SUPMAT ad extremum, bonus vir, tam infamè
 laceffitus appellatione; Hæreticus audire
 non vult, & esse vult. Tuâmet confessione, Læ-
 li, qui Ecclesiam Christi, conturbat, volens con-
 uertere Euangelium Christi Hæreticus est ad
 Gal. 1. Lælius conturbat Ecclesiam Christi, vo-
 lens conuertere Euangelium Christi, docet e-
 nim doctrinam Christi in solâ Scripturâ conti-
 neri, deprauat Epistolas S. Pauli, & scripturam
 vniuersam contra communem sensum omni-
 um retro ætatum, argumentis planè friuolis, vt
 passim in hoc, & prioribus meis libellis, osten-
 di. Suâ ergò confessione Lælius Hæreticus est.
 Sed, Capital facinus! appello Lælium Hæreti-
 cum, pacem Religionis in Imperio violo. Sce-
 lus! quis hoc autem de me? Lælius, pag. 184.
 minatur ibi dira, & diras. At parciùs ista viris:
 Numquid & tu horum hominum es, de quibus
 Comicus inquit,

maleuoli,

*Qui alteri de nihilo audacter dicunt contumeliâ,
 Et qui ipsi sat habent, quod ipsis possit verè dici?*

Eodem

Eodem sanè te pono, & paro; videris enim quæ-
 stui habere, malè loqui melioribus. Tu me, &
 omnes omnino Catholicos, vnâ censurâ, vo-
 cas Hæreticos, in *Script. Log.* pag. 291. cap. 31.
 Scis, Prædicans, qui, & quanti, & vbi sint Catho-
 lici? & cerebrum tibi vritur, cum eadem ad te
 vnum redit appellatio? Tu Summum Pontifi-
 cem nominatim, hoc vocabulo probrosè de-
 honestas, pag. 292. tu illum Idololatram, pag.
 46. tu Antichristum, & filium perditionis eun-
 dem, pag. 146 & alibi liberrimâ impudentiâ
 pronuntiare non vereris; (quantillus tu homu-
 lus es?) & cum te Hæreticum voco, clamas pa-
 cem in Imperio violari? quantus ille verò Prin-
 ceptus est, quem tam inuisis allatrare nominibus,
 tibi tam solemne est? Scarabeum te, cum Aquilâ
 video, cum vos compono: compono autem,
 & comparo? nec si cum soleâ Papæ te conferâ,
 parem fecero. Si pax ergò violata est, vide mi-
 ser, quis ille Legirupio, quis pacis communis
 turbator existat. Tu totam nostram Ecclesiam
 Hæreticam, tu Papam hoc nomine compellare,
 saluo pacis fædere audes, & me ad tuas respon-
 dentem calumnias reum citas? Si pax violata, tu
 violâsti, pace semel ruptâ, scis vtique quid par-
 ti fidem seruanti, ac læsæ concessum sit? ab an-
 tiquo discere.

Frangenti fidem fides frangatur eidem.



EPILOGVS

Ad Lectorem.

Oc habet *Clavis Linguarij*; iam manus, in vulnere est, frustra pollicem vertes, Lector; mirabere tamen mecum, tam intectum pectus, arenæ aleam tentasse: tot enim sciuerit. Lælius esse Fidei Articulos, nullâ Scripturâ testatos, solâ Traditione huc vsque in Ecclesiâ receptos, & liberâ fronte, Traditiones damnet? pilcari, palmâque ob refutatum *Linguarium* donari velit? vt nihil sit virium in toto *Linguario*, ex hoc solo iugulum illi sanguinat, nullâ Machaonis arte recurandum, quod nec, scripturam quidem ipsam Noui Testamenti, ex Scripturâ possit demonstrare, possit ex Solâ Traditione.

Apage igitur cum hac Traditionibus aduersariâ doctrinâ; noua est, à Patribus, & Ecclesiâ, huc vsque, nunquam non damnata, à pestifero inferni hostis seminio, infælicis ad instar
lolij,

loliij, Lutherø, (cum de Missa per nobile fratrum nocturnis rem gerebant horis) ingenerata. Vellet quidem Lælius Apostolicam haberi, antiquam, non nouitiam dici hanc doctrinam; nihil tamen promouet, re contradicente, quantumuis hoc *Clauis* & Ianus summus ab imo prodocet, hoc ad rauim Lælius declamat; hoc nusquam imò probat. Mittet me fortasse Lælius, vt solet, cum supponere, quàm probare tutiùs arbitratur, ad alios, à se editos, libellos, vt ex illis documenta, quæ desidero in *Clauis*, depromam. Bonum factum, ab eo; & ne solus, amabò Lector, comitare tantisper, ac audi iuxta mecum, probantem Lælium, in libello, quem *Basin Fidei* nuncupatione Splendidâ, inscripsit. In eo, pag. 120. quæstio oborta, vtra de nostris sectis, de germanâ Apostolorum doctrinâ esset certior? Itum in partes, ac pro nobis totus propè loquebatur orbis, attestabantur priuatim nobilissimæ Vrbes, Augusta, Norimberga, Ratispona; pro Lutheranis stabat Lælius; qui & inficiari nostra dicta, & contendere non dubitabat, suarum non tantùm esse partium Augustam, Norimbergam, ac Ratisponam, sed semper, quamdiu Christianæ fuerunt, extitisse, nunquam fuisse Pontificias, suâque adeò Fidem, ætatem tulisse, nostram esse hodiernam. Vide DEVM immortalem, Lector, hoc iterum in.

exemplo, Lutheranismi vanitatem, quam & Prædicantes, fucatum caluæ occasione soleant inducere capillitium, & quàm Lutherana plebes, ad capturam facilis, cereâque sit in falsam flecti. verba Lælij hæc sunt q. 90. pag. 121.

Die sachen selbstn belangend / will ich dir so klaren / vnd recht Teutschen bericht thun / daß du es mit Augen sehen / vnd fühlen sollst / was Nürnberg / Regenspurg / vnnnd Augspurg jedesmals von Anfang hero / für ein Glauben gehabt / vnnnd daß sie niemals Catholisch Päpisch / sonderen allezeit Euanzelischer Religion gewest / ic.

Pollicitationes profectò opimæ, non perfunctoria, nec sine magno mure parturitio; discamus ista ex argumento, quo hæc verba nituntur.

Sex Capita Lutherana Catecheseos, quæ scilicet ab Apostolis accepit, crediditque à principio statim Ecclesia, sunt doctrina antiqua, non noua pag. 122. Norimberga, Augusta, Ratisspona, credunt, credideruntque quamdiu Christiana fuerunt, hæc sex Capita pag. eadem. Ergo Norimberga, Augusta Ratisspona credunt, credideruntque doctrinam

anti

antiquam, non nouam : credunt autem Lutheranam, Ergo Lutherana est antiqua, & Apostolorum doctrina ;

Si dijs placet. Habes demonstrationem. Lector, è solidâ quercu. robustam sanè, & à Dædalâ manu, faberrimam; cui tantum inest ponderis, vt er eas quoque trabes, Romanæ Urbis, curuare possit, adeò nihil in illâ verum reperiēs, ne micam quidem. Ostendo. Falsa est propositio, non vno modo. Nam I. Ecclesia ab Apostolis nullam accepit Catechesin, seu doctrinam, certis definitam capitibus. II. Hæc ipsa capita sex, aliter ab Apostolis, aliter à Lutheranis traduntur, qua parte scilicet nobiscum sunt controuersa; atque adeò Ecclesia ab Apostolis acceperit hæc sena capita quo ad verba, & questionēs, quo ad sensum Lutheranum ac responsa, ab illis nihil accepit. III. Hæc sex capita, à Lutheranis proposita, & definita, cum doctrinæ Apostolicæ, & Fidei Ecclesiæ huc vsque traditæ, contrariæ sint, noua sunt, non antiqua. Examinemus porrò Assumptionem; quanti, Deum bonum ! piaculi monstrum ? Norimberga, Augusta, Ratispona credunt, credideruntq, quamdiu Christiana fuerunt, hæc sex Capita, Catechismi Lutherani. Itane verò tam splendida extemporalis meus Rhetor hyperboles ? ô dedecus ! Circumspice Læli Norimbergæ, contemplare Augustam,

stam, peruide Ratisponam, pellege historiam; quid reperies, ante Lutherum, de tuo Catechismo, nobiscum hodie controuersum, extitisse? quo proditum vestigio? omnia templa, fora publica, ædes priuatæ, solam, quam tu vocas, Pontificiam doctrinam, tunc in his vrbibus, toto in Imperio regnâsse vociferantur. VII. Sacramenta credita, vsurpataque è picturâ, è marmore discere potes: Afferuatam SS. Eucharistiam, separata in templis conditoria, adoratam, circumlatam, publici fasti, festa, ac pompæ, totâ vrbe traductæ quotannis, dies ipse tam vbique nominatus, historica deniq; temporum lux illustrent. Sanctos veneratione debitâ cultos, tot testes habes, in his vrbibus, quot parietes, quot templa. Profecto ista talia hæ vrbes, è vestro nō hauserunt Catechismo. Vbi ergo tua sex capita? etiam si centum ex controuersis proferas, nec de vno demonstrabis. Non tulisset in Imperio pientissimus Imp. Carolus V. expulissent, hæc ipsa Augustissimi illius Decessores. Age enim uero Leli, si fuit Augusta Euangelica, si Norimberga, Ratispona, nunquam non hodiernâ vestrâ doctrinâ utebantur, quid opus pactis Passauiensibus, Augustanis, vt tanquam secta Imperio tunc ignota hospitem acciperet tesseram? vident? damnant hanc tuam falsitatem publica S. Imperij instrumenta; ad quæ dum tu sub finem

nem libelli tui prouocas, te ipsum falsitatis accusas. Et quid aio? nec si medius crepas, vel vnum in Imperio locum, ne dicam Augustam, Norimbergam, aut Ratisponam, ostendes, in quo, Luthero adhuc cucullato, Missa proscripta, duo duntaxat Sacramenta numerata, necessaria sub specie vtrâque credita communio, cultus Sanctorum pro Idolomania habitus, Caput Ecclesiæ, Christi in terris Vicarius, non agnitus; & audes hoc de Augustâ, Ratisponâ, ac Norimbergâ publicis scriptis, liberâ linguâ, saluoque colore affirmare? quasi verò tam simus infantes, vt ultra ætatem nostram omnia iaceant nobis incognita; scientia nostra non longius se protendat, quàm nasus? horam propè, mi Læli, non diem tantum, annumque scimus, quæ Pontificia doctrina, Augustæ quidem & Ratisponæ, Lutheri erroribus accisa, decreuit, Norimbergæ, contra pacta, penitus proscripta, caput exulare. Sed tu, bone vir, debebas doctrinâ Lutheri, pro Apostolica, & antiqua vendere; declarare non esse Nouitiam; hoc autem Veritate non permittente, à malo querendum, & quod à Communibus Rhetoricæ locis non erat sperabile, à locis proprijs erat emendandum, falsa que tua conclusio, parcat mihi genius tuus, à mendacio, & quidem bene crasso, ac notorio, loco scilicet Prædicantibus admodum, fami-

familiari, ac proprio, demonstranda. pudeat te tantæ leuitatis; & si æternam metuis infamiam, radere iube quantocius *Basin* tuam, vel (quod vna litura potes) libellum illum falsigerulum, cemma. quamdiu verba, à me superius recitata, in illo legentur, tamdiu trabes nostræ totâ Germaniâ nutabunt.

Agite nunc denique vos quod agitis Ciues Onoldini; si tam crassa vester ducit Lælius filia, cur non videtis? si typo committit publico, tam splendidos, ac nobiles fumos, vt Fidei vestræ *Basin* conficiat, quid creditis? quid credetis? putatis vera? quid audiuiſtis adhuc, quid porro audietis? putatis his veriora? si is qui semel malus, semper præsumitur malus Reg. 8. de Reg. Iur. l. Si cui. ff. de Accus. l. non omnes. ff. de remil. Lælius profectò magna grauabitur præsumptione, in hæc suâ *Clauæ*, & *Basi*, non semel malus; reperietis enim non vnum &c. numerarem pecus, nisi pauperis hic labor esset, & me copia fecisset diuitem; istud loco coronidis adijcere prioribus tandem volui, vt si ex superioribus non satis innotuit, ex hoc vngue leonem cognoscatis, fugiatis. Non facio calumniam, rem apertam dixi; nisi verum dixi, dicite *breuibus Gyaris, aut carcere dignum*:

Neque enim lege Papiâ me tutum præstabo, sed ex l. 11. C. de Exhib. reis. l. vlt. C. de Calumn. talio-